








6285- / B

N. VI

16/E

STC 24038



De Re Haruare nris ad Leon. M. Jo. 4. 1621
65. B. 1

29956

ΛΙΘΟΘΕΩΡΙΚΟΣ,

SIVE,

NIHIL, ALIQUID, OMNIA,

ANTIQVORVM
SAPIENTVM VI-

vis coloribus depicta, Philo-
sophico-theologicè,

In gratiam eorum qui Artem auriferam
Physico-chymicè & piè profitentur.

AVTHORE

IOHANNES THORNBURGH, EPISCOPO
VVIGORNIENSI.

PSAL. 12.


Eloquia Domini, Eloquia pura, sicut probatum ar-
gentum, septies in igne repurgatum.

PSAL. 92.

Vir insipiens non cognoscit, & stultus non intelligit
hæc.

OXONIÆ,

Excudebant IOHANNES LICHFIELD &
IACOBVS SHORT, 1621.





NOBILISSIMO ILLV.

STRISSIMOQVE HEROI,
LODOVICO, Duci Lenoxiæ, Comiti de Rich-
mond, Darnley, Baroni de Settrington, Torbant,
Methven, Summo Scotiæ Camerario & Tha-
lassiarchæ, Aureæ Periscelidis Equiti, & Potentis-
simo Magnæ Britanniæ Regi IACOBO, à Sacris
Consilijs, perpetuam in Christo felicitatem.



VI animam mediam na-
turam, tanquam Hierusa-
lem in medio Nationum
totius mundi gloriam,
ipsam deniq; rerum vir-
tutem in medio consi-
stentem non nouit, de Philosophorum lapi-
de non scribat. Hic enim lapis, secretum
est Naturæ, Sol, ipsam penetrans terram,
Lux in tenebris relucens, & rerum omni-
um, etiam putrefactarum, vita. Sol & ho-
mo generant hominem: Sol & Rebis ge-

nerant lapidem Sol in Philosophorum cœ-
lo, solis est Cor in eorum composito. A so-
le, igniculi & radij, In corde, virtus & vita.
Hinc Animalium, vegetabilium, & minera-
lium procreatio, propagatio, & multiplica-
tio secundum naturam. Da veniam (Lux
Illustrissime) vt sub Tuo patrocinio ante so-
lis mei occasum, ad Philosophorum solem,
penè inaccessibilem accedere, & eius lu-
cem clarissimam aliis conspiciendam effi-
cere, & offerre possim. Quare apud me sta-
tui Philosophorum *Nihil, Aliquid, Omnia* ad
vivum depingere. Perlustratis enim prius
Philosophorum ad vnguem, scriptis, inve-
nit tandem eorum lucem in tenebris habi-
rantem, eorum scilicet, lapidē, cortice suo
delitescentem, & carcere inclusum, satis
strenuè contendentem, vt è cauernis suis
tandem prodire, imò in lucem possit pro-
rumpere. Splendida autem, & illustris vir-
tus vestra hominibus tam summi, quàm in-
fimi gradus, lumine clarissimo, quasi luci-
dissimo speculo, virtutem planè vitalem
exemplariter infundens, suo quasi iure

ven-


vendicat, ut si quid de Sole, de luce, de re-
rum vita, & vivifico earum calore scriba-
tur, Tibi soli dicetur. Etenim cum Philoso-
phorum lapis nihil aliud sit, quàm lux, & re-
rum vita, actus scilicet simplex, cuncta per-
means entia, & ad se cuncta calore vivifico
convertens, nihil magis expetendum cen-
seo, quàm ut lucem illam, & ignea illius spi-
racula, tam ad metalla transmutanda, & ad
eorum fugandas tenebras, quàm ad con-
servandam humanæ vitæ sanitatem, lucu-
lenter faciam apparere. Lux autem illa in
solo Solis tabernaculo, tanquam in domi-
cilio suo quærenda est. Nam in Solis taber-
naculo, Solis est Sol, & eius intimi radij
sunt in eo, & in eo refulgent. Quare in pri-
mo ingressu ad aperiendum serenum sin-
ceri lapidis Philosophici fontem, ut inde ri-
vuli sapientiæ naturalis exundent, opti-
mam duxi incipiendi rationem, à vero lapi-
de angulari & preciosissimo præpotentis
dei filio, humani generis redemptore, luce
illa clarissima, illuminante omnes suos, qui
sunt in mundo, Domino meo Christo Iesu,

quem precibus assiduis humillimè rogo,
& rogabo semper, vt in lumine ejus videam
lumen, illuminans, & hæc scripta mea irra-
dians ad cognitionem & salutem. Et
vt illustrissimus Dux Lenoxiæ, in ter-
ris virtutis laude, vt stella matutina, lon-
gævus luceat: Atq; vt, vinculis hujus vitæ
dissolutis, anima ejus ad beatificam illam
in cœlis lucem, & in beatam sanctorum li-
bertatem, maturè afferatur.

Amplitudini vestræ

addictissimus.

JO. WIGORN.



Ad Lectorem bene-volum.



Vi in Abyssum descendunt, mirabilia dei vident. Abyssus autem est terræ, sicut & aquæ. Atq; terræ abyssus aquam continet, plenam divitiarum domini. Quare dixerunt Philosophi, eorum lapidem in testudine latere. Quod res est loquor, & meretricias orationis vences minimè aucupatus, humili scribendi genere fretus sum, (idq; datâ industriâ) nè Rhetorem potius, quàm Philosophum agerem, & nè veritatem nudam, artemq; per se minùs patentem, verborum involucris reconditam posteritati relinquerem.

Ornari res ipsa negat; contenta diceri.

Nequè enim ornatam illam lectori exhibeo, ipsa res sibi ipsi satis est ornamento. Instituti mei rationem & ordinem velim, vt qui legit, animadvertat. Impare numero gaudet deus. Quid nì & ego, humillimus dei mei servus? Deus triunus est, sic & homo, creatura dei longè preciosissima & præstantissima. Homo ad imaginem dei creatus est, & lapis Philosophorum ad imaginem hominis factus est: vterq; corpore, spiritu, & animâ gaudet. Triplicis gradûs scala, ab infimo ad summum per media, totum conficiendi lapidis processum, per Philosophorum *Nihil, Aliquid, & Omnia* demonstrat, plenior, & planior, quam antehac, sermone, explicata, & descripta. Perpende quæso (lector benevole) quàm lubentissimè patior me in sanctam illam, planèq; divinam meditationem rapi, nempe, quemadmodum non solum lapis ille Philosophicus (cui apud illos tri-vno nomen est) sed etiam vniversæ mundi creatu-

Prefatio.

ræ, triplicitatis quosdam Charecteres in se gerunt, diuinâ Omnipotentis dei manu illis luculentè impressos, ad exprimendam trinitatem sacrosanctam in vnitate, & vnitatem in trinitate, & ad enarrandam Creatoris gloriam, sanctique illius nominis sempiternam laudem. Decet enim Episcopum philosophiam colere, tanquam pedissequam & ministram, ad magistram theologiam, sternentem, & aperientem viam, atq; ita vtriusq; manu ductionem sequi, vt in vtriusq; deo fidelissimè inserviat, promptiusq; demando sibi officio, & munere defungatur. Itaq; philosophi multis argumentis adducti omnes in vniversum creaturas supra subterq; terram, in tria secantes genera, in Animalia, vegetabilia, & mineralia, atq; horum singula ex sale, sulphure, & mercurio consistere asserentes, vehementè hinc, & strenuè contenderunt, omnibus testatum facere, ipsum deum (tanquam propriæ suæ sigillatæ terræ) manifestam notam, & triplex signum, scilicet, potentiæ, bonitatis, & maiestatis diuinæ unicuiq; creaturæ, & simplici vni naturæ, sed tanquam personæ triplici, in sale, sulphure, & mercurio, indidisse. Exploremus (si placet) plantas, & flores vegetante anima imbutos, crassam suam & materialem originem à terra ducentes. Annon fundamentalem suam, & intimam corporietatem à sale? Nonnè tincturam à sulphure? suauitatem verò & odorem à mercurio mutuantur? Neq; enim quisquam literis, & philosophia tinctus, huic nostræ opinioni non astipuletur. Etenim tria hæc, licet arctissimè devincta, & veluti in vnū corpus obsignata sint, & strictissimè conclusa, ad oculū tamen divelli, secer- ni, discerniq; possunt. Quæ cum à se invicem separata, & dissoluta fuerint, tum vel stupido cuiq; & in philosophia nocturnæ clarissimè apparet, philosophorum salem, sulphur, & mercurium, non esse (vt ignarum vulgus loquitur) somnioli, aut figmenti loco habenda. Quid ergo de tribus his dicemus? Sanè sapientiæ discipuli sublimioris cuiusdā,
&

Præfatio.

& maximè divini mysterij similitudinem præ se tulisse illa
tria semper existimarunt; præsertim cum puriores partes
ab omni terrena fæce abhorrentes, in vnitatem essentia
puræ fuerint redactæ. Idem etiam de mineralibus, & quid
ni de belluis perituris sentiendum? Præcipuè verò, & præ
reliquis omnibus creaturis, Deus optimus, maximus, tri-
vius, infudit homini, tanquam operi suo nobilissimo, ani-
mam tri-vnam, non solum vegetativā cum plantis, & sen-
sitivam cum belluis communem, sed etiam intellectualem
illam, quæ immortalis est, & nunquam peritura. Quare
ad effigiem, & Ideam maioris mundi, solum hominem ex-
ornavit Deus: imprimis verò corpore, quo elementorum
& numerum, & naturam refert; tum facultatibus, vegeta-
tiva, qua plantas; sensitiva, qua belluas; intellectualem ani-
mæ claritate, qua ipsos spiritus, & translucidam illam cœ-
lestem machinam; sublimitate etiam intellectus, mentis,
rationis, & sapientiæ, qua intelligentias, & ipsos refert
Angelos, ut latissimè pateat, sacrosanctam trinitatem in
vnitate, & vnitatem in trinitate, quàm clarissimè, & ad
vivum, præcipuè verò præ omnibus alijs creaturis per ip-
sum hominem repræsentari. Cuius rei gratiâ constitutus
homo, corpore, spiritu, & anima, rectè intelligit (quod
creaturæ reliquæ mutæ non intelligunt, licet constent ex
corpore, spiritu, & anima, quia intellectualem carent anima)
decere, & debere hominem apud se semper dicere, cum
beata illa virgine Maria, Magnificat anima mea dominum,
& spiritus meus exultat in deo salvatore meo. Quare au-
tem Animæ imprimis mentionem facit? Certè, quia ani-
ma hominis præstantissima ipsius pars est, maximèque
idonea ad designandam, & indigitandam sacrosanctæ tri-
nitatis gloriam. Hanc enim animam humanam, omnes phi-
losophi cum Aristotele in Topicis tripartitam faciunt, hoc
est, triplici potentia, seu facultate vestitam, intellectu nem-
pe ad cognoscendum, voluntate ad agnoscendum, & me-

Prefatio.

memoriâ ad recensendum mirabilia Creatoris opera. Anima tamen vniuscuiusq; licet triplicem habeat facultatem, vna eademq; est, sicut deus in personis trinus, vnus tamen & idem semper deus est. Meditationem hanc aliquandò à me Anglicè conscriptam, per literas misi ad honoratissimam quandam dominam. Neq; enim gravetur pius lector, si eandem latinè legat. Non enim me pudet, & Anglicè, & latinè cum psalmista quotidie dicere, Anima mea Dominum laudato, omniaque, quæ in me intus existunt, sanctum eius nomen laudibus efferant. Anima mea laudato dominum, mente, & intellectu tuo, & non sicut ij, qui dicunt, & non intelligunt: laudato dominum voluntate tua, hoc est (vt Psalmistæ verbis vtar) strenuè, bono animo, & erecto. Deniq; laudato dominum memoriâ tuâ, infinita ejus beneficia replicante, quæ ab exhausto, & perenni divinæ benignitatis fonte, tanquam pleno amne, dimanarunt. Sed nescio quo pacto, aut quibus technis infestissimus ille humani generis inimicus Diabolus fictam nobis, & fucatam trinitatis speciem semper obtrudit (in qua nullum reverâ tri-unum homogeneum deprehenditur) Mundum nempe, carnem, & seipsum, omnis nequitiae doctorem, à veritate seductorem, verum falsitatis authorem, impietatis omnigenæ patronum, quibus machinis molitur huiusce mundi miseros cosmopolitas in fraudem illicere, & à divina, veraq; trinitate abducere, atq; in ijs tenues illas imaginis divinæ reliquias abolere, omnesq; pietatis, & zeli flammulas extinguere. Deus autem bonus & misericors, qui trinus, & vnus existit, ad repellendum Satanæ furorem, singula nostrorum corpora, animas, & spiritus triplici munivit armaturâ, fide scilicet in Deū, & Christum Iesum; immobili, & firma spe vitæ multò felicioris futuræ, ne caducis hujus mundi in occasum labentis vanitatibus hæreamus; & charitate erga Deum, & proximum (quam scriptura sacra impletionem legis appellat) contra iniustas

Praefatio.

iniustas, & impuras carnis libidines, & prurientis animi motus. Hoc inquam triplici munimine fidei, spei, & charitatis, improbitas omnis diabolica carens fide, omnis pigritia, & desperatio destituta spe, & omnis malitia charitate vacua, ope divina auxiliante, atq; operâ humanâ adnitente, quàm certissimè, citissimèq; retunduntur. Quæ cum ita sint, addiscamus hinc omnes, potentiam, maiestatem, & bonitatem Dei demirari, qui varijs modis in ipsa creatura, veluti in exigua quadam tabula, summam & sanctam suam trinitatem quodammodò adumbravit. Cuius infinitudinem, nec loci, nec dierum spatio terminandam, Philosophi pij per circulum hieroglyphicè designare voluere, cujus centrum ubiq;, circumferentia nusquam. Vale (Lector benèvole) & fac tu, in acquirendo philosophorum lapide, incipias prudenter, & pergas patientèr, vt perficias feliciter.

Salutis tue Studiosissimus,

IO. WIGORN.






Nequid sic restituantur.

Lege pag. 3. lin. 16. aliena. p. 20. l. 1. quid. p. 28. l. 26. cupro p. 32. l. 2. Ni-
hil. p. 38. l. 4. & 8. quem. p. 62. l. 1. Oleaginitatem. p. 64. in marg. Ign. p.
76. l. 2. superfluitatibus. p. 78. l. 17. constringit. p. 82. l. 22. studiosorum.
p. 85. l. 9. perditionem. p. 88. l. 22. est p. 94. l. 8. mari. p. 110. l. ult. preciofo-
rum. *ibid.* in marg. turba.









CAP. I.

*Philosophorum Nihil oritur ex corruptione, solutione,
& prioris apparentis forme privatione.*



VISQVIS in componendo
Philosophorum lapide, ad
Aliquid vult pervenire, a Ni-
hilo incipiat: et qui ad *Omnia*,
per *Aliquid* progrediatur;
quia sicut ad summum non
pervenitur, nisi per media sic

nec ad Philosophorum *Aliquid*, nisi per eorum *Ni-
hil*, nec ad eorum *Omnia*, nisi per *Aliquid*. Isti enim
sunt in opere philosophico certissimi gradus, in
quibus nigredo, albedo, et citrinitas successive.
Quapropter vana, et vacua est inter veros Philoso-
phos positio illa è scholis Philosophorum iam diu
explosa, *ex nihilo nihil fieri*. Quid enim est Philo-
sophorum *Nihil*, nisi quædam quasi privatio, qua
duce, perveniunt ad *Aliquid*, scilicet, per corrup-
tionem unius ad generationem alterius. Eorum
enim *Nihil* ex privatione, corruptione, et putrefac-
tione oritur, continens in se potentiam ad *Aliquid*,
quod quidem *Aliquid* propensionem habet ad
Omnia. Sed de his suo ordine dicēus latius. Interea
non sum nescius in *Chao* physico Philosophorum, &

A

Nihil,

Nihil, et *Aliquid*, etiam et *Omnia* latere. Nos tamen ad rei veritatem apertius exponendam, aptius procedere decrevimus, modo prius à nobis proposito. Primo (autem, dum de *Nihilo* disputamus, animadvertendum est eum nihil agere, qui materiam, quam habet, non reducit ad *Nihil* destruendo, ut materiam, quam quærit, perducit ad *Aliquid* imò ad *Omnia*, quæ in *Aliquo* sunt, construendo.

Ioh. 12. 24. Huius rei exemplum dabo. Dixit Christus salvator, nisi granum frumenti cadens in terram, mortuum fuerit, ipsum solum manet; si verò moriatur, multum profert fructum. Et alibi Paulus, corpus non reviviscet, nisi moriatur. Et *Moriens*. Nihil natum, crescens, vel animatū, nisi post putredinem: Compositum autem corporale, quod per corruptionem moritur, per regenerationem consurgit simplex, et spirituale: & nihil erit in exaltatione sua, nisi prius fuerit in putrefactione sua. Quapropter accipiamus, quod habemus, et apparentem illius formam destruamus per putrefactionem, quæ mors, vel potius (ut loquitur Paracellus) mortificatio dicitur: tunc id, quod per putrefactionem resolutum fuerit, extrudit germen ad novam generationem, & spiritus generativus à vinculis corporeis liberatus, disponit se ad transmutationem, & novæ generationis introductionem, per abolitionem prioris formæ. Quamobrem Philosophi privationem posuere inter tria rerum principia: Norunt enim formam, & materiam constitutiva esse rerum principia; privationem autem

Ioh. 12. 24.

Cor. 15. 1

Lib. de natu. rer.

autem principium transmutativum nominarunt. Si enim præcedat privatio, aut corruptio, necesse est ut oriatur, & sequatur nova rei generatio; quia destructâ unâ formâ, immediatè succedit altera, ut patet in calce de lapidibus confecta, & in vitro de cineribus. Vnusquisq; etiam ignarus, rudis, & indotus Agricola novit, verû illud esse, quod Philosophi dixerunt. Quale autem semen, tale fiet germen: terra verò mater est rerum omnium, (Magna parens terra est:) & omnia in terram redeunt, & suus cuiq; principio est finis, quia,

Omne quod exoritur, terra fit & moritur.

Eodem modo generatur lapis, scilicet, ex semine, per coniunctionem Maris, & femine, activi cum passivo, forme cum materia, & sulphuris cum argento vivo: E squilla autem non nascitur rosa, *Aliena* ~~quæ~~ sunt semper reiicienda.

Sed pullos tales dat, qualis nascitur ales:

Et fructus veris, est sine fraude, sophis.

Ex nuce fit corylus, ex glande fit ardua quercus:

Sed labor in falsis, est sine fruge, sophis.

Destructio autem præcedit constructionem, & corruptio generationem. Occidit aurum, & occidit mercurium. utrumq; moritur, & oritur. Ante mortem non est ortus, & inutilis est sine morte vita. Quare,

Morte mori melius, quàm vitam ducere mortis.

Mors similes simili conditione beat.

Teste *Avicenna*, lapis non fructificat donec ad *Ni-*
bilum perveniat, sed qui aurum novit destruere (in- *Avicen.*
quit *Rosarius*) is ad maximum pervenit arcanum: & *Rosar.*

qui in ortu suo obscuratum videt solem, & statim ova nigrarum gallinarum coniungit cum ere nostro, habet magisterium ad exaltandum solem nostrum. Solis autem nostri obscuritas fit per nostram putrefactionem, quæ omnium naturarum ad invicem ligatarum est solutio, separatio, & prioris apparentis formæ privatio, et in *nihilum* reductio. Atque isto modo *Nihil* nostrum obscuritatem parit prius in nigredine, ut postea *Aliquid* claritatem producat in albedine, & ut *Omnia* perfectionem assequantur & ostendant in citrinitate. Quare putrefactio est imprimis necessaria, ut quasi ad *Nihilum* res redigatur: quia nunquam fit aliquid natum, crescens vel animatum nisi post putrefactionem quæ in Composito nostro *nihil* aliud est nisi humidi cum secundo mortificatio.

CAP. 2.

Philosophorum nihil res est vilis, quæ recto ignis regimine perficitur in rem preciosam.

I Vbent Philosophi, ut accipiamus rem vilem in sterquilinijs. Vnde ignari quæsierunt rem preciosissimam in merdis. Sed res nostra vilis in sterquilinio, est res illa nigra, fetens, corruptioni subiecta, turpis, & immunda, quam ignis noster lavat, nutrit, & perficit, donec caput corvi albedinem induat. Interea tamen, ut homo mortuus in sepulchro,

chro, sic spiritus generativus, occultatus in sepulchro suo, quasi mortuus iacet, & solus manet, donec terre sue beneficio, & naturarum conversione & alteratione, Artifex assiduus patienter (sicut Agricola) expectet, & colligat fructus. Annon *Æsopi* gallus gallinaceus vertebat stercorarium, & inuenit gemmam, Quid, inquit, rem tam nitidam reperio? Sterquilinum nostrum, siue res vilis nostra, sepius est vertenda, & terenda igne nostro à gradu ad gradum, à colore in colorem, ab elemento in elementum, donec gemma preciosissima, tanquam nitidissima, splendidissima, & albilima res appareat: lux enim nostra omnes priores depellit tenebras. Attendite iam viri sapientes, quomodo ex *Nihilo* exurgat *Aliquid*, quomodo ex re mortua produciatur viua, & ex re putida & putrefacta res preciosa & perfecta, quomodo etiam. ex vitulo strangulato oriuntur apes, & quomodo apes ex herbis generant mel, quomodo ex vermibus produciatur sericum, quomodo vivus, & serpentinus vermis nascitur ex crine equino, quomodo (quod ipse vidi) mille diversarum formarum vermes oriuntur ex feno, & fimo equino per mensem, per balneum decocto, quomodo ex stercore Enniano colligere se aurum figurativè dicebat Virgilius, & quomodo ex re vili preciosum, ex sterquilinio gemma, & ex foetenti sepulchro, & fimo equino dulcis odor lucri provenit, ubi natura obstetrix ex utero vniuscuiusque rei suam prolem in lucem excludit.

Bos dat apes, dat equus bruchos, fucos quoq̃ Mul⁹,
 Dat vespas asinus, sic Isydorus ait.

*Alb. da. min.
 Lib. 3. Cap. 6.*

Si talis, & tam facilis sit transitus post spoliationem
 accidentium, & corruptionem formarum in rebus
 nullum inter se symbolum, aut similitudinem haben-
 tibus, sed omnino heterogeneis, quantò (quæso)
 facilius hoc fieri potest in metallis habentibus idem
 principium ex sulphure, & mercurio, ut omnes at-
 testantur Philosophi, cum, tempore opportuno na-
 tura per se agat, & nos naturæ administremus per
 putrefactionem, in convenientibus, similibus, &
 homogeneis. Nam omnia composita generari &
 corrumpi possunt: & quæ corrumpuntur a forma
 in formam facile transeunt: Facilius autem metalla
 quæ communem & eandem inter se habent pri-
 mam materiam, licet forma & specie differant. Ha-
 bent enim Symbolum in materia, virtutibus, &
 potentijs naturalibus: & facilis est eorum trans-
 mutatio adinuicem, quia actiua virtute post priua-
 tionem prioris formæ, forma in formam transit. Non
 tamen dicimus priuationem esse causam effectiuam
 ipsius transmutationis de forma in formam, sed oc-
 casionem tantum & causam sine qua non. Vera au-
 tem & efficiens causa, est rerum agens Naturale,
 quod prædominans imprimit aliquando formam
 priori contrariam, sed semper materię convenien-
 tem & necessariam. Sed queri solet, quam-
 diu in putrefactione nostrum *Nihil* maneat, & lateat
 in oculo fabæ nigro, & quantum illi temporis assigna-
 tur.

rur. Et dicimus quod aliqui imponunt centum, &
 quinquaginta dies, alij plus, alij minus, & corvum
 in columbam conversum paucis postea diebus di-
 cunt. Sed quia diversos terminos decoctionis
 perfectę posuerunt Philosophi, nos regimen
 ignis ponimus, distinguendo inter frigidum, &
 calidum, ut pars lapidis adhuc non fixa, non fugiat,
 sed paulatim coquendo ignem sufferre, & sus-
 tinere possit continuum, & nullū certum statuimus
 spatium inter principium, & finem decoctionis:
 quia iubet *Raymundus*, ut lapis ponatur in vase phi-^{Bonellus.}
 losophico in principio veris (scilicet philosophici)
 & permittatur, donec rota materia denigretur. In
 ea enim est, quod seipsam emendet, nisi igne nimio,^{Zygon.}
 vel nimia festinantia fugiat, & qui lapidis naturas
 nōrit, prolixitatem coquendi sustineret, donec pro-
 positū nutu dei extraheret. Sat citò, si lat bene. Sed
 festinando plerumquē fit, quod,

Res quę sita morā, parvā consumitur horā:

Accidit in puncto, quod non contingit in anno.
 Qua propter hoc vnum solum admonemus. Artifi-
 cem, ne ignem accendat solito vehementiorem, sed
 levi igne exciter, & extrahat corrūpentes humi-
 ditates, & suaviter separet subtile à grosso cū mag-^{Hermes.}
 no ingenio, donec tenebrę recedant, & oriatur
 lux. Gloriosa enim thesauri arca non aperitur, nisi
 cum damno, donec nebula nigra calore solis, decoc-
 tione diligente, & lenta, equali, & continuā evane-
 scat, & in albedinem convertatur: festina lentē: fes-
 tinans canis cęcos parit catulos; & fructus nimis
 citò

citò maturus, subitò arescit. Ipsa verò natura in motu suo tempus habet suum, coeundi inpregnandi, parturiendi, nutriendi, & perficiendi. Interea occulta virtus, digesta & decocta in minera nostra per naturę opus, spiritus scilicet vitę manet latens in corpore suo fortiter compacto, donec paululum, & paulatim, quasi per gardus lentos possit prodire ex cavernis suis beneficio putrefactionis, quę omnem rem ad *Nihilum* prius reducit, ut ex *Nihilo Aliquid*, imò *Omnia* quę in eo sunt, ex se, & per se producat. Quapropter rectè Geber præcipit, ut lentus sit ignis, qui humiditatis naturalis, sive radicalis sit conservativus, & fusionis tributivus, quia vehementior & intensior ignis humiditatis est consumptivus, & dissipat, imò destruit opus, violento igne vitrificante materiã, & cogente partes grossas simul ascendere cum subtilibus. Proinde separetur aqua, vel anima à corpore suo, & extrahatur à radio solis umbra sua ut in solutione illa magnesia fiat nigra, & draco niger-rissus corrodens Caudam suam: tunc inde exhibit aqua quę vocatur à philosophis Sperma, anima, aer, ventus, vita domũ illuminans, lux meridiana, argenteum viuum nostrum, lac virginis, totum secretum.

CAP. 3.

*Docet quomodo ex Philosophorum Nihilo, eorum sulphur,
latens in mortuo Magnesie corpore, consequi
possimus, & quid sit Magnesie.*

Qui querit sulphur irradians nostrum, faciat
pacem inter solem, & eius uxorem: ita ut *Scala.*
non separentur ab invicē, sed immisceantur
inseparabiliter. Quod quidem fit, quando per ex-
tractionem utriusque nature, ambo interficiuntur,
& postea resuscitantur nova resurrectione, ita ut
quasi immortalitatem postea induere videantur.
Quomodo autem sulphur irradians (quod virtus
occulta, & ignis vivus, & simplex dicitur) consequi
poterimus, in receptis suis Philosophi non docent.
Ego autem misericordia motus erga studiosos &
diligentes artis filios, rem ipsam acu tangam. O-
porteret prius, ut nostra levi, & lenta decoctione, pu-
trefactionis calore, & ovorum Philosophorum
nutritione, virum cum uxore sua redigamus in
Nihilum, ita ut corrumpi, & mori, non autem
funditus perire faciamus, igne philosophico, qui
est calor solis, unde sulphur, quod non reperitur
super terram: digestum tamen, & decoctum in terra
solis reperiatur, & ex ea producat per
aquam mercurialem. Guttatim stillat humidum,
tunc simul reddendo sudorem suum, teritur durum,
atque illa, quę sic commoriuntur coniugio corporali,
B vivificantur

viuificantur matrimonio celesti, teste Philosopho, dicente, Qui mecum moritur, mecum oritur; & Hieronymo optimo theologo, *Nihil* oritur, nisi quod prius moritur. Mors autem nihil est, nomine tantum aliquid, sed reuera nihil, quia privatio. Non enim in predicamentis ponitur privatio per se, nec in rerū serie stat, nisi gratiā illius, cuius est privatio. Neq̃ inter creaturas Dei habentur mors, & infernus. Intrarunt enim per peccatū, & propter peccatum. Confitemur autem mortem esse viam Regiā ad vitam nouam, & priore vitā depositā, & deperditā, ad vitam longē meliorem, quia ad immortalem & à peccato, maledictione, & corruptione liberā.

Chrys. in Lazar. Mors enim non est omnino annihilatio sed reuolutio. Beata certē, & ante omnia desideranda mors est, quę vtriusque lanuę valvas latiūs aperit, vt via ad vitam apertius pateat. Quamobrem iubet incognitus author, vt accipiamus lapidem suspensum super mare (nomen eius Victor) Cum eo, inquit, perime viua, & viuifica perempta: in eo enim sunt mors, & vita. O scientiam præclarissimam! quę quasi theatrum vniversę naturę existis, eiꝯque anatomia, astrologia terrestis, argumentum Omnipotentię Dei, testimonium resurrectionis mortuorum, exemplum remissionis peccatorum, & speculū beatitudinis eterne. Hanc tamen longē præclarissimam scientiam nihili estimant insipientes, & ignari: & merito, quia non nōrunt sapientum *Nihil*. Absit etiam vt indigni nostrū *Nihil* intelligant, occludan-

tur

tur potius cæcorum oculi, ne videant gloriam Dei
 in mirabilibus naturæ. Hoc autem vnum velim, in-
 telligant, quicunque præclarissimæ huic arti operā
 dant, quod necesse est, ut qui intelligunt nostrum
Nihil, extrahant de corpore mortuo latentem, et
 inclusum suum spiritum, qui postea mortuo Mag-
 nesia corpori vitam exhibeat. Separatus enim spi-
 ritus à corpore suo in nebulas nigras super corpus
 ascendit, & avolat in fenum, nisi cautè eum Arti-
 fex custodiat. Sed si firmitè inclusum sigillo Her-
 metis eum capiat, hic certè spiritus introducit no-
 vam, & meliorem formam corpori corrupto, cum
 semel pervenerit ad digestionis, & sublimitatis finē.
 Magnesia autem est tota illa mixtio, de qua extra-
 hitur humiditas illa, quæ argentum vivum nostrum
 vocatur. Et dici debet nostrum, quia non est vulgi,
 nec quilibet mercurius, sed solus ille, circa quem na-
 tura suas primas operationes determinavit ad na-
 turam metallicam. Atque hæc humiditas (quæ etiā
 aliquando dicitur sulphur) extracta per magisteriū,
 vocatur Draco, qui totum compositum, à nigre-
 dine privatum, & à morte liberatum, in corpus il-
 lustre, imò illustratum producit, donec ipsissimum
 corpus anima vocetur. Et licet diversificatur nomi-
 na eius, tamen vna semper sola res est, & de eādē
 re. Non enim introducit in naturā, quod in ea nō
 est de sua natura. Quare oportet, ut agens, & pati-
 ens sint in genere res vna, & eadem: in specie autem
 altera, & diversa, secundum mercurium, quo diversi-

Lad: puer.

Flamel.

ficatur mulier à viro, quia licet in vno genere con-
veniunt, tamen inter se differentiâ distinguntur &
differunt sicut materia, & forma. Atque sic corpo-
ra in melius convertuntur, cum in conversione
corpora prius interimuntur, & in nihilum redigun-
tur, granaq; corporis in mortem prosternuntur, &
totaliter mortificantur, vt inde oriatur mercurius
noster, tingens omne corpus in solem, vel lunam, se-
cundum quod lapis sit finaliter præparatus. Primò
enim componimus, tum compositum solvimus,
putrefacimus (quia nil nascitur, nisi prius putrescat)
putrefactum abluimus à corrumpente impuritate,
ablutum coagulamus, vt aqua suaviter desicceretur,
coagulatum calcinamus, calcinatum figimus, vt de
fixo, & in summum sublimato statum, habeamus
tingentem mercurium fluentem, sicut fluit cera
igni apposita. Sed de tingente mercurio dicemus
latius, cum ad *Omnia* pervenerimus. Interea intelli-
gamus quòd in nihilo sive putrefactione nostra sit
solis & lune, artificialis & spiritualis Coniunctio: &
tinctura solis mirum in modum se dissolvit & dif-
fundit in aqua lune limpida; nam tinctura solis ali-
ter non tingeret, si careret suo receptaculo idoneo,
in amborũ coniunctione spirituali. Obrutum enim
non pungit, nec aurum quatenus solidum & com-
pactum est corpus, tingit. sed ex vero solis cum
luna matrimonio fit verus coitus; ex vero coitu
impregnatio vera; ex vera impregnatione verus
partus. Sol autem pater est, & habet sui spermatis
receptaculum.

receptaculum lunā, quę ab Hermete dicitur mater. In patre est sperma masculinū, in matre femininum. Illud rubeū est & calidū: Istud album et frigidum: et in spiritali amborum coniunctione, corporea fiunt, incorporea, subtilia, depurata & viua post putrefactionem, & simpliciora fiunt compositis longē præstantiora & perfectiora, & fortius mirabiliūq̃ regenerata sua simplicitate agunt.

CAP. 4.

Nostrium Nihil clavis est totius artis.

NOs autem nosmetipsos accingamus ad Philosophorū *Nihil*, cum de eo nunc sit sermo. *Nihil* enim nostrum in corruptione sua maximam affert emolumentispen, eò quòd apparens putrefactio perfectū probat coniunctionis *Isaac* est signum, sine qua nulla fixio inter spiritum, animam, & corpus accidit. Est enim nigredo in putrefactione, & putrefactio in nigredine, atq̃ hoc secretum est, & signum dissoluti corporis, sine quo non fit progressus ad generationem inter masculum, & foeminam amoris vinculo. Appetit autem volatile fixum, & fixum volatile, corpus spiritum, & spiritus corpus, aqua terram, & terra aquam, sicut causa effectum, & effectus causam, non aliter quam Mas trahit foeminam, & foemina marem appetitu naturali. Vbi autē naturalis est appetitus, ibi & attractio,

vbi attractio, ibi secundum naturam retentio, in retentione digestio, & per consequens superfluum tandem expulsio, & impurorum evacuatio. Quare, qui solvit in putrido, & coagulat in puro, totum perficit magisteriū. vis enim eius integra est, si versa fuerit in terram. Quamobrē letetur in laboratorio suo artifex quia hoc ipso nigredinis signo, semen, quod querit, germinare conspiciet. Quid enim aliud est instar picis nigredo, quā corporis soluti verum indicium, & novę formę (corrupta priore) introductio. Ob eam itaque causam *Nihil* nostrum clavis artis, et operis dicitur. Et qui per hanc clavem non ingreditur, exclusus pullet cum insipientibus quia ianua clauditur et aperiri non potest. Compāctū enim firmiter corpus, sine clave nostra, inane, et inanime manet, ut prius. Sed qui clavem habet nostrā, huic fit introitus ad *Aliquid*, et per *Aliquid*, ad tincturam, quam quærimus, in qua *Omnia*. Itaque qui rectē cupit procedere, sedeat prius sub vmbra tenebrarum, et mortis, ut lucem, et vitam, quam quærit, inveniat lætus. Est enim *Nihil* nostrum, in quo nigredo, principiū medicinæ, et (ut inquit Lulius) pessimē sentiunt, qui nigredinem pro impuritate habent. Non enim impuritas, sed humiditas aquosa, et adustiva parit nigredinē, corrumpit opus, et tingit in colorem, qui a sapientibus dicitur Saturnus, vel plumbum, vel æs propter suam nigredinem. Apparente itaque nigredine, scias te rectam invenisse operandi viam, et in sepulchro suo sepeliisse virum

virum cum vxore sua in fimo equino, cuius fimi significatio est apud Philosophos obscura transfigu- *Phenix.*
ratio, et in nigredinem conversio. Ideoque letari
potes, quia donum maximum tibi à deo concessum
est, ubi color tibi signum sit in magisterio totius
operis, & in primis finis visui tuo pateat, & postea
mutatio operis à colore in colorem te semper do-
ceat. Nam qui bene novit destruere, novit etiam
bene construere, & qui celum cum forma facit
concubere, celum cum forma facit concipere, quia
ex putrefactione purificatio, ex nigredine albedo,
ex immunditie ablutio, & ex *Nihilo Aliquid.* Atque
sic grossum factum est gracile, leve ponderosum, *Aquinas.*
asperum molle, & dulce amarum per conversionem
naturarum, & virtute nostri ignis occulti.

Quapropter quia vnumquodque colorem, & nativum
calorem habens, vitam etiam habere dicitur, Philo-
sophi studuerunt eam occidere, & ad Nihilum re-
ducere, ut postea vitam quasi perpetuam ei redderent.
Hoc autem fit, cum azoc, & ignis totam obscurita-
tem evellentes, opus suum perficiunt. Fatcor nostrum
nigrum Saturnum patrem esse Iovis, sed iratus Iu-
piter abscindit patri genitalia acuta cum falce: geni-
talia Saturni in mare cadunt, & ex eorum sanguine,
simul cum maris spuma genita est Venus. Hinc in
opere varij colores, nigredo Saturni, albedo Iovis,
& Veneris citrinitas. Dicit ergo Rosarius, quod
quicumque vult intrare Rosarium, & ibi videre, & ha-
bere rosas tam albas, quam rubecas absque re nostra
vili,

vili, & absque clave nostra, cum qua nostrę reseraturę referentur, ille assimilabitur homini, ambulare volenti absque pedibus, quia in illa re vili est clavis, ex qua septem portę metallicę aperiuntur, & absque illa re vili nunquam preciosum perficitur. Perficitur autem solutione, vbi calor agens in humido primò efficit nigredinem, & agens in sicco operatur albedinem, & in albo citrinitatem; effodiatur ergo Draconi sepulchrum, & sepeliatur illic mulier cum eo, donec totus vertatur in sanguinem. Sed sistamus gradum: huc enim non adhuc tam celeri pede pervenimus.

Theophil.

CAP. 5.

Nihil philosophorum parit mortem, mors factorem, factor venenum. Sed Virtus Nihili Philosophorum, potenter & naturaliter se ostendit in essentiali, occulta, & invisibili rerum forma, unde nova, & excellens creatura exurgit.

PErpendamus paululùm in nigredine nostrum *Nihil*, eius bonitatem, & virtutem expectantes expectemus. In eo enim dominatur ob-
Avicen. scura femina, apparens in corporis dissolutione, vbi corruptio putrefactionis in re nostra vili fit per calorem, agentem in humido, vbi etiam calor connectens humidum, generat primò nigredinem, adeoque obscuratus est sol in ortu suo. Est hæc denigratio

gratio est operis initium, corruptionis signum, putrefactionis indicium, certum commixtionis humidi cum sicco principium, solutionis corporis signum, et susceptio utriusque in alterum. Neque enim aliquid generatur ex altero, nisi prius præcedat corruptio. Itaque incipiendum est a putrefactione, quæ nihil aliud est, quam corruptio, et destructio, quam etiam nos nostrum *Nihil* vocitamus.

Ortus cuncta suos repetunt, matremque requirunt,

Et redit ad nihilum, quod fuit ante nihil.

Cum enim per putrefactionem destruitur materia cum visibili externa forma metalli, si sciscitetur quispiam quid hoc? Respondendum sanè *Nihil*: fuit fortassis aurum, argentum, vel mercurius, vel unum, vel duo ex his simul, at in putrefactione, nec aurum est, nec argentum, nec mercurius. Quid ergo est? certè *Nihil*, quoad priorem materialem formam *Nihil*, & nullo insignitum proprio nomine. Vocatur tamen aliquando caput corvi, propter nigredinem in dissolutione, aliquando cadaver, propter foetorem in mortificatione: Et si nunc frangatur vitrum & referetur sepulchrum in quo clauditur nostrum *Nihil*, hoc certè *Nihil* venenum est mortiferum, imò ipsam in olla mortem inveniemus.

Nam tacet in tumultu rosa mundi, non rosa munda,

Non redolens, sed olens, quæ redolere solet.

Procul hinc, procul ite magistri. nam illius mulieris venter armis est plenus, & veneno. Ecce *Nihil* nostrum mortem operatur, & mors, ut antea dictum

Theophr.

tum

tum est, nihil est. *Nihil* enim meritiò dici debet,
 quod in rerum natura esse non habet. Sed sicut per
 mortem transitus fit ad vitam, sic per nostrum
Nihil via patet aperta ad *Aliquid*, & venenum nos-
 trum nos ad prestantissimam, & preciosissimam
 ducit medicinam, si eo rectè utamur. Imprimis au-
 tem sciendum est, quòd per putrefactionem, &
Rosar. putridi fractionem, omnis res digeritur, & in illa
 digestionem fit fractio inter putridum (id est fæti-
 dum) & mundum, vel (ut magis loquar philoso-
 phicè) inter materiale, & essentielle formam:
 forma enim essentialis mundi corporis, etiam in
 materie corruptione illæsa manet, ideoque im-
--- mediatè crescit, & multiplicatur in se, ut patet in
 grano, quod postquam stetit per aliquos dies sub
 calore terræ, tumescit in putredinem, ut quod
 mundum est in eo, crescat, & multiplicetur, immun-
 dum autem, & corruptum evanescat. Huius rei
 ratio est, quòd liberatus spiritus captivus corpore
 suo, virtutem, & essentiam suam potenter, & natu-
 raliter ostendit. Non enim corrumpitur lapis, ut
 mortuus maneat, sed ut mundetur, & vivificetur, &
 ut à damno in lucrum, à corruptione in renova-
 tionem, à malo in melius, à nigro in album, ab im-
 mundo in mundum, & ab ipsa morte in vitam con-
 vertatur, teste Morieno dicente, Terra cum aqua
Morien. putrescit, & cum aqua mundificatur. Putrefacti-
 onem enim sequitur ablutio, & omnis obscuritas
 penitus deletur. Etenim licet inanime & mortuum
 corpus

corpus videatur, cum tamen aqua nostra è corpore animam suam semel extraxerit, rediens & descendens aqua corpus penetrat, & spirituale efficit, reddendo, & infundendo animam suam, ut corpus mortuum reviviscat. Sed quæri solet, an omnes creaturæ possidentes in se semen suum, in semine suo putrescant, & pariant nigredinem, priusquam multiplicentur, & crescant. Nos autem respondemus quòd in vegetabili, & animali id semper solet fieri: in metallico autem corpore non fit, nisi ad primam materiam reducatur. Prima autem materia aqua est permanens, vivificans corpus, ideoque aqua vitæ vocatur, lac etiam virginis, herba abluionis & fons animalis, de quo fonte qui bibit, non moritur. Secretum hoc, in quo tota occultatur scientia.

Capiat, qui potest: ille, qui capit, captivum habet mercurium philosophorum, & servum fugitivum, qui, cum capitur, præfert se auro, & fit auro mille ^{Res.} fies preciosior. Hic certè mercurius est ille, ex quo deus omnes creavit mineras. Atque hunc nos profundum, & occultum scimus ipsius corporis & erigens ipsum. Quapropter studuerunt philosophi, illorum etiam lapidem mineralem componere ex humido illorum minerali, & vapore vinctuoso, extracto à corpore interempto, & ab vnoquoque corporis grano, morte prostrato, & totaliter interfecto, sed cum conservatione speciei, & essentię suę. Annon adhuc vnusquisque filius artis planè, pleneq; intelligit quomodo oriatur nostrum *Nihil*, *Ali.*

Quid, etiam & *Omnia* ex putrefactione? Quod enim est vapor ille mineralis, & humidum illud vinctuosum radicale, nisi omninò *Nihil*, nihil, inquam, nec tibi, nec mihi, sed citissimè in auras avolans, nisi liberatum corpore suo, inclusum tamen vitro, tanquam novo carcere fortiter detineas, donec duo obviantes spiritus læti (natura enim naturâ gaudet) corpora mortua vivificent, unde eorum *Nihil* in aliquod magnum, potens, supereminens, sublimatum, & excellens exurgat. At verò vapor ille vitæ, & vivificans, qui etiam Draco dicitur, quam diu cum fratre, & sorore sua manet in eorum mortificatione, *Nihil* dici debet, donec ab illis, tanquam à morte resurgat, ut postea fiat aqua permanens.

CAP. 6.

Quomodo invisibilis formalis pars, quæ est argentum vivum philosophorum, & metallorum semen, extrahatur à composito in Nihilum redacto.

QUoniam verò sol, & luna aliquando frater, aliquando soror, aliquando pater, & mater lapidis dicuntur, & etiam aliquando in operatione lapidis terra, vel nutritrix appellantur, scire oportet Artificem, quòd materia prima in quam resolvenda sunt sol, & luna, est (ut inquit Ripleus) materia prima propinqua, quæ in animalibus sperma, in vegetabilibus semen, in mineralibus sulphur,

sulphur, & argentum vivum (supple) philosophorum nuncupatur. Argentum autem vivum vulgi non est de magisterio lapidis, nec cum ipso extrahitur convenienter argentum vivum philosophorum ex auro, vel argento, neq; aurum ipsum in sua natura aptum est ad hoc, vt ex ipso fiat aurum philosophorum: differunt enim inter se, quę sunt philosophorum, & quę sunt vulgi. Philosophorum enim aurum est formalis pars auri, sed vulgi aurum est totum auri compositum. Oportet itaq; corrumpere compositum, vt ex eo possit elixir generari, quod est sulphur philosophorum. Et licet sulphur vel (vt ita dicam) semen metallicum corrumpatur, & quoad apparentiam, quasi penitus destruat, quod aliquo modo propter vegetationem, & incrementum vegetabile, & propter animationem, animale dici potest: nullo tamen modo ita corrumpitur, atque ita destruitur, vt penitus omnis vitę, & vivificationis spes tollatur. Manet enim materia semper sub aliqua forma, vnde soluta prima corporis forma, & ad *Nihil* (quoad priorem formam) redacta, introducitur statim (vt antea dictum est) nova forma, post corruptam corporis perfecti priorem apparentem formam. Atque hęc nova forma est in primis in colore nigra, in odore fetida, & in tactu subtilis, & discontinua, ita vt respectu destructę prioris lucidę, & luculenter apparentis formę, merito *Nihil* nunc dici possit, & debeat.

Comparativa enim est hęc loquutio, & non simpli-

citer dicta, quę de nostro *Nibilo* dicitur. Neque enim dicimus *Nihil* nostrum, sive nigredinem, & corruptionem ipsam esse causam per se efficientem ipsius transmutationis de forma in formam, sed tantum occasionem, & (vt Titelmannus loquitur de privatione) causam sine qua non, sicut prius cap. 2. dictum est. Causam autem verè efficientem novimus esse agens naturale, quod prædominans in aliqua perfecta forma, imprimit in materiam formam, quam vult introducere, & transire facit materie formam activa sua virtute in formam convenientem, & acquisitam. Quare in solutione putrescit corpus, & in putrefactione solvitur, & in vtriusque mutatur, & non manet, quod prius fuerat, sed concurrente solutione, & putrefactione, mortuum appa-rens corpus, & ad nihilum deductum, in melius transformatur; quod, si mortuum non fuerit, solum manet: Si autem mortuum fuerit, fructum multum affert.

Cum videas lethum, tibi dicas te fore letum. Queri autem solet, quomodo sulphur, sive mercurius, sive semen, sive prima materia, ex vnoquoque corpore minerali, præsertim è corpore perfecto, & fortiter compacto extrahi possit. Nos autem respondemus cum Alano, extrahitur medio spiritus mercurij. Ille enim spiritus instrumentum est materiale putrefactionis, solutionis principium, et completio: et eadem solutio est verum operis principium, et temperatus calor causa movens ad putrefactionem,

trefactionem, et solutionem, quia calor agens in humidum parit nigredinem: Et qui nunc non novit extrahere perfectu corporis materiam primam, & ipsum semen ad generationem novam, toto se sciat aberrare celo. Medium autem extrahendi nos vocamus illud, quod de duabus extremitatibus participat, humiditatis scilicet, et siccitatis. Et per hoc medium trahimus argentum vivum philosophorum, sulphur, semen, et primam materiam eorum à cavernis suis, et reducimus lapidem ad suam primam naturam, purgatum ab originali macula. Hec autem extractio, licet non vna vice, vel die vno simul et semel accidat, Accidit tamen singulis horis, et horarum momentis, paululum, et paulatim, donec opus ad perfectionem perductum fuerit, secundum operantis, et nature regimen. Materia enim desiderat habere unitatem forme ut de forme perfectione in unitate spiritus quinte essentie integretur. *Lull. theor. Cap. 36.* Quando enim nobilior est forma, tanto magis materiam nobilitat suam, et à duplici eorum spermate nascitur aqua viua, quæ est argentum vivum nostrum, et aqua vite, quæ mortua corpora resuscitat. Ascendit enim fumus subtilissimus qui circum circa volando conuertitur in aquam limpidam serenam et claram tanquam lachrymam, habentem in se potentem earum virtutem à quibus extrahitur. Est enim spiritualis, et ratione sue alterationis et regenerationis miranda operatur. Quapropter *Lull. Theor.* iubet Lullius, ut accipiamus rem vilem, & eam faciamus

amus rem vilem, & eam faciamus amplexari parētes suos, quousq; penitus crepentur, & sint velut mortui, & ut recipiamus ab eorū ventre argentū vivum, à quo lapidē formemus, & postea medicinā, *Ibidem.* quæ non omnibus est conferenda. Argentum enim nostrum vivum seipsum primò interficit, & postea occidit patrem, & matrem, & extrahit eis animas à corporibus, & epotat omnes ipsorum humiditates, facitque ipsos nigrescere, sicut carbo.

CAP. 7.

Resuscitatio Nihili nostri à corruptione sua in nobiliorem formam, docet resurrectionem carnis nostræ in gloriam.

NOVIMUS, quodd destructum, & penitus corruptum cum suo compare aurum, aurum non est, nec destructum argentum, argentum dici debet, sed in destructione sua (ut prius dictum est) *Nihil*. Mortuum enim, & destructum, nec hoc, nec illud est individuum, ut patet in tritico in terra mortuo, sed omnino *Nihil*. Cum verò susceperit novam formam; quid queso novum hoc, nisi ex *Nihilo* *Aliquid*? De quo dicemus suo loco. Intelligamus interim, quod omne mixtum, & elementatum corpus in compositione sua, corruptioni, & alterationi subijcitur, vnde sequitur mors, & in morte *Nihil*. Mortua enim in *Nihilo* recidunt. Hoc
tamen

tamen *Nihil* continet in se potentiam aptam ad
 reinduendam suam multò nobiliorem formam,
 post resurrectionem à mortuis, ut prius dictum est.
 Resurrectio enim à mortuis *Aliquid* producit, in
 quo *Omnia*. Habemus itaque in putrefactione *Ni-*
hil, in renovatione *Aliquid*, in perfectione post re-
 novationem, *Omnia*. Et sicut nostrum *Nihil* mortis
 est signum; sic *Aliquid* nostrum vitæ spes est, *Om-*
nia autem resurrectionis, & vitæ, effectus. Benedic-
 tus deus in eternum, qui etiam in confirmationem
 resurrectionis nostræ à mortuis, statuit, ut oculis
 nostris cerneremus, metallorum mortificationem,
 imò ipsam mortem, & eorum postea resuscitati-
 onem à mortuis in melius, ad confirmandam fi-
 dem resurrectionis carnis nostræ in vitam eternam.
 Quapropter, inquit Basilii Valentini in tractatu *Basil. Valent.*
 suo de medicina hermetica, quòd nihil amplius
 scripsit, nisi quod post mortem, & resurrectionem
 carnis suæ attestari voluit. *Omnia* inquit *Aristoteles*
 appetunt bonum, & omnia tendunt in finem suum.
 Bonum autem, & finis uniuscuiusque imperfecti
 metalli, est ipsa auri perfectio, ut in die iudicii sui
 maneat, & penas non det artificii, sicut volatile, im-
 perfectum, & corruptioni obnoxium. Optarem e-
 quidem, ut mysterium hoc, sapienti notum (divina
 cooperante gratia) intelligerent etiam gravioribus
 peccatis obnoxij, ut in regeneratione sua (sicut me-
 tallum nostrum) appeterent bonum, & finem suum sine
 fine in vitam æternam, & ut post resurrectionem
 D carnis

carnis corruptæ in die iudicij starent in æternum. Alchymiacentè testimonio antiquorum, & iudicio sapientum, ad illam vitam, viam quasi digito suo demonstrat, & ob eam causam ars meretur vocari verissima, & maximè necessaria, quæ naturæ pedi-sequi dirigit nos, & ipsam naturam in materia metallorum ad finem, quem quærimus, ut summum bonum tam in metallis, quam in nobis ipsis finalitèr inveniamus. Si quis obijciat artem hanc esse difficilem, & obscuram, quia abscondita est Philosophorum sapientia, sicut est eorum lapis reconditus: Fateor equidem figuratum, & enigmaticum fuisse, & esse eorum sermonem, nè canibus, & porcis projicerent gemmas, & nè capræ fætentes depascerent rosas albas, vel rubras, in eorum hortis pullulantes & crescentes. Omnes tamen Philosophi eodè m tendunt, & in eodem conveniunt, nec est inter eos aliqua contradictio. Sed figuratiuè, & obscure sunt loquuti, ut boni viri, & artis solummodò filij intelligerent, quibus datum est nosse mysteria. Qui bene percipiunt, benè perficiunt, & qui subtili ingenio investigant, continuo labore inveniunt, quod quærunt. De coloribus autem non iudicant cæci, nec obiectum sentiunt insensati, nec mysteria sapiunt, vel intelligunt increduli. Quapropter deses non sit filius artis in legendo, ut pròptior fiat in operando.

Haurit aquas cribro, qui discere vult sine libro,

Scire rudes quærunt, quod docti non docuerunt.

Incipiat ergo qui sapit ab intellectu, ut finem operi imponat

imponat in sensu. Licet enim formæ rerum substantiales penitus sint invisibiles, et ignotæ, rectè tamen eas intellectu prius concipientes de ijs postea iudicamus per earum operationes, qualitates, passionēs, et accidentia, et tunc arguimus de ijs ab oculo ad animum, a sensu ad intellectum. Sed qui prius probè concipit, postea rectè conspicit.

CPA. 8.

Complexiones metallorum ex elementorum qualitatibus cognoscuntur, et propter peccatum Adami ingemiscunt metalla cum ceteris creatis, ut liberentur.

EXperientia docti, dicimus metalla aliqua esse ignea, ut aurum, aliqua aerea, ut stannum, alia terrea, ut plumbum, alia aquea, ut argentum vivum. Essentia autem ipsius auri habet in igne qualitatem caliditatis, & in caliditate siccitatem; & essentia, quæ habet in aere humiditatem, habet in humiditate calorem: & quæ in terra siccitatem, habet in siccitate frigus, & quæ in aqua frigiditatem, habet in frigiditate humiditatem. Primæ autem istarum qualitates sunt de essentia rei; secundariæ autem adventitiæ sunt, & concomitantes. Qui verò novit humidum frigidum, in humidum calidum transferre, & humidum calidum in siccum frigidum, & siccum frigidum in siccum calidum trans-

mutare, convenit certè Artesium, & ipsa elementa, quæ occulta sunt, novit conspicua reddere. Vir insipiens non cognoscit, & stultus non intelligit hæc. Interea ingemiscunt metalla cum creatis omnibus, ut liberentur in gloriosam libertatem filiorum dei. Cum enim in principio creasset omnipotens deus cælum, & terram, vidit omnia creata esse bona. A cælis autem per superbiam, & inobedientiam delapsi sunt angeli: & in terrestri Paradiso peccavit Adam. Iratus est deus. Quare detrussit Adam ex Paradiso, sicut angelos è cælo. Hinc maledictio; et unaquæque creatura facta est particeps maledictionis: terra etiam ipsa maledicta est. Hinc spinæ, cardui, lolliæ, urticæ. &c. Et sicut terra post maledictionem suam sponte sua protulit pro saluberrimis herbis, pro odoriferis, et suavissimis floribus, mortifera quæque graveolentia, perniciosa, et nociva: sic etiam probabile videtur, quòd viscera terræ pro perfectis imperfecta, et pro sanis leprosa metalla plerumque producebant. Accepit Adam post peccatum suum, ficuum folia, ad virilia nuda regenda: erubuit enim dolens. Folij autem ficuum non egebat, priusquam peccasset. Neque enim opinor, quòd filij Adam, nisi propter peccatum patris unquam eguissent, vel stannò pro candelabro, vel ferro pro calcibus equi vel ~~cubro~~ pro lebere, vel plumbo pro rectura domus, non magis quàm ante peccatum eguisset Adam ficuum folijs. Hæc enim omnia fuissent inutilia, et vana. Quapropter sicut Adam ipse creatus est sine macula et sine infirmitate aliqua, ad imaginem dei

in :

CuPro

in omni, & summa perfectione; sic certè probabile, & verisimile videri potest, quòd reliquæ creaturæ ad usum, & servitium Adæ in omni perfectione in statu suo, & in specie sua creatæ sunt. Cum autem peccasset Adam, morbus, imò mors intravit, & maledicta est terra, tam intus, quàm in cute, tam in occulto, quàm in manifesto, & tam in visceribus, quàm in superficie. Et quid ni nunc metalla facta imperfecta & leprosa, tanquam filij amaritudinis dolentes, ingemiscerent cum ceteris creaturis pro amissa bonitate, libertate, & perfectione sua, ut tandem cū filiis Dei libera facta esse possent. Etenim universitas rerum, quæ in usum & servitium hominis erat à Deo creata, iræ & maledictioni Dei propter hominis peccatum subiciebatur. Atq; hinc rerum omnium confusio, & horrenda mundi deformatio, sub spe tamen instaurationis in die revelationis filiorum Dei, & redemptionis corporis nostri. Nam in illo die, quod prius erat à Deo constitutum, & postea propter peccatum destitutum, restitutum erit per Christum Iesum Dominum nostrum. Interea verò omnis creatura, maledictioni, corruptioni, & vanitati subicitur, & in corruptione, & vanitate sua in *Nihil* redeunt creaturæ, ut ex eorum *Nihilo*, *Aliquid* in creatoris laudem & gloriam exurgat, & exaltet. Corruptio enim unius (ut prius dictum est) generatio est alterius, ita ut in proverbium abiit, Senex filium generat, moritur senex, vivit filius, Philosophi aurum, quod in coelis habet.

patrem solem, in terris matrem solum, vocarunt semen suum, qui in vno lecto cum vxore sua concumbens, agit viri vices, donec moriatur, vt filius eius, tanquam phœnix ab oriente sole, vivus, valens, victorque nascatur. In sene omnia vitia senescunt, sola autem iuvenescit avaritia: sed,

Prodigus est natus, parco de patre creatus.

Tingit enim filius auri imperfecta metalla in infinitum, illis reddens suam virtutem, sicut lucerna, & sicut fulgur penetrans, totam lumine suo perimplendit domum. Reliqua autem metalla manent adhuc imperfecta, & fiunt ingemiscientia, quasi Tantalus, & in aquis metallorum stant vsque ad mentum, & aquam vitæ primis quasi labris degustare cupiunt; sed non possunt, sitientia semper, & ingemiscientia in statu, quo prius, nisi peritus Artifex misericordia motus, eorum & capita, & etiam corda penitus sub aquis mergat, cum aquis purget, abluat, & renouet, donec abeant in siccum flumina.

CAP. 9.

Cacochymista, qui in extraneis operantur, nihil agunt; sed philosophi, qui in rebus aptis & propinquis, vsque mundis, & non leprosis operantur, lapidem perficiunt.

IMpii, & ignari Sophistæ, qui ineptè in rebus, à veritate alienis operantur, fingentes, sed non facientes, mysteria hæc non intelligunt. Quapropter

ter in schola Philosophorum non proficientes, nihil perficiunt, sed in acquirendo lapide nummos suos dilapidant, quia Philosophorum *Nihil* non intelligunt. Hi in chartaceis, & receptis suis dicentes, *Recipe, Recipe*, decipiunt, & decipiuntur ipsi. Agit sophista fortassis apparenter, ita ut videatur res, sed non est; sed Philosophus verus agit enter, & verè, ita ut res ipsa sit, sicut esse videtur. Miselli homines, in tenebris plusquam cymmerijs versantes, *Sisyphæ* saxum volvunt defatigati, & in abyssum perditionis lapsi, à veritatis via longissimè aberrant. Isti montes pollicètur aureos in sophisticis multiplicationibus, sublimationibus, calcinationibus, & fixationibus suis, sed imposturis suis quàm plurimos fallunt, luxurià interim & poculis diffuentes. Vnde malè audit ars bona, & propter nebulonum fraudes malè audiunt viri boni, quia Sophistæ isti Alchymiam profitentur, non ut naturæ vim, veritatem, & virtutem, nec veram rerum cognitionem consequantur, sed ut divitiarum (scilicet) copià circumfluant, & amicis suis, nescio quæ, qualia, quanta polliceantur, qui Philosophorum nomen usurpantes, artem hanc sanè divinam; prophanam, et vulgi fabulam propinant deridendam. Et tamen Verbosi isti, et inflati Sophistæ eorum fumum alieno igne multò luculentiorē esse volunt:

Atque intrare domos ut edant, spernunt alienas,

Esuriunt, sitiunt miseri, sed laeta requirunt,

Ut Cræsus dives quisque est, sed pauper ut Irus:

Et pro more suo, fercula laeta petis.

nihil

Cum verò aquila in cælestibus, et scarabus in fimo versetur, nisi obstat istorum arrogantia, ignorantia, improbitas, et fallacia, cur probi, et sancti viri in summo precio, et honore apud bonos, et sanctos non sint habendi. Vos igitur sancti, et boni viri, qui non ad deum sine deo, nec ad lumen sine lumine acceditis, qui avaritiæ, inscitiae, et fallaciæ nebulis dissipatis, veritatem in luce quæritis, ut divinæ bonitatis radij mentibus vestris illucescant, Empiricos istos, imperitos sophistas fugite, et nolite unquam rem aliquam naturæ, vel arti disparem sumere. Mihi credite, ultra posse, non est esse: in alienis non est aptitudo, vel potentia ad nostrum esse; neque enim à disparatis unquam valebit argumentum. Homo, et saxum efficiunt nihil, nisi fortassis Idolum, quod reverà nihil est. Etenim aliena non introducunt formam, quam sapientes quærunt, informantem: sed qui in extraneis laborant, in rebus à veritate alienis operantur, et agninis lactibus alligant canem. Itaque reiiciantur aliena, gaudeamus naturâ: Natura enim naturâ gaudet.

Dum similis simili sociatur, pax fit utrisque,

Ni mihi sis, ut ego, non eris alter ego.

Arrigite nunc aures, imò animos ad veritatis cognitionem dirigite, filij artis, vos alloquor, ut accipiat rem aptam, et rei propinquissimam. Sic secundum naturam ad generationem hominis conveniunt vir, et mulier, sicut ad generationem lapidis nostri, forma et materia nostra. Hæc enim in conjunctione

junctione sua congrua, benedictione illa fruuntur,
sicut cætera creata, *crescite, & multiplicamini.*

Annon benedictus Deus in omnibus operibus
suis, etiam tam in metallis, eorumque propagatio-
ne per causas secundas, quam in eorum creatione
per causam primam? Causam enim primam solus
Deus creavit. Quare prima rerum principia re-
mota sunt, & non in potestate nostra sita, & ob eam
causam principia propinqua in causis secundis ex
metallis elicimus, in quibus decocta, & ex parte fixa
insunt principia, ut ex ijs medicinam, & lapidem in
suo esse triangulum, & in qualitate quadrangulum
conficiamus nostrum. Volentes enim dare for-
mam perfectam corpori imperfecto, in hoc imita-
mur naturam, & ex re nata naturantem facimus, ac-
cipiendo causam secundam, ut generatio fiat ex pro-
ximo, & conveniente, ubi principia naturalia me-
tallorum, fiunt principia magisterij nostri, & princi-
pales radices omnium mineralium in terra cum a-
qua mista, fiunt fundamenta totius artis nostræ.
Sola autem forma auri in sulphure suo, & paterno
suo semine, reliqua imperfecta corpora informare,
& debet, & potest. Quod quidem fit, quum per
Artificis industriam aurum efficitur, generationi
aptum, cum materia debita.

Balnea cornici prosunt, sed non meretrici:

Non meretrix nostrâ, sed cornix munda fit vndâ.

Ecce quod prius dixi de viro, & muliere effectum
est: solus vir virum non generat, nec sola auri forma

E

vir-

tutem suam potest propagare: Rebis, id est, bina res, potest. Forma enim coniuncta cum materia apta, virtutes suas potest propagare, quia duo coniuncta cooperantur, & invicem agunt, & patiuntur, donec filium generant, parentibus longè nobiliorum. Atque hæc est lapidis nostri sublimatio, ut altius & nobilius elevetur in statum longè excellentiorem, & ut metalla perficiat imperfecta. Cauendum autem est ne filij artis comedant de filio, cuius mater sit leprosa, vel pater leprosus. Si enim masculus fuerit leprosus, & fæmina leprosa, necesse est ut corpus generetur quoque leprosum. Qualis enim pater, talis filius.

Arbor naturam dat fructibus, atque figuram:

A radice mala nascuntur pessima mala.

Refar Mali corui malum ouum. Quarè iubeo, ut qui corpus mundum creare velint, habeant purum masculum, ab omni sorde repurgatum, ut fæmina, quæ non perdidit menstruum, semen similiter recipiat purum, quia bona arbor bonos profert fructus, & ex pura substantia purum corpus, & ex puris corporibus generatio pura. Cum ergo sola fæmina non generat propter nimiam frigiditatem, & humiditatem; nec solus mas, propter caliditatem, & siccitatem (loquor de duplici natura lapidis, scilicet sulphurea, & mercuriali, agente, & patiente) coniunxerunt philosophi sperma maris cum menstruo feminæ, & contemperarunt caliditatem cum frigiditate, & siccitatem cum humiditate, ut per reductionem

con-

contrariorum, & extremorum in mediam dispositionem, sequeretur inde imprægnatio, & ortus. Hoc autem vnum silentio non prætereamus, quòd

Femina vult iuvenem thalamo, spernitque senilem.

Restituatur ergo, & renovetur senectus solis in iuventutem suam per reductionem in primam materiam, & iuvenem illum Arcadiæ agilem & fortem in potestate nostra positum habemus.

CAP. 10.

*Docet mutationem metalli leprosi, & imperfecti,
in sanitatem, & perfectionem, & renovationem
hominis impij ad sanctitatem,
& felicitatem suam.*

DEsinant dehinc ignari clamare species non mutari, cum nos de transmutatione metallorum et de eorum in primam materiam reductione, loquimur. Nesciunt enim isti, quid sibi velint philosophi in metallorum transmutatione. Nos enim negamus mutari species, invicem differentes speciali formâ, donec vnâ formâ corruptâ, artis, et naturæ beneficio inducatur altera, vbi materia formam appetens prorumpat in actum impulsu causæ efficientis naturalis, et debitis adminiculis ad renovationem in melius. Nam nulla metalia differunt ab auro nisi in immundicie materiæ, aut complexionis inæqualitate. Quapropter transmutare illa, est

Lincol. eorum immundicias abstergere, et mundificatis substantiam apponere assimilata[m] solis in virtute, & operatione, quæ (ipsa re) ducit ab inæqualitate. Hæc autem substantia est in sua fortitudine, et de potentia deducitur ad actum, cum sol fuerit in exaltatione sua liber ab omni malorum aspectu. Quare constanter affirmamus individua specierum in metallis transmutari posse in aurum, quia reducendo, & corrumpendo eorum substantialem materiam, eorum forma etiam corrumpi videtur, & bene, & verè permutari, ut inducatur nova forma immediate, scilicet ultima, & à natura ab initio ordinata. Nam forma omnium eorum individuorum, quæ in sua specie unicam, & eandem in potentia acquirunt formam cum auro, facillimè perficitur in aurum, quia ex naturæ ordinatione immaturis succurrunt matura, & imperfectis perfecta, et utraque habent proportionabilem naturam, quam in origine à mercurio traxerunt. Diversæ species animalium, diversas habent formas, sicut homo, & equus: sed diversæ species metallorum, in vna, eademque forma convenire possunt, sicut aurum & cuprum, quia specierum metallorum definitio prædicatur de pluribus, numero tantum differentibus, sicut Socrates & Plato differunt (si ita loqui liceat) individuitate, aut sicut tepor differt à fervore, non specie, sed gradu: aut sicut liberalitas distinguitur à munificentia, ubi magis, & minus non variant speciem. Quare aurum (illud nostrum quod prius in opere argentum fuit)

fuit) auream facillè tribuit naturam, virtutem, &
 rincturam imperfectis metallis, eorum potentiam
 ducens in actum. Ægrotus homo, homo est; lepro-
 sus homo, homo est, sed deficiens in sanitate: Sic
 & cuprum, quia leprosum deficiens in perfectione,
 eadem tamen formâ manet leprosum, & sanum,
 tam in metallis, quàm in hominibus, sive sanis, sive
 leprosis. Medicus per media naturam iuvantia, vir-
 tutem naturalem, deficientem, & morituram exusci-
 tat usque ad perfectam sanitatem: sic philosophus
 chymicus per media metallum impurum purgan-
 tia, leprosum corpus sanat, & iuvamine medicinæ
 naturam moventis, accidentia spoliantis, & formam
 informantis, formam adhuc imperfectam perficit.
 Magna est hominum plenitudo, sed solitudo bono-
 rum; & dicam tibi similitudinem, quoniam dabit
 terra terram multam, vnde fiat fictile; parvum au-
 tem pulverem, vnde fit aurum. Quare vt hominum,
 sic etiam magna est metallorum plenitudo, sed soli-
 tudo bonorum: regenerantur homines, renovantur
 metalla, vtraque probantur igne, sed non eodem,
 suo tamen; vtraque purgantur aqua, sed non ea-
 dem, sua tamen; & vtraque meliora fiunt spiritu,
 sed non eodem, suo tamen. Ignis metalla probans
 dirigit nos ad purum, & sincerum dei verbum, se-
 parans incredulos à credulis, & improbos à bonis:
 sicut ignis, aurum et argentum purgat à fæcibus.
 Eloquia domini, pura; sicut argentum purum, igne
 septies purgatum. Aqua metalla abstergens, refert

Esd. lib. 4 Cap. 8.

Ps. 12.

nos ad aquam abluentem peccata per Christum Iesum dominum nostrum: spiritus auri, et perfecti metalli, meliora reddens imperfecta metalla, dirigit nos ad sanctum dei spiritum, per quem solum meliores, et sanctiores, et feliciores indies fiunt ij, in quibus habitat sanctissimus ille dei spiritus. *Nihil* est ferè in lapide nostro, quod nos non refert ad verum lapidem angularem, quum reprobaverunt ædificantes, et ob eam causam dicitur, quod lapis noster aut reperit, aut reddit virum bonum, et sanctum. Natura omnes homines ad sanitatem, et omnia metalla ad perfectionem suam producere contendit. Interea non dicimus quod species in species mutantur, nec argentietas in aurietatem; sed dicimus quod individua specierum, corruptioni obnoxia, et ad novam generationem apta, mutantur, & transformantur, quia imperfecta, & corrupta, mutabilia sunt, & transformari possunt: adeoque facilius, quia omnia materialia metallorum principia sunt homogenea: & ipsum aurum *Nihil* aliud est quam argentum viuum anatizatum, id est, adequatè digestum. *Thes. philo.* Omnium verò metallorum materia & sperma est mercurius in ventre terræ inspissatus calore sulphureo ipsum decoquendo, & secundum varietatem sulphuris. Prima autem materia est una & eadem: ipsa tamen differunt sola ratione accidentali & in decoctione maiore, vel minore, temperata, vel intemperata, adurentē, vel non adurentē. Et sic concorditer asserunt omnes philosophi. Et licet imperfecta

imperfecta sint aliqua metalla, ut plumbum, stannum, æs. &c. Ea tamen sunt quasi abortiva, & loci vitio fiunt, non naturæ. Quamvis enim habent formam suam substantialem in specie, in qua sunt, eam tamen habent relatione ad ultimam, & meliorem formam quam desiderant & ad quam ordinantur à natura. Neque enim forma accidentalis obflare potest, quo minus optima, & ultima substantialis forma possit induci. Finis coronat opus. Ovum acquirit formam suam, & eadem essentialis est forma, sed imperfecta: perficitur autem in generatione pulli, qui ultimum formæ perfectæ assequutus est terminum. Ovum nostrum habet in se, sicut ovum pulli, & citrinitatem, & albedinem, & suam testam. Citrinum nostrum est in sulphure nostro rubeo non vrente, & albedo nostra in depurato argento vivo, adustionem non habente. Albedo circumdat, & solvit citrinum: citrinitas coagulat album, utraque putrescunt, & in putrefactione coniuncta generant, & excludunt pullum suum, elixir scilicet certum & optimū ad rubrum, quod sui simile potest producere in infinitum, sicut habent gallus & gallina suos pullos infinitos. Etenim alchymia naturam æmularur, & potest similia producere, & etiam perficere in summam perfectionem metalla, quæ per aliquod accidens vllō modo ad maturitatem, & perfectionem non pervenire. Plumbum, stannum, cuprum, ferrum, in visceribus terræ ad finem, & ultimum suum terminum non pervenerunt, impedita loci.

loci vitio, terræ scilicet densitate à sole remota, & metallorum lepra, quæ medium est interveniens ante perfectionem acquisitam. Vnumquodque autem eorum arte potest reddi perfectum, et tale quid effici, quale natura voluit, non obstante accidente, prius disponente illud in imperfectum. Terrâ interstante inter solem et lunam, fit eclipsis: sic grossæ terræ obstaculo, non luminosa, sed leprosa; non splendida, sed tenebrosa fiunt metalla. Diversa accidentia diversa faciunt metalla, differentia visibili forma, speciali, et (si velitis ut ita dicam) essentiali, sed ratione sola puritatis, & impuritatis fixationis, et corruptionis. Sicut autem sol cælestis calefacit terram, atque eius virtutem imprimit terræ, mediante lunâ, quæ inter reliquos planetas maximè participat de solis lumine: sic crassæ, et tenebræ terræ in metallis imperfectis, sol centralis noster tincturam suam perficit mediante luna nostra, et imprimit metallis prius imperfectis, leprosis, grossis, et tenebrosis, lumen, raritatem, sanitatem, et tincturam perfectissimam.

CAP. II.

Ars, & natura perficiunt lapidem in purissimis eorum partibus, quæ ab igne non consumuntur.

Sive imperfectum, perfectum; sive ipsum perfectum, magis perfectum, et in statum longè meliorem,

rem, & præstantiorem elevare, & sublimare volumus, certiores omnes facio, alchymiaë artem in his producendis, & perficiendis esse, quasi naturæ ob-
stetricem, manus auxiliatrices naturæ porrigentem, ut cum iusto tempore in opere nostro physico (ope-
râ nostrâ philosophicâ) fœtus in utero matris ad partum venerit, ope obstetricis, (ministerio scilicet artis) natura pariat, & producat per media naturæ consentanea prolem suam. Hoc autem effectivè, & principaliter fit per naturæ impulsivam operati-
onem, sed instrumentaliter & organicè servitio mi-
nistrantis artis. Ars enim parturienti opem fert, ut cum facilitate pariat. Arte etiam humiditas perfecti metalli vinctuosa, & non cremabilis, prius præpara-
ta, & perfecta, potest postea artificis ministerio, omnia corpora, quæ tangit, perficere, maximè au-
tem lunari, in verissimum solare complementum. *Rosar.*
Nam sol noster, planetarum nobilissimus, & veram habens solis cælestis proprietatem, lumine, calore, & radijs (quæ tria sunt principia naturalia vegetabi-
lium, & vitæ animalis) tincturam dat rubedinis, transformantem omne corpus metallicum; quia aurum, (in quo sol noster fermentum est, totam massam convertens ad suam naturam) animam in se habet coniungentem spiritum cum corpore. Quare naturam sequantur artifices, qui errare no-
lunt, & diligenter perpendant, quòd in rerum natu-
ra duo sunt quærenda, quorum vnum est, quæ ma-
teria sit, ex qua quæque res efficiatur; alterum, quæ *cic. de finib.*

vis sit, quæ quicquam efficiat. Natura enim vis est, quam non opinio genuit, sed supernaturalis quædam dei potentia rebus indidit. Benedicta semper in deo optimo maximo & à deo sit natura, benedicta lex eius, & benedicta operatio eius in verbis domini, crescere, et multiplicamini; quia de imperfecto producit perfectum, & de semine creaturam, tam animale, quàm vegetabilem, & mineralem in infinitum. Atque sic metallorum fit multiplicatio, sicut unius grani procreantis grana mille, & unius arboris ferentis fructus infinitos, unde etiam postea fiunt arbores, & ramusculi infiniti. In terra quæ nascuntur, in terra crescunt, & à terra augmentationem, & multiplicationem suam consequuntur. Vna autem terra, aliâ est fertilior, & eligibilior, scilicet nostra, quæ nunquam fit sterilis, & infrugifera, si aqua sua celestis super eam distillet, & in eius profundum penetret.

Ars & natura hæc faciunt: si deficit una,

Cassa erit alterius, quamvis miranda potestas.

Quapropter, (ut valedicam philosophorū *Nihilo*) (nigræ enim mortuorum tenebræ mihi non placeant, nisi quatenus sunt rectissima, & certissima ad vitam via) iubeo, ut sumatur purissima pars eorum, quæ ab igne consumi, destrui non possunt, ut præliando alterum eorum corrumpat alterum, ab omni sorde prius purgatum, ut melius transmutari possit: Alterum verò ad primam materiam reductum, aptum fiat ad generationem. Hac reductione solvitur
corpus

corpus in spiritum, & spiritus fit corporeus. In solutione autem ista terra fit nigra, vilis, & fetens, ita ut Nihilo nostro nihil putidius videatur.

*Sed natura grani iam dudum saucia cura,
Vulneris alevs venis putredine quem moritura:
Nunc caput attollens, expulsis hostibus, illa
Sola sedens, Regina potens, dominatur in aula*

Quapropter clara morituri corporis aqua lavat terram, ut mundificetur & dealbetur; dealbata terra calcinatur in cinerem, utraq; in cinere coniunguntur, quæ prius separata erant; in coniunctione fit conceptio, dominante perfecto corpore, & trahente imperfectum in naturam suam; post conceptionem fit prægnatio, calore, & augmento seminis perfecti corporis in imperfecto, & tandem tempore debito fit ortus lapidis nostri venientis ab igne, & habentis patrem solem, matrem verò lunam. Gravia & levia, mollia & dura, calida & frigida, humida & sicca inter se concordia pace à natura ligata & congruè desponsata generant ex ijs substantiam temperatam, quæ perpetuum (quando perficitur) habet effectum, & spiritu suo omnem rem subtilem vincit, & omnem rem solidam penetrat. Quod autem ad nutritionem infantis nostri attinet, donec ad virilem ætatem pervenerit, volo, ut nutrix aliqua mundissima, & purissima paretur, quæ lacte puro, & proprio natum nostrum nutriat, donec ad ætatem veniat perfectam. In eum etenim finem est lapidis nostri nutritio, sublimatio, & exaltatio, ut

maiores vim, et virtutem obtinere, et possidere possit. Interea animadvertendum est, quod in procreando infante nostro nobiliora elementa scilicet ignis, et aer, activa sunt; passiva verò, terra, et aqua; quorum qui novit alterationem, novit Philosophorum arcanum. Nam in alteratione elementorum, manifestum corporis fit occultum, et occultum manifestum, altum profundum, et profundum altum. Quare convertite elementa, et quod quæritis, invenietis. Dominatur terra? regnet successivè aer: regnat aer? dominetur aqua: dominatur aqua? regnet ignis: hic enim terrenus, aereus, et aqueus ignis, est calx viva, calx ignea, calx agens, fixa, et figens, ignis subtilians, penetrans, transmutans, resuscitans, vivificans, purificans, illuminans, et consolidans. Nam ignis noster in calce nostra imperfectum corpus subito virtutis suæ vi amplectitur, et in illud, tanquam leo fortis dominium excercet suum, ipsumque dilaniat, dilaniando penetrat, penetrando subtiliat, subtiliando transmutat, transmutando resuscitat, resuscitando vivificat, vivificando purificat, purificando tingit, tingendo illuminat et illuminando consolidat: ita ut corpus prius imperfectum, nunc ad perfectissimum metalli perfectissimi statum natum esse videatur. Quare ut finem nostro *Nihilo* imponamus, et ad *Aliquid* tandem promoveamus, ne nihil omnino egisse videamur, omnes preciosissimæ huius artis filios iterum, atque iterum rogo, ut diligenter, et diu deliberare velint.

line ante inceptum opus, primò quid sit quod quæ-
runt, tum quo modo quæsitum inveniant. A fine
intentionis quærendum principium, et á principio
finis. Qui domum ædificat lapideam, ad structu-
ram talem capit lapides, qui ex ligno ædificat, ad
structuram illam capit ligna; et boni principij ple-
rumque bonus exitus, et fundamenti stabilis firma
domus. Quare,

*Vt tibi felicem reddant exordia finem,
Investigetur res, quæ tractanda videtur.
Dimidium facti, qui bene cepit, habet.*


Aliquid.



Handwritten text in a cursive script, likely a historical document or letter. The text is written in a dark ink on aged, slightly yellowed paper. The script is dense and fills the upper half of the page.

Handwritten text in a cursive script, continuing from the upper section. The text is written in a dark ink on aged, slightly yellowed paper. The script is dense and fills the middle section of the page.


Handwritten text in a cursive script, continuing from the middle section. The text is written in a dark ink on aged, slightly yellowed paper. The script is dense and fills the lower section of the page.



ALIQVVD.

CAP. I.

*Philosophorum Aliquid ex Nihilo, tanquam
flos ex ariditate, docet ex Christi humili-
tate eius bonitatem, & gloriam; sed
sine Cristi cognitione omnem phi-
losophia scientiam esse va-
nam, & inutilem.*



Septentrionis caligine, vbi diu post
solis occasum in tenebris versati su-
mus, *Nihil* inuenientes, progredia-
mur hilari vultu ad Orientem, vbi spes
in herba, terram nostram pluviarum
guttulis guttatim irrigantibus: Philosophorum e-
nim *Aliquid*, idq; maximi precij, apparet. Si quis pec-
catis obnoxius lachrymas exprimit, statim dicimus
quòd gratiæ divinæ testimonium exhibet, deo duce;
sic divina vis, rebus insita, cum semel per aquæ gut-
tulas in lucem prodit, *Aliquid* philosophorū emer-
gere cogit, & ostendit, naturâ duce. Atque hoc
Aliquid in rebus omnibus est longè præclarissi-
mum. Est enim lux, splendor, & lucerna sub modio
olim posita, at philosophi operâ nunc posita super
can.

candelabrum, ut tota domus reluceat, & ut quod natura perfecit, ope artificis, incrementum, & maiorem perfectionem, & excellentiam recipiat. O utinam liceret mihi artem hanc divinam appellare, quam scio veritatis divinæ humilem, sed veram persequam. Perpendite viri sapientes, & veritatis inquisitores, quo modo lapis noster ex *Nihilo* post ariditatem, & mortificationem suam, sublatâ penè omni spe, tandem tamen in lucem prodit, exurgens, & exultans. Demonstrat certè meditatio, & investigatio nostri *Nihil*, omnipotentiam & misericordiam dei, & tanquam Mercurialis statua viam indicans, prædicat & demonstrat nobis, iter facientibus à terris ad cælum veram viam, & veram vitam, Christum Iesum dominum nostrum, verum Messiam, crucifixum, mortuum; sed resurgentem, & in cælis triumphantem, salvatorem verum. Annon cæli enarrant gloriam dei, & in terris manifesta sunt opera Omnipotentis? Legite, & sæpius legendo perpendite, (viri boni) undecimum capitulum Isaie Prophetæ; ubi, inquit Propheta, egredietur virga de radice Iesse, & flos de radice eius ascendet. Annon tunc temporis tota Iesse familia, licet prius a Davide, regia, splendida, & supereminens; nunc autem paupertate, & quasi ignominia laborans, tanquam radix sine trunco, aut truncus sine ramo, aut ramus sine folio, aut folium arescens, imò aridum sine flore? Et tamen de radice illa, quasi mortuâ, & aridâ, egressa est virga, imò virgo, beatissima, scilicet, inter
virgines

virgines, Maria, ex qua natus est Christus Iesus dominus noster, verus Messias, & salvator credentium, flos, nimirum, ex ariditate, homo sine homine, ser-
 rum electorum, corona angelorum, & flos virtu-
 tum? Inter Ethnicos, & incredulos hoc à veritate
 alienum videtur, sed credenti certum, imò certissimè
 factum. Quod etiam alchymia docere, & quasi di-
 gito demonstrare videtur in philosophorum *Nihil*,
 producente *Aliquid*, imò *Omnia*, quæ ad metallo-
 rum sanitatem, & perfectionē pertinere videantur.
 Vermis sum, & non homo, cinis, & terra: quare hu-
 millimè peto ut ignoscat mihi dominus meus
 Christus Iesus, quòd per philosophorum *Nihil*, hu-
 militatē; per eorum *Aliquid*, bonitatem; per *Omnia*,
 maiestatem, & gloriam domini mei aliquo modo
 depingere ausus sim. Solent divini verbi mysteria,
 per terrestria, cœlestia; per caduca, immortalia; &
 per interitura, eterna, aliquādo docere. Sic pia me-
 ditatio Ierusalē civitatis in sua captivitate, ad coeles-
 tem & liberam in cælis cum liberis suis civitatem
 nos ducet. Et elevatus ille æneus serpens, Christum
 Iesum crucifigendum prædicat. Quid ni etiam se-
 creti philosophorum spiritus notio, nos ad medita-
 tionem, & cognitionem Mannæ absconditæ exci-
 tet; & ad quærendum fermentum illud conditum
 in multa farina, donec tota fermentaretur, invitet; &
 ad inveniendum thesaurum, occultatum in agro,
 ut illum emamus, inducat. Si Dionysius Areopagi-
 ta homo ethnicus tam procul à Christo passo, ec-
 clipsin

Mat. 23.

lipſin ſolis, & tenebrarum craſſiciem intueas (ve
memoriæ proditum eſt) dicere auderet quòd vel
deus naturæ tunc patiebatur, vel mundi machina
tunc diſſolvenda erat: Quid ni etiam dicamus, quòd
ſonus Chriſti, ante, & poſt eius nativitatem exivit
per totum terrarum orbem per antiquiſſimorum
philophorum aliquos, quos voluit Chriſtus ſal-
vari, quia aliàs ſine fide fieri non potuit, vt placerent
deo, vel ſalutem conſequerentur. Sed novit deus,
qui ſunt ſui, & ſolidum illud ſtat fundamentum, No-
vit deus qui ſunt ſui. Obſignaculum enim hoc eſt
certitudinis ſalutis noſtræ in deo per Chriſtum,
quod quidem in illis certiffimè obſignatur, & impri-
mitur, qui credentes diſcedunt ab iniquitate, electi-
onem ſuam ſibi met ipsis certam facientes. Non
poſſum non obiter agere Episcopum prædicantem
Chriſtum Ieſum in tractatu meo philoſophico, &
credo quòd in ſanguinolentiſſimis crudeliſſimorum
Imperatorum temporibus primitive eccleſiæ chriſ-
tiani philoſophi poterant abſque periculo, aut ty-
rannorum metu Chriſtum verum Meſſiam figura-
tivo, & ænigmatico lapidis noſtri ſermone in collo-
quijs ſuis, & per literas profiteri, præſertim in ijs,
quæ ad Chriſti officium ſacerdotale, & regale per-
tinent. Et magis huic opinioni faveo, quia divus
Iohannes Euangelista ab *Avicenna* libro de anima,
dictione prima, ad finem capitis ſeptimi, & à *Vin-*
centio in ſpeculo naturali (vti aſſerit *Robertus Vallens-*
ſus de veritate, & antiquitate artis chymicæ) inter
Chriſti.

anos qui artem chymicam exercuerunt, enume-
ratur. Et licet cum *Avicennæ* sententia aliorum
opinio pugnare videatur, tamen christianorum
philosophorum assensus à veritate non dissentit,
qui docent, & dicunt lapidem philosophorum typi-
cè demonstrare, & prædicare lapidem illum angu-
larem Iesum Christum, veram ecclesiæ suæ petram,
veram salutis & vitæ æternæ portam, verissimam, &
solam peccatorum nostrorum purgationem. Nec
est in aliquo alio salus, nec fundamentum aliud po-
test quisquam ponere, præter id, quod positum est,
quod est Christus Iesus, lapis angularis summus: su-
per quam petram ædificata est ecclesia Christi, &
portæ inferni non prævalerunt adversus eam. Cuius
rei consideratio calcar addidit meditationi Ripley
Angli, dicentis, philosophorum lapidem ex purissi-
mis compositum, ut ignobiliora metalla liberentur
a spurcitie sua originali, prædicare nobis Christum
Iesum lapidem illum angularem purissimâ virgine
natum pro nostra redemptione; & nostrum solem
radios sui luminis pro tempore relinquentem, &
abscondentem gloriam sub alis lunæ, quam postea
splendore suo fulgere facit, prædicare nobis Christi
splendorem inenarrabilem, scilicet, deitatem su-
am absconditam à visu nostro, quando naturam
nostram suscepit, ut eam gloriosam, sicut ipse
gloriosissimus est, faceret & renovationem, siue re-
surrectionem lapidis nostri apparentis in claritate
orientali incomparabili post mortem, sepulturam,

& densissimas suas tenebras, prædicare nobis Christum lapidem illum summum angularem, passum, mortuum, sepultum, descendente ad inferos, sed resurgente propriâ, & maximâ suâ virtute, & indutum immortalitate, & gloriâ: Denique solem nostrum factum lapidem nostrum, abeuntem in suam gloriam, ita ut infirmos homines omnes iuvare, & leprosa meralla omnia sanare possit; prædicare nobis Christum solam salutis humanæ petram, à terris ad cælos ascendente, ut ibidem nobis credentibus locum præpareret, ut cum ipso lucentes efficiamur clariùs quàm ipse sol. Si enim tanta divinorum mysteriorum virtus sit in arido, quid in viridibus? si in lapide nostro, quid in lapide Christo? si in verbis philosophorum, quid in sermone Christi, et Apostolorum? Vellem libenter bonis avibus ad philosophorum *Aliquid* describendum celeriter, imò citissimè advolare, sed aliquid divini animum meum intensè acuentis, à celeri meo cursu me adhuc detinuit. Quapropter à bonis, & sapientibus viris veniam peto, qui revocâim mentem meam à sensibus, & cogitationem meam à rebus corruptentibus, ut cum sollicitudine inquirere possem Christum Iesum Dominum meum, quem animus meus amat, quia in eo, & per eum animus meus animatur. Itaque à proposito philosophico paulatim deflectens, sed omnino non devians, ingenuè fateor omnes philosophos, quamvis doctissimos, siue vera Christi cognitione, fuisse tantum, quasi noctilucas

nitentes, & splendentes in tenebrosissimo noctis tempore, quæ cum manè sol oritur, obscuræ factæ sunt & splendorem suum veluti fictitium exuunt.

Sit nescire tibi, sine Christo plurima scire:

Si Christum benè scis, satis est si cetera nescis.

Philosophi, licet doctissimi, sine cognitione, & agnitione Christi, & sine vera in Christum fide erant, sunt, & erunt, tanquam Scribæ, & Pharisei, quibus dictum est *Amen, Amen*, habent mercedem suam, mercedem, scilicet, apud homines, non apud deum, mercedem humanæ rationis, & intelligentiæ, humanæ cognitionis, & doctrinæ, humane denique gloriæ, et applausus populi. Philosophi sine Christo, putantes se aliquid scire, non sciunt, quemadmodum oportuit eos scire; sed philosophi verè Christiani reverà sciunt, quatenus datum est ijs scire in y^leria, donec post hanc vitam, perfectè sciant, sicut sciuntur ipsi. Philosophus sine Christo multa, quoad naturam, et rationem scripsit, in scriptis tamen, et in dictis suis quamplurimis,

Futilis ille fuit, persuasus turgidus arte:

Philosophus autem Christianus

Scit præter Christum, plurima, scitque nihil.

Animalis homo non percipit ea, quæ sunt Christi &c.

Iste quidem nihil est, aliquid quæ se putat esse:

Sed homo verè Christianus sapit Christum, &c.

Est aliquid, quoniam, se putat esse nihil.

CAP. 2.

Sapientia divina naturali anteponeunda, naturalis humana, humana dæmoniaca; dæmoniaca etiam sapientia conatur humanam, humanam naturalem, naturalis divinam destruere.

Cardan.

Intelligamus itaque sapientiam, & cognitionem, aliam esse divinam, aliam naturalem, aliam humanam, atque aliam dæmoniacam. Divina illa in naturali dominatur cum gratia ad animæ salutem; naturalis verò inservit divinæ cum obedientia ad futuram gloriam. Novit sapientia divina, quomodo naturalem instruat fæliciter: novit sapientia naturalis, quod omne bonum, & perfectum donum est de cælo desuper. Dæmoniaca autem sapientia dominatur in humanis cum invidia ad animæ perditionem; humana etiam sapientia inservit diabolicæ cum vili servitute ad futuram damnationem. Novit sapientia diabolica, quomodo humanam seducat infæliciter: novit sapientia humana, quomodo alios fallat, sicut ipsa fallitur diabolicè. Quare palam est ira dei à cælo adversus omnem impietatem, & iniustitiam hominum, qui veritatem iniuste detinent, quoniam quod de deo cognosci potest, manifestum est in ipsis. Deus enim eis manifestum fecit; ipsius enim invisibilia, dum ex rebus cognitis intelliguntur, ex creatione mundi perspiciuntur, æterna

Rom. I. v. 18.

19.

20.

æterna, videlicet, eius tum potentia tum divinitas in
hunc finē ut sint ipsi inexcusabiles, propterea quod
quum Deum cognoverunt, tamen ut Deum non
glorificaverunt, sed vani facti sunt in ratiocinatio-
nibus suis, & obtenebratū est desipiens cor eorum, *Vers. 21, 22.*
quum se profitentur esse sapientes, stulti facti sunt.
Perpendamus paululū, nec *Aliquid* hoc magnum
in divinis prætereamus, priusquā naturale philoso-
phorum *Aliquid* depingamus. Nam voluit deus ut
omnes homines ad veritatis cognitionem perveni-
rent, & animarum suarum consequerentur salu-
tem. Sed Diabolus primos fallens parentes, & nos
quotidiē fallit, dicens, eritis sicut dij: Sic sapientia
diabolica humanā instruit, humana à diabolo edo-
cta naturalem destruit, destructa naturalis, divinā in
oblivionem demergit, imò odio prosequitur. Quā-
obrem tales tradit Deus cupiditatibus cordium ip- *Vers. 24.*
sorum ad impuritatem, & ad mutationem veritatis
in mendacium. Sed sapientia divina præbet illustre,
& perspicuum speculum naturæ æternæ omnipo-
tentis dei in naturalibus, & in rebus creatis, ita ut
naturalis sapientia à deo suffulta, in humanā, à deo
alienā non coincidit, nec à vero dei cultu, aut à prin-
cipijs divinis ad absurdissima diaboli commenta hu-
manā sapientiā sustentata, deficit. Igniculi virtutis, &
divinæ lucis, Deo duce, solent in ignem ardentem,
& zeli flammam per fidem in Christum prorumpere.
Sed duce diabolo, relictī in nobis igniculi pe-
nitentis extinguuntur, & per diabolum decepti homi-
nes,

nes, Deum fortassis agnoscunt in Dei operibus, sed omnino Deum negant in ipsorum operibus. Quare non conemur per dæmoniacam sapientiam, humanam attingere, nec per humanam naturalem obtinere, nec omnino per naturalem divinam consequi. Præclarum & insigne dei donum est, divina sapientia, sed qui cum Magis non venit ex oriente adoratum Christum, is stultescit cum plebe, cum Iudeis, cum insipientibus & cum infidelibus. Sapere autem iudicetur qui Magiam divinitus haustam habet & profitetur. Laudo occultam illam Naturæ sapientiam quæ est donum dei. Si cum illa humanam sapientiam conferamus, nihil præter meram stultitiam inveniemus. Illam autem Magiam siue Sapientiam quam Dæmoniacam vocamus, illicitam, superstitiosam, ab ecclesia Christiana veraque Religione prohibitam, & nullibi locorum tolerandam damnamus. Talis sapientia siue Magia est Nigromantia quæ nefanda est ars & penitus explodenda. Quæ diaboli maligniq; spiritus astutè se cogifingentes hominibus ultro famulantur, sed in eorum perniciè & non aliter. Noctipotissimum destinata est hæc magia, quia lucē fugiunt maligni spiritus, umbrarumq; sunt ministri ac tenebrarum. Sed festinanter hinc fugiamus & descendamus per gradus certos à Deo ad naturam, & ascendamus à natura ad Deum per scalam *Iacobi*, ut humanam sapientiam prorsus à Deo alienam rejicere, & Dæmoniacam devitare semper possimus. Eant, eant sanè ij soli ad
Astaroth,

Astaroth, qui deum in Israel non habent. At verò

Emicat ex ipsis divina potentia rebus,

Et levis est cespes qui prebet esse deum.

Floribus e medijs spirat divina potestas,

Qua pascente levis pabula passer habet. Quapropter

Ter felix, qui sancta sapit bene facta Iehoue,

Ter felix natura sagax, si sancta sequatur:

Sed

Infelix hominum, quæ sit sapientia fallax,

Infelix, Satana qui non vitaverit artes.

Sophistas non curo insipientes, qui se ipsos omnium sapientissimos profitentur quorum recepta plerumque omnia sunt in fraudem composita, sicut ab hæreticis inventa, ut eorum nequitij & fallacijs etiam boni viri à recta veritatis via deflectere cogantur. Isti prædicant se *Omnia* scire & intelligere, nihil Sapientiæ eos latere, cum nihil præter astum fastumque spirent illorum verba. Quorum si negemus principia, debile istorum ædificium, lubrico & ruenti fundamento innitens, corrui. Interea Sophistarum & cacochymistarum dolus, & artis auriferæ abusus, ipsi Alchymix arti non infert vituperium, nec tollit eius substantiam, ut in confessione sua Henricus Kunrath rectè asserit, aliàs, inquiens, verbum etiam dei propter hæreticorum abusum iam diu quoque factum esset hæreticū. An probet et liberales artes propter Artificum abusum damnatæ? An Iuris prudentia propter Rabulas? An Medicina propter veneficos? An Theologia propter schismaticos?

Arson. de Iure

Alchymia.

H

ces

ces à bonis in sagena, & adulterini nummi à probis in Republica Impostores, falsarii, sophistæ & nebulones damnandi sunt, sed non philosophi veri in quorum scriptis quærenda veritas, magna, & prævalens; etiam magnatum mandato conspurcata & damnata, prævalens; infidelium voluntate, & potestate conculcata, prævalens; hæreticorum abusu, & sophistarum iniurijs oppressa, prævalens; etiam in cineribus abscondita, & in terris quali mortua, præter spem tamen semper prævalens. Quapropter rei veritati sedulo, & semper incumbendum, ne seducti vanis opinionum erroribus, ad finem, quem quærimus, nunquam perveniamus. *Omnia* autem consequemur, si per *Aliquid* progrediamur.

CAP. 3.

Nostrum Aliquid est aqua à terra extracta, & in terram remissa, ut fertilem reddat eam.

Nostrum *Aliquid*, de quo nunc fit sermo, est instar fili Ariadnes, quod ex abyssi labyrintho nos veluti manuducet. Hoc filum ex tenuitate aeris compactum est, tenue, & quasi impalpabile, à summitate recti meniorum decurrens ad ostiū unde prius exierat, iterum rediens. Ascendit enim fumus subtilissimus qui circumvolando convertitur in aquam limpidam, Atque hoc modo ventus dicitur portare lapidem in ventre suo. Hic enim

enim ventus aereus est, imo ipse aer, qui per exhalationem humidam in vapore circumfertur, donec in elementum aquæ transmutetur, quæ per descensum, aridam, & inanem terram ita reddit fertilem, ut flores tam aureos, quam argenteos mirum in modum possit proferre.

Quid prohibetis aquas? usus communis aquarum est. Videte itaque viri sapientes, quomodo Alchymia in omni ferè suo statu rerum divinarum agit pedisequam. Etenim quidni confidenter dicam, operatione, & effectu humiditatis aquæ nostræ, doceri nos, olim placuisse, & adhuc placere sapientissimo, et potentissimo rerum conditori, ut spiritus domini incubaret aquis, ut per eum in eius benedictione omnia creata multiplicationem suæ speciei propagarent? Solus autem humidus halitus in opere philosophico ad conficiendum lapidem non valet, nec in ipsa natura ad procreandum *Aliquid* valet, nisi materiã aptam inveniatur, et propinquam, quam philosophi terram vocarunt, eamquæ siccam, aridam, et infrugiferam sine aqua sua. Humido autem cum sicco, et sicco cum humido aptè, et naturaliter coniuncto, materia, et forma, aqua, et terra, cooperari possunt in augmentationem per putrefactionem corporis, & spiritus in calido & humido. Aliter ipsa materia per se, aridum, & sterile corpus manet, & *Aliquid* non potest constituere, quia nihil potest sine humore suo, & aqua mercuriali sua, in qua lapis. Quapropter in opere philosophico pro

conficiendo lapide eleuetur vaporosa exhalatio supra terram, ut ad terram suam rediens, & cum terra sua cooperans, atque agens in patientem terram suam reddat fertilem, & fructiferam. Nam teste *Morien.* Morieno, tota operatio nostra nihil aliud est, quam extractio aquæ à terra, & huius aquæ super terram remissio. Itaque aer (de quo prius diximus) ambiens, & circumvolans transit in aquam, quæ vniuscuiusque etiam tenuis guttulæ vicissitudine, corpus inferius mortuum penetrat, & illud vigere, vivere, & vegetare facit, ita ut ex terra mortua, & auro mortuo vivum reddat. Atque hic aer, sive ventus, portans lapidem in ventre suo, testis est venti, sive auræ tranquillæ tempore Eliæ, in qua dominus: & lapis non in spiritu forti destruyente lapidem, prædicat dominum non in spiritu forti subvertente petras: & lapis, quem quærimus in tranquillitate, prædicat dominum non in igne devorante: sed aer, & tranquilla, & amica venti nostri aura, lapidem & thesaurum in se gestans, prædicat nobis tenuem, & quietum auræ sibilum, in quo dominus. Certè aer, & ventus ille planè cælestis continet in se aquam benedictam, à qua stillæ quædam emanant, & in illis stillis ros est cœli madefaciens terram, & thesaurus, prius absconditus, palam conspiciendus, gestans claves veras ad omnes divitias. Illarum enim ope aperitur porta prius firmiter clausa, ubi preciosissima inclusa erant, & incarcerata. Difficilia, quæ pulchra, & preciosa quæque plerumque sunt abscondita; est lapis

Est lapis occultus, & in imo fonte sepultus.
Sed in cavea minùs benè canit luscinià. Quare liber-
tas per dulce bonum.

*Quàm bene sint clausæ cavea Pandione nata,
Nititur in silvas quaque redire suas.*

Annon adhuc philosophorum *Aliquid* detectum,
planè plenèq; conspicitur? An adhuc eorum ab-
sconditum sapientiæ filijs ignotum? Legantur sepi-
us philosophorum libri, et recta intelligentia, et
iudicio perpendantur præcedentia, et subsequētia
scripta mea, fatebitur proculdubio assiduus, et in-
telligens lector, me speculum veritatis mysticę
nudum, clarum, & perspicuum proposuisse, & te-
nebrarum caligines omnes dispulisse. Etenim do-
ceo, ut inclusus spiritus libertatem consequatur,
vel saltem liber obambulans turrim circumvolet,
in qua incarceratus est, ut liber factus mira efficiat.
Nec mirum, quia spiritus liberatus, liberè & liben-
ter operatur: detentus autem, & incarceratus, om-
nino nihil, vel ad rerum propagationem, vel ad alio-
rum salutē, vel ad dei gloriam. Annon dei creatoris
gloria per rerum propagationem? Annon propa-
gatio per salutem? Annon salus per libertatem?
Annon libertas per spiritum? Quicquid liber spi-
ritus liberat, verè est liberum.

Libertas animæ cibus est, & vera voluptas,

Qua qui dives erit, ditior esse nequit.

Loquor de libertate pinguis & nobilis, sed penè
inutilis servi, donec mercurialis, spermaticus, &
tenuis eius spiritus liber factus veram verarum di-

vitium pinguedinem, & oleum^a generatam pariat. Quapropter sit spiritus liber, & quod quaeritis, invenietis. Si aurum, in spiritu auri, si argentum, in spiritu argenti. Placuit enim primo, & summo rerum creatori, ut unaqueque forma formam suam propagaret in semine suo. Hinc natura, & naturans, & naturata. Naturam autem naturatam, quae secunda est rerum causa, excitare debemus, ut ulterius promoveatur, & ut ea etiam quodam modo, naturans vocetur, & naturatum aliquid ab ea expectemus in infinitum. Unumquodque enim naturatum, etiam est naturans, De benedictione, artificis opera, & seminis virtute. Hinc *Nihil* nostrum, non adhuc in rerum conspiciendarum natura existens, *Aliquid* producit, & *Aliquid Omnia*. Reductione autem *Omnia ad Nihilum* iterum tendunt, ut *Nihil* ad *Aliquid* iterum promoveatur, & *Aliquid* vicissim ad *Omnia*. Vnde in circulo *Omnia*.

Qui non curaret, plusquam natura rogaret,

Dives sic esset, quia res sibi nulla deesset.

Fernel. lib. 2.
Cap. 18.

Huius rei rationem reddit doctissimus ille Fernelius lib. 2. de abditis rerum causis: Nihil, inquit, est in vlla naturae parte, quod non in se generis sui semen contineat, sed vix potest arte prolici; ex solo autem auro potest. Cum enim maxima vis seminis in oleo quodam inhaereat, id, quod in cæteris inflammari cremarique solet igne, in auro non potest: qua ex causa nullius ignis ardore torreretur, absumi potest, sed omnis artis vim tolerat. Oleum certe

incombustibile hoc est, & sal fusibils, quæ qui habet (inquit Raymundus) laudaret deum, quia postea oleum tingit, quod aqua prius abluir.

Raymond.

CAP. 4.

Aqua nostra spiritus est igneus, Aliquid nostrum, (semen, scilicet, suum) in se portans ad generationem sui similis, si in prima mistione plus aqua, quàm par est, non abundet.

VOs vero qui non adhuc intellectu comprehenditis, quæ auri conducunt generationi, scitote, quod ex ipso auro frugiferum semen, purum, et sincerum potest elici, in quo occulta, & summa vis inest. Et licet difficilis videatur extrahendi via, extrahi tamen potest. Negari enim non potest, metalla, quæ frigore, & siccitate concreverunt, humore, & calore solvi posse, ita ut

Undique per montes currunt in flumina fontes.

Contrariorum enim contraria est ratio. Quamobrem igne, & aqua opus est, scilicet, azoc, & igne, ut semina, & spiritus incarcerati metallorum, contraria, et crassiore materia fortiter detenti, secerantur, qui si ritè secernantur à terra sua (teste *Marsilio Ficino*) ex seminaria virtute sibi simile generare possunt, quando materie adhibentur eiusdem generis. Quapropter cum philosophi invenissent metallica corpora penes decoctionem maiorem, aut

mino.

Ign. ~~in~~ Autb. de.
Art. Chym.

minorem discrepasse, omniumque metallorum mercurium primam fuisse originem, excogitarunt extrahere metallicum auri, & aurum ipsum ad primam materiam reducere, ut inducerent eius lucem, & nitorem imperfectis metallis: Et cum reductio talis, facilis & possibilis sit, conclusum est à philosophis, transmutationem quoque in metallis facilem, & possibilem esse. Atq; hinc Physici aurum efficiunt philosophorum virtute cælesti planetæ variabilis, & conversiui. Iniquissimum certè (me iudice) esset, sola metalla, naturæ & seminis beneficio privari, ut ad generationem sui similis promoveri non possint, sicut cætera creata. Noverca esset natura si tyrannidem talem excerceret in metalla sola, eaq; incarcerata, & sterilia semper detineret. Sed benedictus semper dominus, à quo metalla creatione profluunt, in quo dominio præsunt, ad quem conservatione, & propagatione respiciunt. Ars autem promoveret eorum naturam, et perficit naturæ opera, nè in metallis fine suo frustratur natura. Annon in metallis, presertim in auro, innatus est ignis, qui virtutem vitæ in se portat paulatim per gradus excitandam, et in altum elevandam vi ignis elementaris, ut ignis ille cælestis circumvolans & iterum in corpus suum rediens, idem corpus prius corruptioni, et alterationi subiectum, purificet, sublimet, & mutet de natura corruptibili (in qua *Nihil*) in naturam incorruptibilem, in qua *Aliquid*, imò *Omnia*, virtute certè divina?

vina? Omnis enim vita à semper vivo emanat, in cuius dextra, vitæ, & dierum longitudo; in sinistra vero, divitiæ et gloria. Itaque commisceamus aquam terræ ut melius permisceantur, & ut lumina fixi per aquam, in aquam dissoluti, aqua cum aqua coniungatur, exiccetur, & coaguletur: facile enim resolvitur in aquam, quod aliquando fuit aqua, ut patet in glacie, & nive; & in tali coniunctione per dissolutionem, & coagulationem facta, fixum fit volatile, & volatile fixum, & terra, & aqua maiorem, & meliorem, quam prius, acquirunt virtutem, quam inuestigant, imò inveniunt sapientes. Aqua enim dicitur, quasi à qua Omnia, quæ (authore Pindaro) elementum optimum nuncupatur. In hac secreta coniunctione, rerum vicissitudine fixi cum volatili, & volatilis cum fixo, conspirare videntur elementa, ut ad creandum lapidem invicem mutantur. Atque hoc vult natura, ut neque prædominans siccitas, aridum faciat lapidem, neque nimia humiditas hydropicum. Terra cibus est restaurans spiritus, nimia humiditate submersos: aqua potus est, restituens corpus, siccitate nimia perdurum. Quare non laboret corpus nostrum phycum inæquali temperamento. Iusta proportionem ligata manent, & rectè inter se omnia ad lapidis generationem, & salutem, qualitatum mistione disposita emergunt in lapidis phyci certissimam constitutionem.

*Infima supremis proportio dupla ligavit,
Et tali tales capiuntur flumine pisces.*

I

Cavece

Cavete autem filij sapientum, nè plus aque, quàm par est, abundet in mistione, tunc enim sequitur inundatio, vbi Icarì vestri plumę liquefiunt, & immerguntur fluctibus. Icarus poetarum, sulphur est Chymistarum: Dædalus pater Icarì filium in mari submersum, & mortuum, tandem inventum sepelivit in arena, (scilicet aurea) sed non ad resurrectionem, ad ruinam potiùs, & destructionem.

*Dum petit infirmis nimium sublimia pennis
Icarus, Icarias nomine fecit aquas.*

Quapropter si plantę vestrę nocturno rore singuttatim, & veluti gradatim irrigatę, & non penitus submersę, citiùs, & meliùs diurno tempore crescent interni medio ignis, in arborem magnam, & frugiferam. Nam ramus auri intra opacam arborem absconditus indies crescit, & sol philosophorum occultus in vallibus, & umbris, splendens exalatur ad summitatem montis, donec omnis obscura terra imbrium frequente & crebra distillatione fertilis fiat. Sic enim sita est in sapientum potestate omnis huius mundi gloria.

CAP. 5.

Ex aquarum guttulis, philosophi aliquid aliud, præter
philosophorum Aliquid didicerunt, lachrymas, scilicet,
profundere pro peccatis, & per lachrymas in-
venerunt gratiam, sicut per eorum aquam,
virtutem seminariam ex perfectissi-
mo metallo pullulantem.

SI quærat (rebus sic stantibus) cur philoso-
phi velut ignoti, & ignobiles delitescunt, hu-
ius mundi gloriam non appetentes? facilis est
responsio: apud illos nihil haberi pulchrius, nihil iu-
cundius quam ut, honores, & divitias in eorum vo-
luntate, & potestate positas, tanquam fortunæ lu-
dibria, contemnant, thesaurum boni animi stabi-
lem, & munitum custodiant, & cœlestes opes, nun-
quam perituras consequantur. Nōrunt, quod plē-
rumq; non fit, ut quis externis his, & æternis illis
fruat, & in utroque sæculo appareat gloriosus, &
a delitijs transeat ad delitias. Non enim per deliti-
arum, & divitiarum viam itur ad astra: non à feli-
citate Sæcli ad fœlicitatem Cœli. Quare virtus, &
pietas, omni auro, & nobilitate sunt nobiliores.

Oreb.

Ier.

Nobilitat virtus hominem, virtute remota

Migrat in exilium nobilitatis honos.

Cum Apostolo utuntur mundo, tanquam non
utentes eo. Habent uxores, ut non habentes eas, in

I Cor. 7.

Dreb.

prosperis gaudent, ut non gaudentes, in adversis flent, ut non flentes. Omnia obtinent, & nihil habent, videntur pauperes, & alios ditare possunt, per gloriam, & ignominiam, per convitia, & laudes, ut seductores habentur, & tamen veraces sunt. Et ob eam rem dicuntur illi nunquam minus soli, quam cum soli. Versantur enim cum æterno naturæ parente, & cum illo vitam suam contemplativam, & activam sine molestia, vel tædio transigunt, certa spe semper parati à terrenis ad cœlestem omnipotentis dei civitatem hinc migrare, ut ad immortalitatem rectâ viâ avolare possint.

Ergo cœlestes thesauros condere querunt,

Quos nequeunt fortes, & iniqui tollere fures.

Et bene se ditant, quia semper noxia vitant,

Interea philosophi moderni peccatis involuti cum ceteris hominibus, sed edocti plus quam cæteri homines, discunt per aquarum suarum guttulas, lachrymas doloris, et penitentiæ indies profundere, ut eorum peccata, tam cogitationis, et actionis, quam originis, sanguine Christi Iesu abluantur, et penitus abstergantur. Etenim christiani philosophi minimè dubitantes Christum Iesum Dominum nostrum humani generis redemptorem, fontem pietatis, et salutis humanæ non abstinuisse à lachrymis, sed flevisse, ut cæteri flent infantes in ipsa nativitate, propter hominis ingressum cum miseria, super civitatē Ierusalem, propter hominis progressum cum vanitate, super Lazarum propter hominis

hominis exitum cum pœna, super Iudam propter hominis damnati reprobationem, quia æterna, et in passione cum magno clamore propter electorum salutem, statuerunt illico ipsum lachrymarum fontem flendo exhaurire, ne animarum suarum subversionem plangerent inter duræ cervicis reprobos. Quare eorum vnaquæq; lachrymarum stilla, splendida in coelis stella per Christum Iesum verum piorum solem illuminata, dici debet, sicut vnaquæque stilla eorum Icari, etiam stella, accipiens lumen ab eorum sole dici potest. Atquæ hæc stilla, siue stella in philosophorum coelo circumfertur, donec, sicut ut coelum novum, nova etiam, perspicua, et chrystallina fiat terra. In azoc, et igne hæc efficiuntur. In his enim forma et materia, sol, et luna, sulphur, et mercurius. Quarè dicuntur sol, et luna philosophorum nasci inter duos sulphureos, et mercuriales montes, in quibus duo delitescunt leones, ut ex ipsis postea lupis leoninos semper procreare possint omnes suos fætus. De sulphure autem communi, vel communi mercurio in opere nostro physico, non curant philosophi, quia ista in nostri auri, vel argenti nostri fodinis non inveniuntur. Neq; enim in conficiendo lapide argentifero, vel aurifero istis utimur, sed ea prorsus reijcimus, et inutilia tanquam extranea censemus. Et tamen inficias non imus etiam communem illum mercurium aptum, et idoneum, sulphur etiam commune, aliquando necessarium ad præparandum, sed non ad componendum,

nec ad perficiendum lapidem. Lapis enim noster ad seipsum perficiendum portat in ventre & vasculo suæ generationis (sicut prius sæpissime diximus) semen suum, nec aliud quicquam quærit ad perfectionem suam, sed in se, & in forma sua (*Bernardo Trevis.* *Trev:* dicta) formata, & homogenea, habet semen prolificum, seminariam scilicet virtutem suam, quæ quidem ex perfectissimo metallo potest elici, si peritus velit artifex. Est enim aqua nostra omnium metallorum sperma, & omnia metalla resolvuntur in ipsam, & in ea inest virtus hæc seminaria, in se continens corporis mineralis vegetabile, pullulans, florescens, germinans, & agens in suum proprium passivum, sicut semen in suam terram seminatum. Honorata est hæc aqua fixa, quæ manifestat tincturam suam in projectione, & coniuncta cum spermate mercurij, eadem fit aqua sine divisione vna: Et in hac coniunctione solis, & mercurij in essentijs suis interioribus, philosophorum constituitur lapis, tincturam habens infinitam, ab igne solis acquirens colorem sanguine rubicundiores. Quapropter Raymundus operum suorum bonitatem, & virtutem posuit in sale suo vegetabili, in mercurio scilicet sapientum, in aqua vitæ, in sanguine menstruali. Sanguis enim hic emissus è corpore suo, superius ascendit, descenditque super illud, quod inferius remanet, quousque totum figatur, & sulphur inferius fixum naturaliter congelat suum mercurium per frequentem sublimationem. Omne enim

enim ficcum appetit suum humidum, & omnis terra
ebibit suam aquam, donec absorbeat in siccitatem.

Claudite iam rivos pueri, sat prata biberunt.

In principio ex aqua creata sunt omnia, atque hanc
aquam deus divisit, vni aquæ parti præcepit in ari-
ditatem, atque hanc terram vocavit; alteri, ut mane-
ret, sicut prius sine conversione, aqua, ad humectan-
dam, & irrigandam terram, aliàs inanem & infru-
giferam sine aqua sua, sed multum ferentē fructum,
pluvijs humectantibus eam. Bonus, & verus phi-
losophus, præpotentis Dei humilis servus in aqua,
& terra sua enarrat gloriam Dei sui, dividendo a-
quam à terra, & terram ab aqua, ut guttulæ aquæ
sue desuper cadentes, paulatim penetrarent terram
suam, abluant, mundificent, & (ut fructum proferre
possit) nutriant eam, lacte scilicet virginis, succo lu-
naræ, aceto acerrimo, aqua vitæ, & auro potabili.
Cogitet, & contendat filius artis, quo modo de hac
aquâ satis bibat cinis siccus, & terra valde sitiens,
ille erit indagator naturæ vincentis, & preciosissimæ
perfectionis.

Manè petat montes, post prandia, flumina, fontes.

Intelligat, quòd,

Gutta cavat lapidem, non vi, sed sæpe cadendo.

Et qui capit verbum hoc,

Est sanè sapiens, non vi, sed sæpe probando.

Gutta enim menstrualis solvit corpus, terit, terit,
terit, & terendo calcinat, & calcinando reducit ad
naturam spiritus, donec corpus foliatum vocetur.

Qua-

*Esperemus.**Theo. Phil.*

Quapropter dicimus duplicem esse philosophorum aquam, communem, & acquisitam: illa, lapidem facit volatilem, ista, fixum. Atque ista aqua verè mineralis, imò verè cœlestis dici potest: produci-
tur enim ab ipsa radice solis nostri, & virtute sua au-
rum nutrit in melius, sicut granum nutritur, medi-
ante radice. Nolite nunc sophistæ diutiùs, multùmq;
cum violento ignis fervore laborare, in mortifican-
do, sublimando, præcipitando, & figendo argentum
vium vestrum. Nos generationes & procreatio-
nes rerum naturalium, novimus habere solum fieri
per calorem temperatissimum, & æqualem, & non
supra excedentem. Proinde oleum certè, & ope-
ram perditis, nisi in operibus vestris lachrymas ab
Adamo nostro, & vxore eius candida emissas vide-
ritis, & abstergeritis. Nihil enim mercurium vestrum
sistit, nisi quod ab eo, & eius compare produci-
tur. Natura naturâ gaudet, & mercurio vestro gaudet
mercurius noster, qui apud philosophos quinta es-
sentia, & aqua vitæ dicitur, componens totum la-
pidem, & fixum reddens, secundum fermentum si-
bi adiunctum. Dixerunt ergo philosophi, quòd to-
tum magisterium nostrum sit cum aqua nostra, &
de ea, & ex ea sunt omnia necessaria: ubi autem sunt
Omnia, *Aliquid* non deest, atq; hoc *Aliquid* est rei
cuiuslibet secretum, & vita, aqua, scilicet, quæ solvit
corpus in spiritum, & de mortuo facit vivum. Qui
intelligit, & sapit, cum omni mentis intentione de-
um precetur, ut in terris obscuratam manifestam
videat

videat eius gloriam, & sedulò tunc sine tædio labor-
ret ut cum aqua nostra calcinet corpora, transfor-
met, denigret, dealbet, & rubificet ea, quia aqua nos-
tra calcinando solvit, solvendo transformat, trans-
formando denigrat, penetrando abluit, abluendo
dealbat, & tingendo rubificat corpus, & mortuum
vivificat in vitam.

*Frustra conatur, cui non deus auxiliatur,
Proficit absq; deo nullus in orbe labor.*

CAP. 6.

*Philosophorum Aliquid in eorum aqua licet
contemplari, tanquàm in speculo, & in
hac aquâ latet eorum secretum,
ignis scilicet vivus mortuus
corpora vivificans.*

SEcretum autem, & vita cuiuslibet rei est aqua:
qui hanc habet aquam novit seminarias virtu-
ter elicere, & in radices suas iterum reducere,
donèc inveniat salem sapientum, quem Ammoni-
acum vocant philosophi, tincturam metallorum
augentem, & ampliantem. Sapientes nôrunt a-
quam hanc, sive menstruum, seminariam virtutem
continens facile è perfectissimo metallo extrahere,
& cum ipso menstruo perfectissimi metalli ani-
mam, quam cum Raymundo, naturæ appellamus
sulphur, & metalli semen, volans per ignis expressi-
onem

onem a sua terra ad latera vasis, quod ab ipso Ray-
 mundo etiam sperma metalli vocatur. Spiritus e-
 nim crudus corpus solvit, & de soluto corpore spi-
 ritum digestum extrahit, & remanet cinis fixus in
Trenis. quo reperitur oleaginositas, & gummositas lapi-
 dea, & incombustibilis, quam, animam, dixerunt
 philosophi, quæ viuificat, incerat, coniungit, & na-
 turas facit vnitas. In spiritu disiunguntur naturæ,
 sed in oleo reunguntur. Non possum non fateri,
 me nunc fideliter, planèq; præstitisse, quod propo-
 sui. Nunc enim philosophorum *Aliquid*, & vilis, &
 maximi precij, tanquàm in speculo contemplari li-
 cet. Spermate, seu semine quid vilius? Spermate seu
 semine quid preciosius? Nihil vilius, quia in se sine
 radice, vel terra sua prorsus inutilis corrumpitur
 fætens. Nihil preciosius, quia vnumquodq; semen
 in terra sua seminatum, vtile est ad *Aliquid*, imò ad
Omnia, in omnibus rebus sui generis. Hinc in vege-
 tabili, plantæ; in animali, vnaquæq; animalium spe-
 cies; & in minerali, metalla, originem, propagatio-
 nem, & perfectionem suam petunt. Si adhuc vide-
 atur metallorum sperma investigandi, inveniendi,
 & extrahendi difficilis via, non est quòd plus vltra
 traijciam naviculam meam in mare philosopho-
 rum: est enim certissima sapienti via satis nota. Qui
 modum & medium nescit, *Nihil* agit, *Nihil* produ-
 cit, nunquam ad *Omnia* perveniens, Philosopho-
 rum *Aliquid* non inveniens. Eorum enim *Aliquid*,
 à *Nihilo* exurgens, est eorum secretum, quinta ef-
 fentia,

sentia, anima, media natura, margarita preciosissima, Minerva, Iovis filia, & ex iplo Iovis capite prognata. Qui transivit fretum nostrum, contrahat vela, & cum viderit aquas in siccum abiisse, exultans dicat,

Inveni portum: spes, & fortuna valete.

Quare operi sedulo incumbat philosophiæ filius, abdita metallorum semina eliciat, habebit secundas (de quibus antea diximus) rerum causas, quibus deus optimus maximus, creator omnipotens benedixit, ut crescerent, & multiplicarentur. Inest enim unicuique metallo suum sperma, suus spiritus, & sua anima; & omne metallum spiritu & Mercurio, tanquam in aere, & aqua vegetat; animâ, & sulphure, tanquam in igne animat, & corpore suo tanquam in terra subsistit. Mystrium loquor magnum. Ob eam itaque causam, dicimus in metallis, sicut in vegetabilibus, & animalibus, innatum esse semen & in semine inesse quatuor elementa, quæ licet in corpore suo, tanquam in carcere includantur, non tamen ita includuntur, ut nihil in natura sua producant sed ut *Aliquid* (sicut cætera creata) effectum reddant. Fateor equidem sterilitatem in omne corpus metallicum loco suo propriæ generationis privatum, dominium exercere, propter terream, & opacam illorum substantiam: Dicimus tamen in hac substantia metalli perfectissimi, claudi, et abscondi ignem suum cælestem, occultam, scilicet, naturam solis, et ignis nostri preciosissimum oleum, tinctu-

Lib. triū verbor.

ram viuum, et spiritum penetratiuum, qui excitatur sola substantia pura Mercurij à suis superfluitatibus mundati, tam combustilibus, quam aqueis, et est eius virtuosa, vinctuosa, et aerea pars, in qua latet spiritus quintæ essentiae, quo solum corrumpitur aurum, et in primam materiam reducitur, atq; ita igne suo excitatur, ut vitæ spiraculum per totum prius mortuum corpus diffundi videatur. Nam moritur mors, fugit corruptio, fugantur tenebræ, et ad vitam, ad ignem cælestem, et lucis claritatem patet aditus, ita ut immediatè natura (elementari igne appposito) exuscitata, officium suum vivificationis, et procreationis, possit præstare;

*Effectus varios, ut sol alternat in aura,
Sic lapidis nostri variatur imagine vultus,
Et gracilis subito est, qui modò crassus erat.
Forma perit rerum, datur altera quoq; dierum,
Qui moritur, citius fertur ad alta, lapis.*

In humiditate autem latet materia nostri ignis, sicut oleum est materia lucis ardentis in lampade, & tamen ignis hic, sicut reliqua elementa principium non habet: terra verò prius fuit aqua, aqua prius fuit aer, aeris autem principium est ignis, sed ignis principium solus Deus, qui omnia creauit ex *Nihilo*, quorum primordiale principium est vna natura, in vna pura substantia, quam quintam essentiam vocarunt philosophi, in quâ tota natura, & ipsa elementorum substantia comprehenditur in terrestribus, quorum prima purior pars datur igni, secunda aëri.

aëri, tertia aquæ, quarta terræ: ab igne autem ad terram gradus sunt minoris puritatis, sed ignis est purissimum elementum, quia quintæ essentiæ, potestati vitæ, & cælestibus ipsis est propinquissimum. Atq; hic est ignis, quem Poetæ fingunt Prometheum è coelis furto surripuisse, cuius virtute, & calore etiam mortua ad vitam restituta sunt. Ignis hic Promethei non idem est cum igne Pontani, ille enim est aqua clara, aqua vitæ, ceu ignis vivus ex toto Philosophorum composito, iste autem ex aliqua compositi parte, ambo virtute caloris sui abluunt, purgant, renouant, & perficiunt materiam terræ fæculentam, ut efficiant puram, & perfectam. Et tamen iste de materia non est, nec intrat in materiam, ut ipse, qualis sit materia, fiat, sed quia mineralis & æqualis est, excitat calorem, ignem, & sulphur internum materiæ, ut materia ipsa igne Promethei, simul & Pontani transmutetur, & nova, & multo melior sanè cœlestis cum sole nostro reddatur. Iste ignis Pontani ignem illum Promethei excitat in vino nostro latentem, ex quo trahimus aquam vitæ nostram, in qua virtus, & omnis ignis nostri est potestas, omnia fovens, & calefaciens in virtutem, & vitam; & reperitur in sulphure Philosophorum incombustibili, & ex eo conflatur, quia eorum sulphur est ignis vivus, alia corpora mortua vivificans, *Correct. facit.* ea maturans, atq; ijs vitam inspirans, ita quod materiæ defectum suppleat, ut eam maturam, depuram reddere possit. Et non reperitur tale sulphur

Avicen. nisi in corporibus solis, & lunæ, & in alio, quod est illud, quod nulli dicitur, nisi ex parte dei sibi reuelatur. Cum enim omnis ignis præter cœlestem, adurens sit, & destruens, solus ille cœlestis reperitur, vivificans, materiam calefaciens, atq; eam multiplicans ratione suæ essentia, faciens humidum radicale totum novum: In quo humido habitat, & hospitatur, (teste Raymundo) calor naturalis, & in humido imprimit calor formam suam, & essentiam suam, si materia, in quam operatur calor, sit benè subtilis, ut totum fieri possit ignis, & radicalis humiditas. Nam in corpore metalli, virtus agens operatur, tanquàm masculus, & excitatur humidum suum in Mercurij substantiam, sicut maritus excitatur, & agit, mediante vxore, & calore sui corporis. Atq; hoc modo humidum decoquit ignem, & ignis constringit humidum, donec ex his generetur lapis, recto, & æquali ignis elementaris regimine. Ob eam itaq; causam clamant Philosophi, In recto ignis regimine perficitur opus.

CAP. 7.

*Elementaris siue Externus ignis internum excitare,
& nutrire debet, donèc aues Hermetis capi, &
retineri possint, aliàs Aliquid non
obtinēbimus, sed in tenebrosa
Nihili, & mortis domo
semper sedēbimus.*

CLamant adhuc altiore voce philosophi, ut
id Omnis philosophiæ filius exaudiat, vide-
te, ut manum possitis illæsi ad vitrum ap-
ponere. Volunt certè ut forensis, & externus ig-
nis internum illum, & cælestem solummodò exci-
tet, ad procreandum, nutriendum, & cōseruandum
eorum foetum, cœulapidem. Si quærat quid ego
Theologus aquam illam coelestem, & ignem cœ-
lestem appellem? Respondeo, quia à cœlo recipiunt
metalla terrena vim planè coelestem, tanquam si-
gillum illis impressum, & radij corporum coelesti-
um in nullo elementorum, tanta vi, & potestate
uniuntur, sicut in terra. Annò terra profert her-
bam? annò herba alit belluam? annò bellua
hominem? annò homo redit in terram? Sanè
sicut ipsa terra proprium est retinaculum virtutum
coelestium, & earum influxuum ad rerum constitu-
tionem, & nutritionem; ità etiam proprium est
omnium rerum receptaculum post dissolutionem
earum,

Geb. lib. 1. cap. 7

earum, quæ à terra prius promanabant. Quapropter coelorum influentiâ producit terra res mirabiles in vegetabilibus, animalibus, & mineralibus; sed cæli plures, & maiores infuderunt in radicalem, & spirituales substantiam perfecti metalli virtutes mirabiles, quàm in quamcunq; rem aliam elementatam (excepto corpore humano) quia longissimo tempore metallum perfectissimum in mille annis induratur, & perficitur: Et enim est in eo diuturnus succus, qui non nimis celeritèr maturitatem accipit, ut in quercu, & alijs quamplurimis. Quapropter cum metalla, quasi inanimata, & ob eam causam sterilia, & infæcunda videantur, oportet volentem vires cælicas in lucem producere, duritiem, & densitatem metallicam in primam simplicitatem reducere, quæ postea tam est apta ad exerendam, & exprimendam suam vim coelestem, quàm in obedientia sua spirituali à die in diem ad recipiendam eam per tot annorum spatium. Etenim terra est metallorum mater:

(Magna parens terra est).---

Sed, coelum pater (& viribus coelestibus in terram fluentibus, & eam penetrantibus) materia metallica in visceribus terræ simplex, & subtilis, lucida, & perspicua facta est, quia recipit influxus coeli, & cōcipit, & impregnatur, ut pariat filium tempore suo: filij tales, quasi serui, splendidissima veste induti, sequuntur, & concomitantur reges terræ, & terræ reges iure suo meritò illis imprimunt imaginem suam

suam neq; vlli licet eandem, vel aliam illis imprimere. Ita tamen industria, & opera periti artificis possunt (utinam sine metu, aut damno aliquo) metalla excitari, & promoueri in actum, vt meritò propter eorum innatum ignem, in eorum aqua habitantem animata, spiritualia, eaq; ad generationem formata dici possint. Cùm enim externum ignem, internum excitantem, & promouentem, semel senserit internus, & innatus ignis, internus ille, & innatus ignis statim agit, & se diffundit in viscera terræ nostræ, vt terra nostra concipiat, & postea pariat infantem suum. Interim ante partum, externus ignis ille est interni quasi nutrimentum, & pabulum. Calor autem externus, si plus quam par est, excitetur, intus vi penetrat, & humidum totum radicale absumit, & opus totum destruit. In debito autem, & æquali ignis regimine, licet dignis, & dilectis philosophorum filiis, eorum ignem in eorum aqua, & in eorū igne simplicem, puram, & nudam conspicerenaturam, vbi ChrySTALLINÆ profluunt vndæ, quasi ex *Ederæ* ad irrigandum totam terram de Haueilah, vbi aurum. Quapropter quicunq; ex fonte hoc lucido, & benedicto, vivarum aquarum castam, & candidam desideratis inspicere naturam, & diuinæ bonitatis intelligere mysteria, legite, & sæpius in animis versate excellens illud, & optimum de natura nuda, & simplice, seu vndarum vitæ scaturigine, caput decimum in tractatu illo Theologo-philosophico à Rodolpho Otreb Britanno, fratribus à Cruce rosea di-

Etis dicato. Huc enim lubens vos remitto, vbi vobis liceat lucidam, suauem, & sinceram vitæ aquam, & virtutem eius summam ex fonte profundo promanantem depromere, & degustare. Legite, (inquam) legite, & tamen ingenuè fateor, quod palato meo non arridet narratio illa hæsitationis, An natura, vitæ cuiuslibet creaturæ ministra, sit Deus, vel ipse Deus sit illa? Creatura enim Creator non est, neque tabernaculum Dei Deus est: Benedictum tamen sit nomen domini, qui in sole posuit tabernaculum. Non probo ejusmodi hæsitationum narrationes, quamuis ipsæ hæsitationes sint à narrantis animo, & judicio longè remotissimæ. Etenim Ethnici impij, & à Deo alieni ex tali hæsitazione plerumque colligunt, imò concludunt aduersus Deum, & ejus veritatem, in ipsorum perditionem. Satiùs, & tutius esset (me judice) scrupulum talem silentio sepe liiſſe. Ignoscat mihi sapiens, & doctissimus ille Rudolphus, cujus intelligentiam, cognitionem, et sapientiam in describendo, et hauriendo aquarum viventium fonte non satis admirari possum. In studiosorum, ac bonorum hominum eruditionem, et disciplinam scripsit, sane vberiore sermone, quàm ego vellem scribere. Sitiat ergo, et semper sitiat insipiens, insipidus, et stupidus ille, qui ex ejus fonte profundo refrigerium, vitam, et salutem non haurit in domino. Nostrum *Aliquid* primis labris non adhuc gustauit. Quamobrem sedeat semper sine luce in vmbra mortis, et in *Nihilo* nostri domicilio detentus

rentus tenebroso maneat. Vt autem mors non
semper dominetur, nec in tenebrofa *Nibili* domo
semper sedeamus, sed vt vitam in resurrectione, in
resurrectione desponsationem; in desponsatione
conceptionem, in conceptione lapidis generatio-
nem inueniamus nouam, jubeo vt corpora sub-
mergantur in spiritibus, et spiritus in corporibus, vt
et corpora mortua resuscitentur clarissima, coope-
rante spiritu, et ipsi spiritus firmissima figantur cor-
poris fixatione. Isto modo capimus, et fortiter reti-
nemus Hermetis aues; corpora etiam, et ipsum la-
ctis coagulum, et terram foliatam habemus, vt au-
rum non vulgi, sed philosophorum in terra alba fo-
liata seminare possimus. Nam terra hæc corpus est *Arist.*
mundum, et cinis à cinere extractus, et cum spiritu
suo aurifero tingitur, et tingit. Aurum enim non
tingitur nisi cum auro, sed aurum cum auro tinctum,
tingit in infinitum. Coniungite ergo mundum spi-
ritum cum corpore suo mundo, et desponsatio fit
lapidis in calcem corporalem, et figitur spiritus in
corpore illo, vnde sumptus fuit ab initio, et pax fit
inter elementa, quæ veneris vinculo invicem con-
iunguntur, ita vt postea separari non possint. Si ve-
rò spiritus ille, quem *Senior* aquam vocat diuinam,
et spirituales, in qua continetur anima quæ philo-
sophorum aurum, et tinctura, animam in se habens,
dicitur, quem etiam Hermes aquam albam nomi-
navit, animam habentem tingentem, atq; aurum,
seminandum in terram foliatam; Si inquam spiri-

tus ille vegetabilis, qui tincturam dat permanen-
tem, qui etiam vivus dicitur, et potentiam in se ha-
bet generatiuam, et verum est incombustibile ole-
um, solus manet, et non redit in corpus suum, à quo
prius extractus fuit per dissolutionem, philosopho-
rum *Omnia* nunquam obtinebimus, sed perpetua
erit corruptio, nulla elementorum transmutatio,
nulla caliditatis vnius cum frigiditate alterius con-
cordia, nulla imorum cum summis, nec summorum
cum imis conjunctio; sed *Nihil* nostrum semper in
tenebris occludetur sine lumine, tanquam mors si-
ne vita, et terra mortua, sine solis nostri influentia.
Etiam hic est æterna mors apud inferos sine re-
demptione in domo tenebrosa, sine vlla vitæ, aut
resurrectionis spe; videant impij, et ab ipso deo ali-
eni, quis etiam sit eorum post mortem status absq;
pænitentia, et lachrymarum pro peccatis profusio-
ne in hac vita, ne penitus pereant dicentes; Semi-
tam meam circumsepsit, et transire non possum, et
in calle meo tenebras posuit; spoliavit me gloriâ
meâ, & abstulit coronam de capite meo, destruxit
me vndiq;, & pereo, & quasi evulsæ arbori abstulit
spem meam.

CAP. 8.

Dissolutio individui nostri fit cum conseruatione speciei, & descensus roris nostri in terram, est seminatio auri Philosophici in terra sua, ut eam reddat fertilem, medio ignis naturalis & artificialis.

Lachrymas graves, & melancholię furore aut desperatione plenas cum *Esau* non emittat poenitens, quia benedictionem amissam non consequetur citius, quam *Cain* gratiam, aut *Iudas* veniam. Ista Lachrymarum emissio, est quasi dissolutio individui nostri in aquam nubis destruentem naturam, & corrumpentem formam suam, sicut *Iudas* suspensus fuit in æternam animæ suæ perditionem; sed dissolutio nostra fiat sub conseruatione speciei, & propriæ formæ, quæ nobilem habet proprietatem, & virtutem suam prolificam in se manentem, & à se sine suo interitu emanantem, in quâ totius naturæ potestas, continens *Omnia*, quib⁹ indigemus. Etenim hæc forma sedes est, vel potius quoddam quasi sepulchrum in quo continetur lapis, proveniens, & promanans ab ipso lapidis vase, quod radix est, & principium operis, atq; ex eo vase producitur lapis vivus generatus ex sole, & luna, tanquàm ex mare, & foemina. Hic enim vivus & vivificans lapis, est aqua illa de qua sæ-

perditionem

pius diximus) latens in terra sua mortua, donèc terra, mediante aqua Mercuriali, pareret aquam Philosophorum, quæ prius erat in corpore suo mortuo. Isto modo locus generat locatum, & locatum loci est vis, & vita, & vas generat lapidem, & lapis vasi novam infundit virtutem. Nam radices stellarum exhalatione sua infundunt, & influere faciunt virtutes suas elementares, & coelestes à vase suo naturali, nunc in carcerato, & firmiter incluso Hermetis sigillo in vase artificiali, generationi apto. Vas enim artificiale continere debet vas Philosophorum, à quo exhalat primò aer, atq; hic aer, siue vapor postea fit aqua, atq; hæc aqua vinctuosa est, & citò in circuitu, & descensu suo convertit corpus suum, et occidit illud, ut reviviscens luminosum fiat, et quasi ignis, siue lapis splendens, mineralis, Philosophicus, quinta essentia, et Mercurius, tingens omne corpus in solem, vel lunam, secundum quod lapis fuit in principio operis præparatus. Ibi ignobile metallum est quasi pasta, sed metallum nobile, est fermentum, et fermenti locum obtinet, totam massam fermentantis, et informantis in naturam perfectissimi metalli. Nolite autem lapidem nostrum, regiminis errore ad statum rubeum, et ignium villo modo adducere, donèc certo sui temporis curriculo candescens, et insignitus candidissimo margaritarum candore prius appareat, et fiat terra alba foliata. Satiùs esset recurrere, quàm in principio, vel itineris medio ulterius malè currere. Quanto

tò longius currunt errantes, tantò longius errant
currentes. Cedendum veritati.

Qui procal excurret, nihil & mercatur ibidem;

Si via longa fuit, meret, rediturus, ibidem.

Quo pede capisti sic bene semper eas.

Cum autem præteritis omnibus alijs obviantibus
coloribus perfectam in terra foliata albedinem na-
cti simus, possumus postea sine vllò damni metu
albedinem illam continuò exaltare in preciosissi-
mam rubedinem, quæ propter virtutem suam me-
ritò ignis dici potest, et est rubinus inter gemmas
optimè coctus. Ignis autem artificialis sit in solu-
tione lenis, in sublimatione mediocris, in coagula-
tione temperatus, in dealbatione continuus, in ru-
bificatione fortis: posthac nullâ ignis violentiâ
potest consumi, et ignis ignem nunquam fugiet.
Sed ignis hic est inter metalla, sicut carbonum ig-
nis inter ligna. Ignis enim noster naturalis, et sim-
plex, à centro terre extractus artis magisterio, et
acquisitus per aeris, et aque sublimationem, multi-
plicat sese, et ad eum multiplicandum concurrunt
Aer, aqua, ignis, tanquam superiora vivificantia ter-
ram inferiorem, terra ipsa quasi nurrice, et fermento,
manente, et figente volatilia in cacumine mon-
tis. Atq; ita perficitur lapis Philosophorum, sicut
res coelestis descendit in vterum terræ, ut terra fru-
ctum multum possit proferre. Aer enim ascendit à
terra, et ab aere per circulationem fit aqua, et in a-
qua latet ignis, oleum scilicet Philosophorum in-

com-

combustibile ; atq; hæc tria descendunt in terram suam, vnde emanabant : Nam terra , siue corpus maximum habet appetitum resumendi suum humidum sudorem , in quo calor naturalis , et radix vitæ. Aer corpus penetrat, aqua terram purgat, oleum, siue ignis omnia illuminat. Atq; hæc coniunguntur denuò cum pura terra sua, vt ex his quatuor coniunctis elementis puris , exurgat quintum, corpus scilicet regeneratum, purum, transparens, spirituale , Philosophicum, penetrativum , et tingens. Si quid enim seminaverit homo, hoc et metet . Nolim vt illud tautologicè à me dictum videatur, quod ad rei veritatem apertius exponendam iterum , atq; iterum repetitur. Dicam itaq; adhuc certiore, et planiore sermone, vt vnusquisq; qui legit, certè intelligat. Descensus roris nostri in terram suam, est seminatio auri Philosophorum in terra sua, vnde fructus millesimus mediante natura. Ros enim iste, et ipse lapidis nostri sanguis, compositus ex duabus aquis, vna quæ facit lapidem volatilem, altera fixum, teste Raymundo dicente, lapis noster *est* quædam substantia corporea ex duabus aquis tenuissimis, et limpidissimis cõposita. Vbi nō intelligitur aqua nubis, in quam lapis soluendus est, sed aqua permanens, quæ tamen sine suo corpore, cum quo dissoluta est, permanere non potest. Iubet ergo *Scala* vt accipiamus illud, quod est corporis perfecti, et omnium illius, et nutriamus illud omnium ex iisdem, vnde genitum erat, tunc Mercurius

curius noster mortificans erit Mercurij vulgi. Nec mirum, quia argentum vivum argento nostro vivo commixtum vna sit aqua munda, & fixum figit fugiens, & tingens tingendum tingit, & tingens, & tingendum vnum, idemq; sunt, sicut furculus arboris pomiferæ insertus trunco acris & siluestris pomi, tempore suo dulcia, & bona proferit mala, licet nutriatur ille furculus radice acris & siluestris pomi. Mihi credite, solutio corporis, & congelatio spiritus sunt, velut vterini fratres, vtrisque, ut aiunt, vlnis invicem amplectentes, & auxum vivum philosophicum, tanquam boni pomi furculus, insertum auro mortuo, & infrugifero terræ suæ corpori, efficit corpus illud proferre fructus auriferos, sicut furculus arboris pomiferæ facit truncum siluestem proferre pomorum fructum optimum:

Utraq; mundatur dum palmâ palma lauat,ur,

Quæ cum concordant, dant citò quicquid habent. *Arnel.*

Testis est *Arnoldus* dicens, bibit suam aquam terra sitiens, & fructum fert cum frequente irrigatione, & nisi aqua fiat cum terra vnum corpus, nil proficit. Seminate ergo animam in terram albam foliatam; quia ipsa retinet eam, quoniam cum ascenderit à terra ad cœlum, & iterum descenderit à cœlo *Herm.* in terram, recipiet vim inferiorum, & superiorum. Terra enim astringit fluida elementa, & prohibet à sua fluxibilitate cruda. Aqua, & Aer, humectantia elementa, terram dissolvunt; ignis tanquam anima est, maturans & digerens totum compositum. Hinc *Trenif.*

M

conq

conjunctio, inceratio, unio naturarum, & vivificatio, quando per spiritum crudum, digestus perfecti corporis spiritus extractus, & corpore suo solutus, & disiunctus, beneficio olei, et ignis iterum conjungatur corpori suo oleaginoso, gummoso, lapideo, & incombustibili. Atq; sic sublimatur terra ad *Elixir* nostrum, imbibendo calcem, et figendo Mercurium, et terendo, et decoquendo omnia, donec fiant unum corpus novum. Vis enim sulphuris non vrentis, de quo facimus solem nostrum, coagulat, et figit Mercurium mundum, et purum, et in vno vase fit eorum distillatio, sublimatio, mortificatio, calcinatio, solutio, descensio, dealbatio, rubificatio, et perfecta fixatio. Dicimus ergo cum *Gebro*, si ista scis, tibi diximus *Aliquid*, si verò non scis, diximus *Nihil*. *Nihil* enim (teste Hermete) fit, nec *Aliquid* peragitur, nisi noscas ducere, et pregnantem facere, et generare species.

Femina sola parit, generat vir, gignit uterq;.

Quapropter gummi cum gummi conjungendum vero matrimonio, sed cauendum in die conjunctionis ut utraq; novam induantur veste, ab omni sorde perfectissime depurata, et tunc occurret tibi ex concubitu Gabrici, cum sua Beya genitus filius, qui non assimilabitur parentibus. Spirituale enim fiet corporeum, et corporeum spirituale. Hoc *Aliquid* certe magnum est, et medium inter principium et finem operis, sicut *Aliquid* nostrum medium inter *Nihil* et *Omnia*; ubi duæ purissimæ substantiæ in suam primam

primam homogeneam naturam prius reductæ,
tanquam aqua mista cum aqua insimul conjun-
guntur, ita ut postea nunquam possint separari.

CAP. 9.

*Virtus & potentia Solis & Lune sunt in lapide nostro,
proinde commodè transimus ad Ophir fretum
nostro, ut aurum de Ophir avehe-
re possimus.*

PArtes purgatæ, & puriores factæ per conver-
sionem naturarum, & per amicitiam factam
inter siccitatem & humiditatem, inter frigi-
ditatem & caliditatem, plus se diligunt, quam prius,
propter eorum mutuam mundificationem, & fa-
miliaritatem, cum denuò conjunguntur. Neq; e-
nim valdè difficilis videatur reductio perfectissimi
metalli in suam primam materiam, quia omnis res
facilè resolvitur in id, de quo, vel ex quo prius per-
ficitur; sicut omnis res est ex eo, vel de eo, in quod
resolvitur. Quemadmodum glacies in aquam re-
solvitur, mediante calore, sic metallum reducitur in
argentum vivum, quod prius erat mediante aqua.
Atq; hoc argentum vivum, vocamus spiritum vi-
tis nostræ, ardens vinum, aquam benedictam, aquam
vitæ, quintam essentiam, Mercurium vegetabilem,
Mercurium philosophorum, ipsum etiam in infan-
tia sua lapidem, provenientem ex elementis, & ra-

men purissima in se continentem elementa, à quibus spirituale fit corpus, & animalis fit spiritus per vegetationem, & animationem metallicam auream splendidam, & clarissimam. Deniq; argentum hoc vivum, quod etiam vinum appellamus, in quo ipsa veritas, (est enim in vino nostro tota veritas) per aquam Mercurialem extractum, est prima illa materia, siue aqua, ex qua corpus fuit ab initio, atq; hæc eadem aqua conuertit omne corpus metallicum in cinerem, & cinerem in aquam, vnde contritio nostra, & subtiliatio nostra absq; manibus, cum argentum vivum nostrum, & sulphur nostrum coquantur, donec vnum fiant argentum vivum, vbi sulphur retinet argentum vivum, nè auolet, & evanescat, quia siccum prohibet humidum à fluxibilitate, vbi etiam argentum vivum defendit sulphur nè comburatur, & devastetur, illuminatq; ipsum, ac conservat ab vltione, quia humidum prohibet siccum ab ignis violentia. Quapropter ut nostrum *Aliquid* tandem absolvam, & institutæ descriptionis illius exitum expediam, concludo, quòd ex argento vivo & corpore perfecto elicitur medicina, quia in ijs est, secundum naturam, perfectiùs in corpore, propinquius in argento vivo. In corpore inest purissima sulphuris substantia ingenio naturæ summè depurata: in Mercurio inest vis quædam amicabile, apta, nata, & à natura disposita sulphur illud humectare, subtiliare, & in aquam nostram resolvere, ut sol fiat medicinæ nostræ.

stræ pater, & luna mater. Fumus enim albus vinum nostrum rubrum in ventre suo portat, quod autem *Ioh. de rupe*
 est philosophorum, quinta essentia, & vini anima. *scilicet*
 Quare fieri non potest quin virtus, & potentia solis, & lunæ, sint in nostro lapide, aliter non faceret vel solem, vel lunam, sed facit, quia sol & luna existentes in lapide nostro, sunt longè meliores, & potentiores sole, & luna vulgari. Hæc enim nisi agitentur, non agunt, & nisi moueantur, non movent, sed mortua manent. Illa verò viua sunt, prædita virtute maxima, viriditate benedicta, & vegetatione Mercuriali, invisibili, sed potente. Annon adhuc ex *Nihilo* *Aliquid* possidemus, idque magni imò maximi pretij, cum nauem nostram eò referre possimus, unde prius proficiscebatur, & plenissimis velis nauigare, & secundissimis ventis cursum tenere, donec trajiciendo classem in Ophir, inueniamus, et auehamus aurum de Ophir? Quid enim aqua nostra nisi mare nostrum? Et quid apud philosophos Ophir, nisi aureus eorum cinis? Ophir enim apud eos cinerem significat, & aqua nostra mare dicitur propter amaritudinem, acuitatem, & naturam salisam & igneam. Et tamen non negant philosophi Solomonis nauium trajectionem verè factam, ad auferendum optimum de Ophir aurum, licet allegoricè & ænigmaticè imitari videantur talem navigationem. lubent ergo philosophi, ut coquamus *Hylsenæ*
 aquam maris leni igne, donec tabulæ confringantur, & inueniamus splendorem maris, ut loquitur

*mari**Lull.*

Tximini in turba. Æquivocatione autem nolo in
 conclusione lectorem benevolum fallere, qui veri-
 tatem & cognoscendi, & agendi philosophorum
 præcepta, prius verè docuerim. Quarè intelligen-
 dum quod mare nostrum propter maris nostri
 cum eo coniunctionem, aqua dicitur permanens,
 sed permanere non potest nostrum mare absq; suo
 mare, sed illius maris est fluxus, et refluxus, donec
 cum isto mare vnum fiat, et permaneat. Licet au-
 tem insipientes putant aquam nostram esse nubi-
 lem, legentes tamen, et intelligentes libros philoso-
 phorum sciunt utiq; permanentem. Quisquis de
 aqua maris nostri satis habet, non eget aceto alio,
 ad excitandum appetitum, non vino alio ad corro-
 borandum stomachum, non aquâ vitæ ad digerend-
 um cibum, nec argento vivo minerali ad deau-
 randa metalla, nec leone aliquo ad dilanianda, et
 devoranda corpora, nec aquila volante ad depre-
 hendendum corpus, donec cadauer à volatu eam
 retineat, nec deniq; spiritu vlllo philosophorum
 subtili, qui ascendat, et descendat, donec virtute æ-
 rea, et ignea totam terram animatam, splendidam,
 & tingentem perficiat. Sed migremus hinc, & non
 solam *Aliquid*, sed *Omnia* pertractemus, ut artifi-
 cem ab inscio distinguamus, & præclaram huius
 artis scientiam, singularem doctrinam, & sapienti-
 am admirabilem vberiore sermone persequamur
 in eorum usum, quorum aures non sunt clausæ ad
 sanam doctrinam, & *Omnia* relinquamus illis, & in
 salu.

Aliquid.


95

salutem eorum, qui dextram mihi porrigunt, & salutem mihi dicunt.

*Insta, ne cesses, aderunt post semina messes;
Post lachrymas risus, multus post semina fructus:
Atq; dat una dies quod totus denegat annus.*

OMNIA







OMNIA.

CAP. I.

*An Omnia sint in Omnibus? Quid sint,
& quid sibi velint, Omnia
in Omnibus?*



Non sum nescius, *Omnia* Philosophorum esse in *Omnibus*, atq; eorum *Omnia* in *Omnibus* esse vim illam prolificam, qua *Omnia* in *Omnibus* sapienter exquiruntur, constanter retinentur, & ab ævo in ævum conservantur secundum naturam. De qua re disputant latius Basilii Valentinus, & modernus ille doctissimus Philosophus Michael Potier, tam in regno minerali, quam animali, & vegetabili.

Ingenuè fateor, quòd cum librum Michaelis Philosophicè, & fideliter conscriptum, semel legissem, & vivam totius mysterij revelationem filijs sapientiæ per illum oblatam, cum illo percepissem, illico apud me statui, literas meas chartaceas igni

N

com-

committere. Sed vicit propositum meum societatibus ejusdem causæ cogitatio, quia ad extruendum Philosophorum ædificium liceret mihi saltem lapides & ligna colligere, quamvis structuram ipsam amplam, & magnificam Michaeli & alijs relinquerem. Liceret etiam mihi arcum meum intendere, eum sinuare, & etiam obuertere cum sagitta ex pharetra Philosophorum, in propositam, & objectam metam, sed Michaeli, non mihi, sagittam mere infigere. Inter cætera naturæ abdita, docuit Michael se potuisse facere tonitru deorsum tendens, & sonum edens horribilem, & peracutum; ita ut præ repente terrore periculum esset astantibus de vita eorum. Hoc sanè secretum satis benè notum est plerisque sapientiæ filijs: Et Haly de ventis Philosophorum figuratiuè loquens, ait, quòd quando eueluntur à suis locis, auditur sonus terribilis, & erit timor magnus. Verebar primò ne Michael docuisset etiam, quomodo inuenirent sapientiæ filij lapides dictos tonitruales, absq; tonitru, ita ut tonitru transiret absq; sono, & venti cum omni suo effectu absq; ullo strepitu: Sed tacitè & sapientè illud cum silentio præterire voluit. Sic cæteri Philosophi omnes, & viri boni scripserunt fortassis multa, eaq; & miranda, & credenda, ita tamen semper omnia, ut abdita omninò laterent indignos. Vna etiam voce, atque vno quasi ore, & consensu vno, sed diversis verbis convenerunt philosophi in vnum, ænigmaticè, & parabolicè, ut indigni, semper discentes, nunquàm discerent.

discerent. Sed quid mihi cum indignis? Vel quid mihi, hoc in loco, cum philosophorum consensu, et unitate? qui mecum decreverim eorum *Omnia* describere. Quare ad *Omnia* sermonis mei cursum dirigo, & lapidis in perfectionem concreti, *Omnia* pono in primo, medio, & ultimo gradu, donec ad summum peruenitur, in quo etiam sunt *Omnia*, quæ ad lapidem nostrum sunt necessaria, procreatione, perfectione, proiectione, & transmutatione certissima. *Rebis* est in opere philosophico pars prima. Secunda est *Elixir*, quod dicitur ab *E* & *Lixis*, quod est aqua; quia ex aqua ista *Omnia* fiunt. Tertia autem est *Tinctura*. In primo opere facimus nigrum. In secundo dealbamus nigrum. In tertio rubificamus album. Hos tres colores vocarunt Philosophi tres Soles in firmamento, habentes tres facies. Solem videlicet nigrum, Solem album, & Solem rubrum. In nigro philosophorum est hyems cum frigiditate, humiditate, & pluvijs; in dealbatione nigri est ver cum caliditate, humiditate, & floribus. In albedinis rubificatione est æstas cum caliditate, siccitate, & colore rubicundissimo. At verò quia,

Æstas non semper fuerit, componite nidos.

Nunc enim sequitur Autumnus, in quo colligendi sunt fructus. Transijt hyems, abiit imber, recessit nox, apparuerunt flores, adsunt fructus, & tempus advenit colligendi eos. Sed priusquàm ad perfectionem in colligendo fructus, & in gradu ultimo, & summo perveniatur, in quo lapis perficitur, *Omnia*

Transj.

Lud. puer.

in se continens, ad se necessaria. Quæri solet primò, An *Omnia* sint in omnibus? tū, quid sint? Et quid sibi velint *Omnia* in *Omnibus*? nos autē constantē affirmamus, & dicimus, *Omnia* esse in *Omnibus*, & *Omnia* in *Omnibus*, esse essentiam quintam in rebus *Omnibus*, quæ est ipsa vita, lux, & rerum omnium forma. (forma enim dat nomen & esse) Quid autem in *Omnibus* essentia, nisi esse entia? Et quid volunt in *Omnibus* entia, nisi ut eorum essentia propagetur (et si ita loqui liceat) perpetuetur? Hinc fit ut vnaqueq; res, formam suam in se habens specificam, consequatur certissimam à natura virtutem in operatione sua, secundum proprietatem ejusdem formæ ad propagandam formam talem, qualem ipsa res in se habet; et ipsa natura satis novit proprium, et certum modum suum, quo utitur ad introductionem formæ, dum agit in materiam cōvenientem. Est enim natura principium intrinsecum, efficiens, ut in rebus omnibus formæ suæ insint substantiales. Atq; hæc natura ubiq; est reperta, tam in paupere, quam in diuite, foras projicitur, pedibus conculcatur; sed tamen fons est operationum mirandarum. Hinc *Omnia* in *Omnibus*. Qui autem abortivi, imperfecti, vel leprosi sunt foetus, ad optatum suum finem non adhuc peruenerunt; nec sunt completi in esse suo naturali, nec in forma sua substantiali. Quapropter ope opus est, ut imperfecti perficiantur, et leprosi sanitatem consequantur in perfectionem à natura ordinatam. Et ob eam causam, au-
rum

rum vocârunt antiqui philosophi, Solem, et reliqua metalla, Planetas; quia metalla omnia in se tenebrosa, et obscura, illustrantur radijs auri, et ignobilia nobilitantur, et egena ab eo ditantur. Nam à Sole nostro reliqua obscura, et imperfecta metalla accipiunt mutuò tincturam auream, quia solus Sol noster dotatus est eo privilegio à natura, vt reliqua omnia metalla possit mutare in aurum. Atq; hoc modo negari non potest, plumbum, æs, stannum, et ferrum, in aurum, vel argentum converti posse, secundum fermentum, lapidi appositum. Illorum enim materia non adhuc completa est, vt in ignis examinatione permaneant, vel vt definitionem, et proprium auri obtineant, vel vt eius nomen, vel naturam vendicent, donec virtute formę fermenti appositi, in perfectionem informentur, et perficiantur. Tunc enim ab auro aliena non sunt, sed auri formâ, et naturâ, tam in manifesto, quàm in occulto nobilitantur. Qualis enim causa, talis effectus. Quapropter imperfecta metalla, quum complementum formæ suæ, fermenti beneficio, semel sunt consequuta, à forma auri non sunt aliena, nec avolant in fumum, sicut prius; sed habent suam permanentiam, fixationem, & puritatem, et fixa manent, sicut ipsum aurum, mutatione curis, et corticis, ipsius etiam medullæ pollutæ, et coinquinatæ in manifestum splendorem, et intimam munditiem, et virtutem ipsius auri.

CAP. 2.

Imperfecta metalla appetunt ultimam à natura ordinatam formam perfectam, & ad consequendam talem formam, sunt in motu suo, sicut infans in via ad rationem.

Nullo autem modo fiunt Omnia ex Omnibus licet Omnia sint in Omnibus. Ex quolibet ligno non fit Mercurius; nec ex quolibet fiunt Omnia, teste Aristotle, secundo physicorum, sed ex tali, & tunc omne tale additum tali, efficit illud tale, magis tale. Ex quolibet autem non fit quodlibet, sed determinatum ex determinato, & istud est, ex semine isto, & hoc ex hoc, ut dicit idem philosophus, vndecimo de animalibus. In solis autem corporibus Solis & Lune reperitur sulphur, & semen philosophorum, album scilicet, & rubrum, in quibus natura sagax continet semen suum. Sol & Luna duo sunt corpora perfecta, quod verò album est, minus est perfectum, rubrum autem consequutum est ultimum, & optimum terminum à natura ordinatum. Sed quia omne imperfectum appetit perfectius, ut ipsum quoque perfectius fiat, dicimus imperfecta semper esse in motu, vel saltem in appetitu motus, ad formam illam, ad quam à natura ultimò ordinata sunt, donec eandem cum forma possint

sint perfectionem consequi. Et tunc finem motui imponunt, in ultimo termino motus. Non autem in forma sua diuersat, & transitoria perficiuntur imperfecta metalla, sed imperfecta prorsus manent, donec perveniant ad formam *Pet. Fer.* auri. Interea sunt in via, in semita, & in fieri ad aurum, sicut infans in via, in semita, et in fieri ad perfectam rationem, potentiam scilicet, sed adhuc non actu. Non enim in pueritia, nec in adolescentia, sed in virili, et consistente ætate est perfectio, et fortitudo. Sic omne metallicum imperfectum, et quasi puerile corpus transit dispositione, et naturam suam à gradu, et statu humili, in gradum, et statum sublimem, ut tandem exeat debili formam suam, quam in medio viæ, et transitu invenit, eam possit induere formam, ad quam à natura est ordinatum. Et sicut in generatione infantis primò fit coitus, et resolutio seminis; postea conceptio, imprægnatio, ortus; et tandem infantis nutritio ad robur, et perfectionem: sic in lapidis nostri generatione, primò fit coitus, et solutio, in solutione conceptio, post conceptionem imprægnatio per commixtionem in putrefactione, post imprægnationem, ortus in perfecta albedine, et post ortum nutritio ad robur, et perfectionem in summa rubedine, sicut sanguis. Et sicut infans, licet infans, rationalis dici debet, quanquam nec in ipsa pueritia, nec in adolescentia perfecte ratiocinari potest, donec eruditione, et experientiam habitum consequutus fuerit rationis.

in

in virili, & perfectiore ætate; sic lapis noster philosophicus à solutione ad putrefactionem, à putrefactione ad ortum, ab ortu ad partum, & natiuitatem, vnum opus, ad vnum tendens finem dici debet, licet perfectionem suam in summo rubedinis colore non adhuc assequutus est, quia talem nutritione sua, & tempore debito assequitur perfectionem, quemadmodum etiam ipsa metalla semidigesta, qualia sunt Saturnus & Jupiter, vel potius Mercurius non coagulatus, quasi infantes, vel pueri à die in diem vegetant, & in melius vigent, donec perficiantur. Hoc certissimè notum, & exploratum est in mineris fieri, vbi docet indies experientia, quòd paucorum spatio annorum incomplerum metallum completur, & indigestum digeritur, nunc in argentum, nunc in aurum. Quantò autem magis, meliusq; hoc fieri potest operâ periti Artificis, non lis est sub iudice, cum post denudationem, solutionem, & liberationem materiæ à forma illa, sub qua erat, disponitur ad formam finalem, & perfectam à natura ordinatam. Etenim ordo, & status hic est talis in metallis successivus, qualis (vt prius dictum est) in infantibus: præcedunt enim dispositiones, et reales sequuntur habitus. Exempli gratiâ, dicimus cum omnibus alijs philosophis, quòd metallum actu adhuc frigidum, & siccum, melancholicum, acerbum, foetidum, & scæmineum, potentia, & in suo profundo disponitur in calidum, & humidum, æreum, sanguineum, croceum, dulce, odoriferum, & masculin-

masculinum : quia in vno metalla sunt *Omnia*, &
 metallum quod in vno latere phlegmaticum est, in
 altero est cholericum, & quod in vno aquicum, in
 altero est ignicum; Ideoq; inutari potest, & muta-
 tur à qualitate in qualitatem, & à statu in statum *Braceft.*
 appetitu naturali, & dispositione propriâ, sed sem-
 per in melius, nisi arte fiat retrogressio, & retrogra-
 datio. Dixit itaq; Anaxagoras *Omnia* metalla in
*Omni*bus esse, sed denominationem fieri à prædo-
 minante. Natura autem metalli vniuscuiusq; alia
 est occulta, alia manifesta; alia in profundo, alia in
 superficie; alia intus, alia foris, alia patens, atq; alia
 latens. Sed quemadmodum id quod patet non la-
 tet; sic adiutorio artis, id quod latet, patere potest.
 Quia (vt asserit philosophorum turba) in vnoquoq;
 metallo plures insunt species, & naturæ metallo-
 rum. Interiora auri sunt argentea, & argenti inte-
 riora, aurea. *Omnia* metalla sunt ita colligata, & in-
 ter se mutuò deuincta, vt quodlibet eorum mutari
 possit in actum, & visibilitatem secundum potenti-
 am secretam, & latentem dispositionem; etiam tam
 facilè mutatur, quam vnum elementum in aliud
 conuertitur. Quare disposito à natura metallo, vt
 informetur, sicut disponitur, si casu aliquo imperfe-
 ctum illud fiat, & non informetur, sicut à natura dis-
 ponitur, tunc vt perfectum reddatur, et determina-
 tum consequatur finem suum, artis ministerio o-
 pus est. Hermes itaq; ponebat circulationem in
 metallis, sicut in elementis; quia vt Tho. Aquinas *Aquin. in prin-*
 O *cipio 4. dist.* asserit,

asserit, metalla invicem transmutari possunt, quoniam naturalia sunt, et quia eorum materia est eadem; atque ea quæ ejusdem sunt materiæ, multò facilius quàm elementa, mutantur, quia (me Iudice) contraria non tam faciliè in contraria, quàm similia similibus et eadem ejusdem gaudentia, quæ ejusdem sunt materiæ, possunt mutari. Fateor corpora metallica, inter se differre, secundum sulphur ipsis inherens, adurens, vel simplex: remoto autem sulphure malo, et debili in aliquo imperfecto metallo, bona ejus mercurij substantia citò vertitur in aurum, et argentum vivum coagulatum à sulphure albo non vrente, factum purum argentum vi igneitatis, similiter non vrentis, faciliè et citò efficitur aurum. Omnis enim quantitas argenti vivi puri fit perfectio: Magna autem sulphuris vrentis quantitas fit infectio, et corruptio. Error, et ignorantia imperitorum, vel omnium abusus sophistarum non tollunt istius rei veritatem; Illi errant in radice, et in fine, fructus decerpere non possunt. Sapientum autem filij artem veram conficiendi lapidem norunt, & in certâ eorum scientiâ, non opinio, sed est ipsa rei veritas. Quapropter solent philosophi Alchymiam, in hunc, qui sequitur, modum definire. Alchymia scientia est, quâ metallorum principia, causas, proprietates, et passionες omnium radicitus cognoscuntur, ut quæ imperfecta, incompleta, mixta, et corrupta sunt; in verum aurum transmutentur. Testimonia veterum multis et certissimis argumen-

argumentis huius definitionis veritatem abundè probant. Et licet ænigmatibus, et figuris rem ipsam involuerint et obscurarint, hoc tamen, datâ industriâ, factum est, ut avaris et improbis viris, subiectum eorum ignotum, et intactum maneret. Itaque persistant in errore suo, qui per introductam rebus novam, et meliorem formam, de præexistente judicare non possunt. Isti negabunt aliquod imperfectum metallum in aurum posse transmutari, quamvis idem metallum post transmutationem suam reperiatur absq; superabundantia, aut defectu, acquisivisse ipsam formam, naturam, virtutem, proprietatem, ipsaq; accidentia ipsius auri purissimi, et perfectissimi.

CAP. 3.

*De fundamento artis non communicando reprobis,
& de potestate, & bonitate nature, ex
Philosophorum Chao dantis Om-
nia ad salutem, & pro-
pagationem.*

NON est certè aliud fundamentum artis, quam illud, quod est in sole, et ejus umbra; ex his sapientes præparant lapidem eorum Solarem, Lunarem, et Mercurialem. Mercurialis autem est *Azot*, id est, nostrum argentum vivum, quod non est illud ex mineris simpliciter tractum;

sed illud, quod per nos à corpore dissoluto, per argentum vivum est abstractum, quod tandem dicitur spiritus animatus, & aqua nostra solvens corpora, & eorum calces, & cadauera. Quapropter Sol noster, & Luna nostra, dicuntur duo pisces, nantes in aqua nostra, quæ quidem aqua, origo est metallorum, & medium jungendi tincturas. De hac autem aqua non loquuntur philosophi, dicentes, duo tantummodo accipimus elementa, aquam scilicet, & terram, in quibus virtualiter *Omnia*. Aqua enim aërem in se continet, & terra ignem. Sed de illa loquuntur dicentes, quando sperma Mercurij conjungitur cum terra corporis, dissolvitur in aquam spermatis, et fit aqua sine divisione una. Quare necesse est, ut ex Mercurio, & per Mercurium eliciatur substantia vinctuosa, aërea, in qua later spiritus quintæ essentię, quæ substantia vim habet corrumpendi aurum & in primam materiā transformandi, illudq; volatizandi, & spiritum faciendi: fumus enim albus leonem parit viridem, in cuius faucibus aves *Hermetis* nidum componunt suum. Fumus hic, spiritus est, & iste spiritus, extractor est animæ, & reformator totius operis, & *Omnia* quæ quærimus, sunt in eo. Hoc secretum est vita cuiuslibet rei, & est aqua. Fumus autem aquæ superior descendit ad inferiorem, & concipit fumus à fumo. Atq; hæc aqua diuina est res coelitus delapsa, & reductor est animæ ad corpus suum, & per eam vita est, & postea non erit mors. Seminate ergo aurum vestrum in terram suam, & cinerem, & terram in fundo

Rosinus.

Herm.

Senior.

fundo nè vilipendatis; Nā ipsum est Diadema cordis ^{Morienus.} vestri, & permanentium cinis. Quapropter dico, & cum Philosophis doceo, quod primum opus est, distillare à terra omnem suam humiditatem; secundum, reducere humidum super siccum suum; tertium, ultimum, & optimum, cum sicco humidum & cum humido siccum finaliter, & firmiter in novam creaturam coniungere; ita ut postea nunquā ^{Aros.} separari possint. Opus enim in vno incipit, & in alio terminatur. Incipit in crasso, terminatur in subtili, incipit in corruptibili, terminatur in incorruptibili, incipit in terrestri, terminatur in coelesti, incipit in elementis mutabilibus, terminatur in essentia quinta, immutabili, & permanente. Hoc certè dei optimi, maximi arcanum, reprobis non communicandum.

Si sapiens fore vis, tunc serva quæ tibi dico;

Quid loqueris, & ubi, de quo, cur, quomodo, quando.
Iohannes de Rupescissa non vidit nisi vnum probatissimum theologum, qui intelligeret quicquam ex secreto, & magisterio quintæ essentię. Benedicta certè hæc aqua, & verè coelestis (vti prius, in quærendo, & inveniendo *Aliquid*, dictum est) meritò dici debet, quæ per continuum descensum, & ascensum, vim habet superiorum, & inferiorum, & subtili sublimatione seperatur omninò à corruptione quatuor elementorum, & incorruptibilis ferè fit, sicut coelum, & natura coeli. Reducendo autem àquam nostram, & leonem nostrum viridem ad ra-

dicere arboris, ubi quasi in antro prius latebat, & refrigerando aquam illam in corpore suo, unde prius profluebat, perficimus artificio nostro veram, quintam, incorruptibilem essentiam, quæ omnes potest expellere superfluos, & nociuos humores de corporibus nostris, sanguinem purgare, vires humanas corroborare, dolores lenire, vulnera, ulcera, & infirmitates omnes sanare, & usque ad diem mortis à deo constitutum hominem sanum, fortem, & sapientem conservare. Aurum commune, & in crassitie sua clausum, talia, & tanta non operatur: Apertum verò & solutum emittit virtutem suam, & eius natura abundantè communicat alteri de virtute sua, & hoc aurum à Philosophis vocatur propter summam suam virtutem, in usum, & auxilium hominis *Aurum dei*. Ita enim se habet huius auri quinta essentia ratione corporis humani, & microcosmi vniuscuiusque, sicut ipsum cælum ratione macrocosmi, & totius mundi. Etenim imitando naturam per quoddam simile, propinquum, & connaturale, habemus *Omnia Philosophorum*, atque *Omnia possidemus*, quæ in naturæ potestate, virtute, et bonitate sita sunt. Quare Philosophi lapidem suum nuncuparunt nominibus omnium rerum, tam vegetabilium, quam animalium; quia omnium colorum varietas in lapide apparet; et quia omnia elementa in lapide continentur; et quia omnium rerum similitudines, proprietates, et virtutes sunt in eo; preciosorum quoque lapidum nobilitas, et celestium

Pistaggin tur-
bat.

lesum corporum, et spirituum imagines, et quia in omni re cum ipso operatur natura, et sine ipso nihil. Salve, veneranda natura, optima præpotentis dei creatura, quæ nobis hominibus, et in usum nostrum *Omnia* offers, et *Omnia* das abundè satis, plus quàm animus humanus, peccans, et peccatis abnoxius, exoptare possit, aut expectare debeat. *Omnia* enim philosophorum in cœlo, et à cœlo eorum; atq; hoc cœlum est purior pars purioris substantiæ in separatione elementorum, ab impuris elementis, scilicet superioris ab inferiore. Atq; hæc munda pars eorum mundi, seu microcosmi composita ex rariore aere, et densiore aqua, dicitur incorruptibilis, et nominatur superior mūdus, ab inferiore corruptibili segregatus, vniversalis est, quinta essentia, et naturalis forma, et verè natura dicitur, quia vinculo vnionis cupit connecti ad alterum, ex quo effectu omnis est causa generationis. Ecce ab incorruptibili philosophorum cœlo fabricata est eorum medicina, valens contrà corruptiones, et vna res simplex contrarios effectus producit in omnibus morbis, licet morbi sint contrarij, sicut idem sol contrarias operationes in desiccando lutum, et in liquificando ceram. Quapropter Individuum Rubrum reducatur in genus generalissimum, vt insigantur ei virtutes speciales, et vt vinversale nostrum cœlum attrahat sibi formam rubeam, magnetica quasi virtute, tunc cum cœlo concumbunt formæ, & è corpore naturali eliciuntur coelestes

virtu-

virtutes, affixæ in cœlo nostro, & seræ physicae reseratae sunt clauē philosophica; & deniq; particularis formæ, & individui cum vniuersali fit confusio & Chaos, vbi *Omnia*. Nunc etiam cœlum nostrum stellatum cœlesti calore suo, ad generationem valet, quia Sol in cœlo nostro omnium rerum est vegetatio, & conservatio, vitamq; & calorem inferioribus quodammodò inspirat lumine suo, & vitali quasi halitu suo. Quemadmodum enim sol cœlestis ille, qui à nonnullis dicitur cor cœli, mundi oculus, & speculum lucidissimum, omnes omnium cœlestium vires in se colligit, & eas per ejus ignea spiracula disseminare solet: sic certè Sol philosophicus in cœlo nostro (præsertim autem Sol auri, dicentis, Sol meus, & radij intimi mei sunt in me) ornatus videtur lumine, & calore, & splendore suo, & certè ornatus est maximis, imò omnibus cœlestibus virtutibus, quibus inferior mundus, ornatus, & beatus esse possit, ad salutem, & propagationem, tam metallorum, quam hominum.

CAP. 4.

*De Sole vero, & Philosophorum vino, natura
sanctuario, & ipsius auri domicilio,
Omnia ad aurum neces-
saria continente.*

QVæri autem solet quomodò hic Sol capi possit? Et dicimus cum Gratiano in Rosario Phil: de omni re potest fieri Cinis, & de illo Cinere sal, & de illo sale aqua, & de illa aqua fit Mercurius & de illo Mercurio per diversas operationes fit Sol. Iste Sol frater est Draconis, ubi soror est Luna; et frater & soror in vna aquâ submerguntur, quæ descendit in terram, vt fertilem reddat illam. Quemadmodum enim Sol in firmamento superiore dicitur Dominus omnium planetarum, & cor cœli, in medio cœli positum, respiciens sursum vsq; ad Saturnum, & deorsum vsq; ad Lunam, quia omnes planetæ ejus egent lumine: Sic etiam in Astronomia inferiore fieri solet, ubi Sol noster cōtinet aurum, non vulgi, sed philosophorum, quod in medio cœli nostri fixum respicit omnes alios planetas, & ijs lumen suum infundit, vt nitescant, & meliores, & nobiliores fiant, quam in seipsis esse possint, virtute & potentia Solis nostri, in quo vita & viriditas. Etenim noster Sol tinctura est rubedinis, transformans omne corpus, beneficio Solis no-

P

stri

stri dominantis inter planetas; sicut fermentum totam mensam convertit ad suam naturam. Eam ob causam dicimus (sicut prius) cum philosopho, Solem & ejus umbram esse totius artis fundamentum; & ex his duobus, pater Hermes confecit tincturam suam. In his enim fumus albus, aqua coelestis, Mercurius philosophorum, vis quinta, Leo viridis, æs Hermetis, aqua foetida, in qua *Omnia*; Morieno teste, & dicente, aqua hæc mater est omnium metallorum, ex quâ, per quam, & cum qua præparant philosophi ipsum Elixir in principio, & in fine. Hæc enim aqua ille est Mercurius, in quo inest quicquid sapientes quærent, & in eo est Sol noster, generatus ex Mercurio crudo, & coagulato, tanquam ex forma, & materia; à quibus verus extrahitur ille philosophorum Mercurius, qui tabernaculum est Solis nostri, sicut spermatis tabernaculum est sanguis, & sanguinis caro. Præparate ergo Mercurium, & ejus terrestrietatem, & aquam superfluum delete, & deponite, ut mediam ab illo separatam substantiam, siue naturam assequamini: Et coagulate eum cum ære, & extrahite ab eo menstruum maternum, & ab ære semen paternum, & fiet quod quæritis, quia dissolvetur corpus, & coagulabitur spiritus, & hæc duo in vnum coagulata detinent metallorum spiritum, omnem scilicet virtutem mineralem, Mercurium philosophorum, in quo Omnis natura metallorum, etiam ipsa anima, siue spiritus quintæ essentiae per magisterium nostrum quiescit.

Exercit. in turb.

escit. Quisquis nunc non norit imperfectum tingere metallum, & tingendum, in tingentis naturam transformare, ita ut postea tingentis, & tincti una natura permaneat in figente. Certè idoneus non est hujus philosophiæ discipulus, nedum filius. Spurius nec potest, nec debet apertis oculis suis contemplari, vel conspiciere Solem nostrum: filius autem artis, qui Solem nostrum rectè, & non oblique contemplatur, penetrat ipsum Solem, cœli scilicet nostri cor, unde *Omnia*, philosophorum vitam, vegetationem, atq; ipsam animationem infundentia, emanant, & profluunt.

Virginis aspectus penetrat sine vulnere corpus;

Cum cor, abstuleris, pus, dabis inde alijs.

Etenim noster Sol vivus, solaris corporis est Cor, et vitam *Omni*bus metallis inspirat, et ab illo est omnis tinctura in ære nostro; sulphuris etiam non vrentis, et æris nostri est pater, et concipere facit *Be*ram, cum agit in eam, nutrit, fovet, et auget lapidis vegetabile. In primâ inest materiâ, et in vltima perfectione perfectissimi metalli, terram facit proferre, et perficere fructus suos. Deniq; *Omnia* efficit in *Omni*bus; et non solum ipsa metalla, sed *Omnia* facit florescere, et pubescere; inferiori huic mûdo in omnibus spiracula vitæ diffundit; Omnes etiam vitæ virtutes *Omni*bus specierum individujs impertit, *Omnia* calore vivifico entia permeat; in *Omni*bus initium, et fons est, et *Omnes* ab eo fluunt rivuli, secundum ipsius fontis naturam, debitam for-

nam, et speciem in infinitum. Deniq; planetas *Omnes* regit pro libitu suo, et in cœlo nostro cursum suum celerem peragit, donec quinta essentia in aqua nostra philosophica virtutem suam summam in rebus *Omni*bus sit consequuta. Ad Solis enim aspectum *Omnes* *Omni*um cœlestium vires cōgregantur, et coalescunt in vnum, quæ per igneos radios et influentias suas disseminantur in mundum hunc inferiorem. Quapropter quæramus, et ab auro eliciamus secretum illud, ad conficiendum lapidem, potestatem habens omnia transmutandi metalla in aurum. Id certè *Aliquid* *Omnia* continet, quia generat, nutrit, et perficit Solare complementum. In eo enim insunt *Omnia*, ad aurum necessaria; *Omnia* (inquam) philosophorum necessaria, et *Omnia* in auri domicilio habitantia, et ad ipsissimum aurum pertinentia. Nam *Omnia* sunt in *Omni*bus, et vnaquæq; *Omni*um rerum forma specifica dat rebus seorsim *Omni*bus, vt sint, et dicantur. Redeamus itaq; ad essentiam, naturam, siue principium rei, quam quærimus, et in principio finem attingemus, et in fine principium inueniemus. *Omne* autem extraneum, et à re alienum, *Omnia* nostra inutilia reddit, et corrumpit. Similia verò similibus gaudent, et qui secum *Omnia* habet alieno auxilio nullatenus indiget. Quapropter vt *Omnia* assequamur, de quibus nunc disputamus, ingrediamur ipsius naturæ sanctuarium, et in penitioribus, et abditissimis, calorem vivificum excitemus, vt splendorem

Alorien.

rem, et spiritum, cuncta permeantem entia, vitamq;
 inspirantem, & propagantem capiamus, et ad ma-
 teriam aptam, et propinquissimam disponamus: Pro-
 ducemus tunc effectum re ipsa longè præstantiorē
 et potentiorē. Hæc autem vita, ceu splendor, et spi-
 ritus iste generativus latet in corporis sui semine, in
 quo Mercurius philosophorū, et naturæ vegetabile,
 tam in metallis, quàm in herbis. Mercurius iste,
 nostrum est argentum vivum, in quo est forma, con-
 tinens materiam totius, quo indigemus ad esse *Lul. Ars Intel-*
 naturale, secundum suam speciem in qua pro- *lect.*
 priè *Omnia* continentur. Quare cum differant me-
 tallis nisi decoctione, maiore, vel minore, aut sul-
 phuris adurentis mistione, studuerunt philosophi
 discernere radicale semen, et naturæ vegetabile ab
 ipso auro, et eius inducere lumen, et splendorem,
 pondus, et permanentiam imperfectis metallis.
 Atq; hinc transmutatio metallorum facile fieri po-
 test. In rebus enim confusis, et diversæ naturæ, scili-
 cet fugitivæ et fixæ, vel frigida, et calida, si res sint
 eiusdem generis metallici, vnum contrariū superat
 alterum, et ambo in unitate, et virtute eadem simul
 sine contrarietate tandem conquiescunt. Quàndiu
 autem spiritus vitæ otiosus manet in corpore suo,
 nihil prodest: solutus vero à vinculis corporeis li-
 berè virtutem suam potentem, & coelestem exerce-
 re, atq; alijs impertiri potest, per dulcem amorē in
 puro Mercurio, & per amplexum, & copulam sine
 separatione. Virtus hæc, essentia est realis, com-

posita ex duobus contrarijs differentiam distinctam habentibus: sicut differunt vir & foemina, agens & patiens, Vulcanus, & Minerua, sulphur & Mercurius, ignis & aqua, forma & materia, etiam aurum ipsum, & eius compar. Sit ergo solutio corporis, & analysis physica per elementorum dissidium, & discordiam, ita tamen, ut custodias argentum vivum, ne avolet spiritus in resolutione; sed ut veteri penitus exuta natura, nova, & multo nobilior exurgat, (conservata forma) ne pereat. Vincen-tem iam & triumphantem conspicias philosophorum Mercurium, in quo eorum *Omnia*; in quo etiam *Omnia* insunt metalla, qui etiam *Omnia* renovat, purgat, & perficit, quia *Omnia* in se continet, & ad aurum via est media, sicut phlegma ad sanguinem in corpore humano. Mas est, & foemina, Hermaphroditus, in quo generativus spiritus, & a quo seminaria virtus, adjuvans omnem naturam, defectu laborantem, reditu suo restaurans, & renovans primo cadaver suum, deinde omnia metallorum corpora in summam perfectionem, sicut ipse spiritus perfectus est, promptus, perens, & potens, sui simile, & sibi conforme corpus generare in homogeneis: formalis enim, et specifica virtus uniuscuiusque rei multo praestantiores, et potentiores praestat operationes post alterationem, digestionem, et eius sublimationem, quam vel ipsum corpus, vel eiusdem rei materia prius praestare poterat.

CAP.

CAP. 5.

*Quid sit natura, quid lapis factus Omnia in Omnibus,
quid quinta essentia metallica, quomodo separetur
à materia elementari & de inimicitia ele-
mentorum; que beneficio quinta essen-
tie, prius pugnantia, utrisq; (vs-
aiunt) vuluis pacem am-
plectuntur.*

Philosophi clamant, ut in opere philosophico naturam sequamur. Hæc autem natura nihil aliud est, quam vis quædam seminaria, à Deo optimo maximo rebus insita, ex similibus similia procreans, atq; hinc *Omnia in Omnibus*, atq; hinc Omnium rerum generatio, germinatio, vegetatio, et viriditas. Atq; hæc viriditas à philosophis benedicta dicitur, cunctas res germinare faciens. Qui viriditatem hanc vidit, Leonem illum viridem è cavernis suis exire coegit, exeuntem cepit, captum retinere, fouere, et nutrire potuit, donè aptus fieret ad coniunctionem, in coniunctione ad generationem, in generatione ad propagationem, augmentationem, et sui similis multiplicationem in infinitum. Etenim viridis iste Leo valdè fortis est, virtutem suam diffundens in vniversum, et rebus Omnibus dans suum esse, ipsis etiam metallis formam, quâ à reliquis differunt. Cùm enim imperfecta metalla, quasi imbecilles Leonis catulos in
finu

sinu suo gestent, senex, et fortis auri, perfectiq; metalli Leo, vigore suo illis fortitudinem, perfectionem, et splendorem permanentem infundit; impurum, corpus purum, imperfectum metallum, perfectum reddit, et terram splendore solis nitescere facit, eamq; ab impuritate, et tenebris suis secreto solis spiritu, et tinctura intimè purgat, renovat, et purificat. Itaq; lapis noster dicitur *Omnis* res, vel *Omnia*, quia habet in se, et de se Omnem rem necessariam de sua perfectione, cum Omnibus participat elementis, et ob eam causam non solum *Omnia* dicitur, sed apud Omnes, et in Omni loco, et in Omnibus reperitur. Omnibus etiam nominibus nominatur, propter naturæ suæ dignam, et mirabilem colorum varietatem. Vilissimus est per putrefactionem, et charissimus per virtutem; et clarissimus per splendorem. Hunc si extraxeris lapidem ab illa re, in qua invenitur, et circa ipsum inceperis operari ad perfectionem, incipiendo ubi natura desijt, invenies in eo perfectum, et gaudebis. Corpus enim perfectum, perficit imperfectum, et in subtili præparatione corporis perfecti, reperitur sulphur eius per nostrum magisterium supra terram, unde coagulatio fit Mercurij, et tinctura existens ex duobus, vel (vt nunc magis propriè dici potest) ex vna re sine mixtione alicuius rei extraneæ. Hinc *Omnia* quæ in nostro auro sunt, virtutem suam exerunt, & exercent, & omnia dura corpora (qualia sunt Mars & Venus) reti Vulcani subtilissimo

tilissimo ligant, & mollia, sicut aurum molle est, reddunt. Corpora autem mollia (qualia sunt Iupiter, Saturnus, & ipse Mercurius fugitivus) dura, & fixa faciunt; & omne corpus foedum, illustre, ut luceat splendore inenarrabili. Lapis enim noster in *Omnibus Omnia* factus, licet prius pars tantum fuit argenti vivi purissimi, crudi, & cocti, non in sua priore natura, aut substantia manentis, sed ex parte eius subtilissima extracti, ex parte, scilicet, patris & matris, Solis & Lunæ (vnde omnium liquibulum, & luminarium sunt Omnia) minima tamen eius pars mirabilis est res, quæ, teste Aristotele, *Omnia* in se habet, quæ quærimus, cui nihil addimus, nec diminuimus, nisi quod in sola præparatione superflua renovemus. Illa res materia est prima metallorum, substantia fumosa, humiditas vinctuosa, & lachryma clara, in qua habitat quinta essentia metallica, & medium iungendi tincturas; quia habet naturam sulphuris, & naturam argenti vivi. Est sanè hæc quinta essentia spiritus animæ mundi diffusus per partes corporeas, & elementales (secundum Marsilium Ficinum) & per se subsistens, differens ab omnibus elementis, & elementatis, tam in materia, quam in forma, tam in natura, quam in virtute; Et fumus vocatur rubeus, & à Iohanne de Rupefcissa, anima vini: Sed à philosophis antiquis, & Neotericis, aurum dicitur philosophorum. Hanc autem quintam essentiam, siue vinum rubrum, fumus albus, (qui dicitur lapidis spiritus) portat in

Arist.

Arist.

Demoger.

Q

ventre

ventre suo. Atq; hanc quintam essentiam, nec terra, nec aer, nec aqua, nec ignis potest corrumpere, sed incorruptibilis est, & separata à materia elementari; Ideòq; non actu, sed virtute, calida est, & sicca, vt ignis; nec calida, & humida, vt aer, qui corrumpitur; nec frigida & humida, vt aqua; nec frigida, et sicca, vt terra; sed simplex & separata à materia elementari; sanans (cum perfectè digeritur) omnes morbos frigidos, caliditate; morbos calidos, frigiditate; aquosos, terrestrietate; melancholicos, & terrestres, humiditate: Et tamen nec calida, nec frigida, nec humida, nec sicca est nostra quinta essentia, sed simpliciter *Omnia*, si ritè decoquatur & digeratur. Elementa inter se sponte sua non colunt amicitiam, neq; enim inter eorum appetitus, aliqua est consensio; discordia autem, & dissensio maxima. Aqua enim pugnat cum igne, vt eum extinguat: ignis cum terra, vt eam consumat: terra cum aqua, vt eam obsobeat: & aer cum omnibus alijs, vt ab eis avolare queat. Quòd autem in amicitiam, & familiaritatem coincidunt, & pacem, & concordiam amplectuntur, id certè beneficio quintæ essentiæ, siue spiritus vitæ, factum est, qui quidè spiritus medium est coniungendi, & est forte retinaculum, & arctissimum elementorum vinculum, ipsa inter se elementa pugnantia, idem nolle, atq; idem velle, efficiens. Ita vt postea, tanquam delecti, & dilecti ciues in eadem Civitate, dissidere non possint, cessante enim pug-

na, elementa remanent vnita, & pacata, & omnes
 eiuncturę sunt in vno subiecto. Cum autem ille vitę
 spiritus (prudentis operę artificis) a corpore suo ex-
 hauritur, statim a familiaritate, & amicitia rece-
 dunt elementa, adeoque intestinum ineunt bellum,
 ita vt totum corpus, in quo prius stabili cum ami-
 citia permanebant, alterationi, corruptioni, & mor-
 ti subiiciatur, adeoque in *Nihilum* nostrum rediga-
 tur. Summo autem cum gaudio facilis est reditus
 illius spiritus vitalis ad corpus suum, a quo prius
 profectus est tempore suo, ita vt postea invicem
 nullo modo vnquam separari, disiungivē possit.
 Hinc novum cœlum, & nova terra. Loquor phi-
 losophicē, de eorum, scilicet, cœlo, & eorum terra.

*Arist. de celo
 lib. I. cap. 13.*

CAP. 6.

*Omnia in Omnibus Philosophicē sumptum,
 refert nos ad Omnia in Omnibus
 theologicē dictum.*

S At scio, novi philosophorum cœli, novęq;
 terrę frequentē contemplationē, & assiduam
 meditationē etiam ipsis theologis maximam
 posse afferre vtilitatem. Docemur enim per me-
 tallorum renovationem, corpus nostrum animale,
 non posse consequi incorruptionem, donec, depo-
 nat corruptionem suam; nec immortalitem, donec
 mors absorpta sit in victoriam; nec spiritualitatem

I. Cor. 15.

Adami secundi, donec limus terræ *Adami* primi plenitudine deitatis carnem nostram sibi adaptantis, ad statum spiritualem informetur. Tunc verò gestabimus imaginem coelestis, sicut prius gestavimus imaginem terreni, quando corpus animale fiet corpus spirituale, & ignominiosum, excitabitur gloriosum, & infirmum, potens. Regnat enim, & regnabit Christus secundus Adam usque dum inimicos omnes pedibus suis subiecerit, ut Deus sit *Omnia in Omnibus*. Sed *Omnia in Omnibus* quoad Theologos non est hic narrandi, vel exponendi locus. In hoc tractatu veniam peto, ut philosophum agam; reservata mysterij tanti explicatione in aliud tempus opportunum. Interea certus sum, quod *Omnia in Omnibus* philosophicè sumptum refert nos, ad *Omnia in Omnibus* theologicè dictum; scilicet ad Deum rerum Omnium præpotentem Creatorem in quo, & à quo sunt *Omnia*, & quod solus Deus erit reverà *Omnia in Omnibus*, cum Christus Iesus *Omnia* regna sursum reddet Deo patri, qui prius subiecit *Omnia* sub pedes filij. *Omnia* enim Christo prius erant subjecta, ut Deus pater *Omnia in Omnibus* in victore filio triumpharet. Itaque breviter in piorum consolationem paululum relictâ obscuriore, & obliquiore philosophorum semita, & cum ipsis theologis ambulans in recta professionis, & prædicationis Episcopi Catholici via, dico, quod gloria patris prius posita erat in dominatione filij, debellando hostes, tollendo peccata, ipsum

Satanam priuando potestate sua, ipsam etiam mortem penitus abolendo: Cum verò ipse filius subicietur ei, qui subiecit ipsi Omnia, ut Deus sit *Omnia* in *Omnibus*; tunc plena & completa erit Dei gloria in filio suo, & filij ipsius gloria in membris suis capiti adjunctis, in ultimo illo, post resurrectionem carnis, die. Etenim in illo die Omnia ad Deum tanquam vnicum suum principium & finem reducuntur, ut Deus solus sit *Omnia* in *Omnibus*, quatenus ipse Christus cum sua Ecclesia vnum corpus constituat, quod feliciter, & perpetuò fruatur contemplatione dei. Nam Christus ecclesie suae caput corpori suo dabit Omnia in Deo, qui *Omnia* erit in *Omnibus*, ut fideles, & electi satientur, lætentur, & ditentur præsencia Dei, & in Deo Omnia bona possideant singuli. Erit enim Deus in vnoquoque, patientia, sicut in *Iob*: obedientia, ut in *Abraham*; mansuetudo, ut in *Mose*; virginitas, ut in *Daniele*; sapientia, ut in *Solomone*; & Omnia dona, quæ nunc diuisa sunt electis, tunc possidebunt singuli, in eo, & per eum, qui *Omnia* erit in *Omnibus*; quia quicquid amari, vel appeti possit, tunc electi possidebunt in Deo, causaliter, obiectivè, & fructivè.

Haymo.

Omne bonum, summumq; bonum, mercesq; bonorum.

Illa Dei in cælis confert tibi visio sola.

Est ibi solennis, iucunda, diesq; perennis,

Gloria, laus, requies, amor, & concordia dulcis,

Pax, pietas, bonitas, lux, virtus, splendor, honestas.

Nil ibi deficiet. Deus omnibus omnia fiet.

Q. 3

In:

Tuscul. Quest.

In cuius rei meditatione, in præsentiarum lubens acquiesco, expectans illam cum electis omnibus beatitudinem, & gloriam, quam præparavit Deus diligentibus ipsum. Etiam non spirans, in sepulchro sperabo tamen in verbo illius, qui per Prophetam dixit, Ero Deus tuus. Interim redeamus ad philosophiam nostram, quæ (Cicerone teste) nos primum ad Deorum cultum, deinde ad jus hominum erudit, eademq; ab animo, tanquam ab oculis caliginem ita dispulit, ut omnia supera, infera, prima, ultima, media videremus. Præpotens certè, & præclara, imò divina est illa philosophia, quæ virtutum omnium in terrenis est disciplina, & in cœlestibus constans, fortis, & non periturus Iudex. Intenti autè & omnimodò propensi simus ad rem quæ iudex noster philosophicus, præsertim in divinis ostendit; tunc enim illud sequemur, & fideliter agemus, quod & hominibus, & angelis, & ipsi Deo placere possit. Plumbeus in suis physicis sit ille philosophus, & Sarranæ miser tradendus, qui fide relictâ, & despectâ, rationi omninò innititur, & de rebus planè divinis, & ad salutem animæ pertinentibus, philosophicè cum ratione, & nō theologicè cum fide disputat; qui naturam ducem semper in omnibus sequitur, donec cum ratione insanire videatur. Miser iste non novit, quòd à Deo univscuiusq; rei, ipsius etiam naturæ proficiscatur initium. Ideòq; prorsus ignorat, quomodò quis perveniat ad summum suum bonum. Essentia verò rerum nostra, agens fortissimum,

mun, forma simplex, & splendida, non solum intellectum humanum aperit, & rationem nostram promover, sed etiam nos ad ipsum Deum, in luce æterna habitantem manuducit, ut intelligamus cœlestia ipsa in terrestribus, secundum magis, & minus esse effigiata. *Otreb.* Quantum enim unaquæq; res habet in se luminis, tantum habet et numinis. A lumine bonum nomen, A numine bonum omen. Dixerunt ergo philosophi, Omnia plena Dijs esse; & Poeta, — *Iovis omnia plena.*

Neque enim quicquam divino auxilio viduam *Corn. Agrip.* eum, sui naturâ potest consistere. Sicut enim sub lato Sole, cuncta statim tenebris includuntur: sic *Otreb.* cœlesti igne, qui omnia fovet, et conservat, extincto, unaquæq; res statim flaccescit et emoritur.

CAP. 7.

Vnde petenda est metallorum quinta essentia, per similitudinem, Medium Paradisi, nominata, ubi sapientum medicina præstantissima.

Essentia nostra quinta, ornata Sole nostro, infundit rebus virtutem cœli, & Solis nostri, hoc est, vitæ conservationem, humidi radicalis restorationem, et ipsius juventutis renovationem. Hæc autem essentia quinta ab auro petenda est, quia illud solum à corruptione defendit, quod non corrumpitur, et illud solum diu cōservat, quod conservatur. Aurum, nec aer potest corrumpere, nec

nec terra putrefacere, nec aqua diluere, nec ignis consumere, sed durable est in omne ævum, quia in æqualitate sua seipsum conseruat. Quare si occulta ejus virtus fiat manifesta, potest non modò metallica, sed etiam humana corpora ad elementorum concordiam, et æqualitatem reducere in sanitatem. Nostra enim quinta essentia generata est virtute Solis nostri, et recipit Solis virtutem, et à Sole substantiam quasi incorruptibilem, et nobis infundit calorem, naturam, et virtutem suam, quæ quam

V I T

magna sit, bene nouit, qui visitauit interiora terræ
 R I O L V
 rectificando inueniens occultum lapidem, veram
 M

medicinam. Nam in vitriolo nostro (cujus literæ dissectæ in verba superius prolata docent visitationem interiorum) omnes omnium rerum, quæ sunt in mundo virtutes infiguntur, et imprimuntur. Quare vocatur lapis noster, minor mundus, in quo vegetabile, animale, et minerale. Itaq; visitabis interiora terræ, &c. Et tamen non dicimus medicinam hanc omninò incorruptibilem, sed quia genita est ex materia, et re, non simpliciter, sed comparatiuè incorruptibili; dicimus eam prorsus simplicem esse ex separatione omnium elementorum, non manibus, sed regimine suo, iterum elementa componente, et in vnum reducete, ad naturam excellentem, et virtutem planè coelestem, et ob eam causam pos-

se diu servare corpus humanum incorruptum & in vigore suo, protrahendo vitam, & augendo vires, tam in juvenibus, ut radicale humidum, & calidum innatum conservetur; quam in senibus, ut amissum restauretur, & ipsa quasi juvenus, quoad salutem & sanitatem illis restituarur. Atq; hoc modo licebat, & adhuc licet viris, sapientiâ, & Dei optimi maximi gratiâ præditis, decerpere, & gustare fructus ligni vitæ in medio horti Paradisi nostri crescentis; sed non ad immortalitatem, ad terminum tamen à Deo positum, quem præterire non licet. Deus enim vitæ nostræ curriculo certum terminum, & veluti cancellos quosdam circumdedit, quos nullo modo transilire possumus. Neq; enim nefas est, medium intrinsecum, & absconditum nostrum, medium Paradisi per similitudinem nominare, quia in utrisq; salus, & vita, sed non tota, nec tanta. Primis patribus ad multiplicandum genus suum est concessa vita longa, at proximi propter peccata longius à Deo, & à vita longa sunt remoti, quia expulsi non solum à Paradiso, & privati ligno vitæ; sed in tenebris, & ignorantia versati lignum nostrum vitæ in medio Paradisi nostri non norunt, nec intellexerunt. Adam autem plenus scientiâ, & plenus sapientiâ, plenus erat dierum, & patres antiqui coram Deo, tanquam amici Dei ambulantes, & viri facti sapientes, diu vivebant, & post eos docti, & boni viri ab illis edocti, invenerunt medicinam, quam vocarunt comparatione, & respectu re-

R

tum

rum corruptibilem, incorruptibilem; quam tanquam ex medio Paradisi, ex subtilissima, & simplicissima perfectissimi metalli cōfecerunt substantia, in qua radicalis humiditas intrinsecus diffusa per partes elementales incorruptibilis videretur; quia simplex, & à coelo, à quo nō subito, sed per mille annorum spatium, virtutem suam, vim, & vitam, quasi perpetuam acquisiverat. Atq; hæc est sapientum medicina, genita ex re efficaciore, & incorruptibiliore, quæ in mundo existit. Aurum commune, (ve prius dictum est) & in crassitie sua clausum, talia, & tanta non operatur; solum emittit virtutem suam, & eius natura abundanter communicat alteri de virtute sua. Vires enim coelestes à coelo in terram auri fluebant, & terra coelestes operationes optimè, & subtilissimè recepit, atq; has philosophi in lucem producere contendunt, removens terretatem, & densitatem metalli, & reducentes illud in primam simplicitatem, quæ post veram decoctionem, tantam vim ostendit, ut quasi subito humana corpora immutare, & ea ad veram sanitatem reducere possit.

Ars solet hæc dominum sæpè iuvare suum.

Medicinas alias ex vegetabilibus non vitupero, habent suas virtutes, & saluti conducunt, aliquando tamen fallunt, nec omni complexioni subserviunt, vim habent expulsivam superflui, & nocivi; sed deficiunt in renovatione, & restauratione salutis, nisi per accidens id fiat, idq; aliquando. Non enim semper,

per, & simpliciter per se, & ex certa medicinæ illius natura illud fit; quemadmodum in medicina nostra fieri solet, quæ non modò removet nociua, sed renovat ad salutem necessaria. Mouet enim elementa, & in motu vivificat ea, et in actum ea producit, ita ut nova quædam naturalis vita videatur realiter vegetare. Et hoc modo dicunt philosophi, quòd individuum illud, quod nunquam passum sit intemperiem, vel inæqualem mixturem, omnem ægritudinem depellit, ex intemperie, et minus iustâ primarum qualitatum proportionem ortâ. Medicina vegetabilis (nisi Chymicè sit confecta) multa, (ut vocant) continet simplicia, in quibus ægrotus queritur, Quantum! medicina verò mineralis, una res est, simplex, pura, potens, in qua queritur, Quale! sed Quantum illud, spe tantum expectat, quod Quale nostrum re perficit. Medicina hæc, non sicut illa, corruptibilis, quia vitalis; non materialis cum terra, quia formalis, et essentialis cum omnium elementorum æquali, et purissima mixtione; non evaporabilis, quia fixa; non separabilis, quia solida; non dissolubilis, quia firma; nec immatura, vel cruda, quia perfectissimè digesta ex compositione, quæ nullo modo separari, disiungere potest; quæ non solum expuit, et expellit impurum in metallis ægris, ut ea transmutet, sed nocivum in corpore humano egroto, ut illud ita reformare, et renovare possit, ut mens sit sana in corpore sano. Itaque medicina nostra vocatur *filium ignis*, imò rex ex igne proveniens, cui,

R 2 sicut

sicut obedientes subditi, subjiciuntur Omnia metalla. Metalla enim omnia regi nostro subserviunt, et rex noster omnia illa, quæ vult, in statum suum regium, splendidum et sublimem extollit. In primis autem cavendum est, ut noster *filius ignis*, nec leprosum habeat patrem, nec leprosam matrem, tunc enim filius quoque leprosus erit, et opus erit leprosum. Sed purior et pinguior pars puri patris cum matre pura, purum, et præclarum generat filium. *Iob.* Quis autem potest facere purum, de impuro conceptum semine? Nihil dat, quod non habet, nec unquam in re aliqua invenitur, quod in ea non est. Quare quærendum mundum semen à corpore mundo, cuius complexio sit æqualis, et temperata, nec calida, nec frigida, nec humida, nec sicca, sed *Omnia*, ubi nostra *Ælia*, ignis scilicet filia, Solis essentia, et vitæ virtus invisibilis, clarissimo amicta lumine, influxu suo dat *Omnia*, quia de ea prædicantur *Omnia*, sicut de natura, et ipsa etiam prædicatur de *Omni*bus, sicut natura. Vnum enim est totum, (ut rectè asserit Nicolaus Bernardus in ænigmaticum illud epitaphium de *Ælia Lelia*) ob quod sunt *Omnia*, et si totum non haberet totum, nihil esset totum. *Ælia* autem nostra tota est in toto, et tota in qualibet parte, in perfectis perfecta, in imperfectis imperfecta, quia versipellis, et conversiva, secundum patris, et matris formam essentialem. Quapropter *Pf. 12.* in memoriam revocate dictum *Davidis*; Eloquia domini, eloquia pura, sicut argentum igne examinatum.

tum, purgatum sepius; Et Mercurium nostrum ab omni sorde purgate, ut transmutari possit in corpus, & sulphur nostrum vivum ad primam materiam reducite, ut omnino spirituale fiat.

CAP. 8.

De occulta rerum virtute, qua sit, & unde proficiatur; & de distincta proprietatis, & qualitatis differentia.

Nihil (ut inquit Aristoteles) est in intellectu, quod non prius fuerit sub sensu. Quare ex apparente & manifestâ rerum figurâ, de occulta & invisibili rerum forma decernimus & iudicamus. Quod enim oculis nostris obijcitur, de eo statim sententiam ferimus, & illi nomen suum proprium imponimus; rem autem ipsam, quæ vitæ et vegetationis radix est, non videmus. Neq; enim occultæ in rebus formæ, et formarû proprietates ab elementalibus sunt naturâ, sed cœlitus rebus insitæ, et à spiritu mundi per ipsos stellarum radios, (ut loquuntur philosophi) nutu dei proficiuntur; et à nobis non aliter quàm experientiâ, et coniecturis comprehendi possunt. Talis est virtus illa in Magnete attrahente ferrum; et vicissim illa in Adamante impediens Magnetem, nè ferrum attrahat. Virtutes illas, siue sympatheticas, siue antipatheticas, vocant philosophi divinas, et a Deo in res diffusas;

De arsit. Ficin.
lib. de tripl. vita.

atq; has ipsarum rerum vitam, five animam dixerunt. Sed nos non de tali rerum virtute, seu vita, nunc disputamus, qualem in Magnete invenimus; sed de tali sit sermo, qualem in Magnesia nostrâ, et Omnibus alijs naturatis, et generativis rebus scimus. Virtus enim illa sic se habet respectu quatuor qualitarum, ex quibus corpora sunt composita, sicut se habet cœlum respectu quatuor elementorum. Cœlum autem vocarunt philosophi quintam essentiam, quia incorruptibilis est, et immutabilis sicut cœlum. Quinta verò essentia spiritus est animæ mundi, diffusus per partes corporeas, & elementales. Quam quidem essentiam, Iohannes de Rupescissa appellavit vinum nostrum, vini animam, & aurum philosophorum. Quinta hæc essentia elementum non est, nec elementalem habet qualitatem actu, sed virtute; actu enim (sicut superius dictum est) non est calida, & sicca, ut ignis, quia infrigidat, & morbos sanat frigidos; nec actu est humida, & frigida sicut aqua, repugnat enim elementari aquæ, & calefacit; nec actu est calida, & humida sicut aer, non enim corruptionem alijs inferre, vel ipsa corrumpi potest; nec actu est sicca, & frigida sicut terra, quia acuit, & calefacit. Quapropter meritò dicatur *Omnia in Omnibus*, quia omnia corpora in esse suo, humana præsertim, ab omni corruptione, si ea rectè utamur, diutissimè conservat. Et ob eam rem dicitur *cœlum humanum*, ab altissimo creatum ad conservationem quatuor qualitarum humani

humani corporis, sicut cœlum cœleste ad conser-
vationem totius vniversi. Quinta hæc essentia à
philosophis nuncupatur spiritus, & conseruatius,
et generatius virtutem in se habens seminariam,
atq; hanc virtutem potenter, & abundanter in per-
fectissimi metalli corpore, latentem & incarcera-
tam dixerunt. Quare contenderunt illam secernere,
& segregare à corpore suo, vt illius spiritu corpus
imperfectum in perfectum transmutarent. Etenim
per hunc spiritum mouentem res omnes, omnis
occulta rerum omnium proprietates, & virtus pro-
pagatur, et rebus homogeneis infunditur, nec repe-
ritur aliquid in toto mundo, quod istius spiritus
scintilla, et virtute careat. Sicut enim animæ nostre
vires per spiritum nostrum membris adhibentur; sic
virtus animæ mundi per spiritum quintæ essentiæ
seorsim dilatur per *Omnia*. Quare spiritus ille ne-
cessariò requiritur tanquam medium, quo animæ
cœlestes corporibus insint crassioribus, et illis miri-
ficas dotes largiatur. Spiritus ille quoddam quin-
tum est super elementa, et præter elementa subsi-
stens, et tamen nec anima est, nec corpus, sed excel-
lens inter vtrumq; medium, quod sit quasi non cor-
pus, sed quasi iam anima, sive quasi non anima, et
quasi iam corpus, quo medio anima corpori con-
nectatur. Atq; spiritus ille, siue quinta essentia, res
est vna à Deo creata, subiectum omnis mirabilita-
tis, quæ actu animalis, vegetalis, et mineralis est, v-
biq; reperta, à paucissimis cognita, à nullis suo pro-
prio

prio nomine expressa; sed innumeris figuris, et ænigmatibus velata, sine qua neq; Alchymia, neq; natura possunt suum architectonicū finem attingere. Attingunt autem qui corpora præparant, et per aquam solvunt in aquam, ut ex illa aqua imbibant ablutos spiritus; tunc enim ipsi spiritus submerguntur in corporibus, et corpora in spiritibus, et sic *Dantius.* figuntur spiritus firmissima fixatione. Hoc autem unum memoriæ sæpius commendemus, et ante oculos nostros semper ponamus, quod unaquæq; res movet ad sui simile; et Omnis natura sui est rapax, et inclinat semper ad seipsam, tam in proprietate, in qua est occulta virtus; quam in qualitate, in qua est virtus elementalis. Et licet virtus utraq; eadem videatur, tamen eadem non est. Non enim (ut prius diximus) proprietates in rebus occultæ ab elementali natura procedunt, sed cœlitus sunt rebus insitæ, & à spiritu mundi per ipsos stellarum radios nutu Dei proficiscuntur, & à nobis non aliter quam experientiâ, & conjecturis possunt indagari. Ex quo fit, ut animantia sensibilia virtute spiritus occulti, transmutent cibum suum non in herbam, vel plantam quam comedunt, sed in ipsissimam carnem sensibilem: quia omnis virtus siue rebus insit per naturâ, siue per artem, semper movet ad idem, spiritus ad spiritum, ignis ad ignem, & aqua ad aquam. Sed operanti aliquid ea proprietas semper querenda est quam novimus huiusmodi rei inesse. Proinde Medici ex cervorum, & unicornis cornu,

ex viperis, serpentibus, & his similibus Medicinas
 sæpius excellentissimas conficiunt; quia illa anima-
 lia longæua, ad vitam conferunt longævam; & ha-
 rentia in se virtutem renovativam, conferunt ad
 corporis nostri renovationem, & juventutis resti-
 tionem. Quare proprietates sunt de essentia rei,
 & qualis res est, talis rei proprietas: Sed qualitates
 rerum sunt de composito, & per accidens aliquan-
 dō variantur secundum earum complexiones, ut in
 eodem semper statu non permaneant.

*Est occulta rei virtus quæ rem facit esse,
 Ast elementa rei qualiter esse dabunt.
 Terra melancholicis, Aqua confertur pituita,
 Aer sanguineis, Ignea vis cholera.*

CAP. 9.

*Brevis repetitio totius artis, ubi natura digerit,
 quod ars subtiliauit, & elementa in vi-
 cem conversa generant lapi-
 dem, alia imperfecta
 corpora conti-
 nentem.*

EX Philosophorum scriptis, didici (cooperan-
 te Dei benedictis gratia) scribere, quæ scri-
 bo, proponere & firmissimè concludere,
 quæ concludo, Omnia in veritate. Qui verus est, &
 ipsa veritas, novit, quòd veritatem dixi. Et licèt ni-

S

hil

hil dictum, quod non dictum sit prius, tamen ex scriptis meis liquidò apparet, quòd nihil in componendo lapide lateret, quod non nunc apertè pater. Peto ut mihi ignoscant benevoli, si apertius fortasè, quàm par erat, sæpius repetendo, & inculcando rei veritatem, rem ipsam acu tetigerim. In gratiam, & eruditionem eorum hoc à me expeditum est, ut qui filij sunt artis, non in tenebris semper versentur, nec in ignotis mysteriorum figuris captivi detineantur. Et licet aliquandò idem, & iisdem & diuersis verbis scripsisse, & repetijse videar, hoc tamen dictum & factum (datà operâ) putet bonus, & benevolus lector, ut ita se res habeat cum nostris filiis, quæ admodum cum illis, qui in eodem speculo diversimodè transverso, eundem faciei vultum sæpius inuentur, & contemplantur, ne illius obliviscantur. Nemo autè iudicet ex scriptis meis posse me philosophorum Lapidem componere. Nomen non arrogo tantum. Scripti veniam quæro, non lapidis gloriâ. Sed si placeret sapientissimo potentissimoq; regi nostro Iacobo (cujus Majestati semper sit benè Amen.) gratiosè philosophiæ filijs veniâ indulgere, non obstante statuto contra auri multiplicationem edito, tentarent proculdubiò boni viri adhuc sub silentio secretiores, an scientia eorum responderet rei veritati, aut rei veritas superaret scientiam. Rerum investigatio jucundissima est, & in laboratorio sine tædio experientia. Sed (rebus sic stantibus) benè vixit, qui benè latuit. Utinam sophistæ fingentes
&

& non facientes, quando metallum aliquod examinatione improbum & fucatum divendunt, vel ipsa morte multandi essent. Veritatis scientiâ gaudent viri boni, nolunt autem praxi & experienciâ suâ co- ulq; progredi, ut libertatem & vitam, aliorum exponant voluntati.

Sed eò revertamur unde digressi sumus. A *Nihilo*, non fit transitus ad *Omnia*, nisi per *Aliquid*, nec à nigro ad Citrinum, nisi per albedinem, atq; hoc est quod voluere Philosophi, dicentes, Aurum esse non potest, nisi quod prius fuit argentum. Natura non facit saltum, neq; enim pervenitur ad extrema nisi per media. Corruptatur ergò Citrinum, & nigrum fiat, & post nigredinem conspicietis albedinem, & post albedinem summam Citrinitatem. Sic solent philosophi aurum in plumbum, & plumbum in argentum convertere, ut postea argentum in aurum viuacissimum convertatur. Nam sulphur non vrens album ad argentum, per maiorem digestionem fit sulphur rubeum ad aurum, quia in Citrinitate est completa digestio, sicut in albedine plumbi nigredinis ablutio, & ablatio. Talem digestionem & maturationem naturaliter invenimus in nobismetipsis: surgentes enim manè videmus urinam nostram albam, & iudicamus nos non satis dormiuisse; reponimus igitur nos ad dormiendum & accepto somno urina fit Citrina, sed nullo alio modo nisi per caloris naturalis digestionem. Sequamur naturam, si ars decoquat, digeret natura;

Richardus
Anglus.

lib. de Merc.
cap. 5.

si ars subtiliet, perficiet natura; si ars juvet, operabitur natura in maturitatem igne suo naturali. Atque isto modo in regimine corpora fiunt incorporea, & incorporea, corpora, sed in complemento omnia fiunt vnum corpus, & totum corpus fit spirituale fixum. Quapropter jubet *Raymundus*, ut exuberemus Mercurium cum humore corporis præparati per ingenium naturæ, quia res præparata dabit nobis rem præparatam; & talis (inquit) sicut fuerit præparatio, talis erit perfectio; & qualis fuerit perfectio, tale ostendit in sua projectione super quodlibet corporum imperfectorum, & super Mercurium vulgarem. Hucusque *Raymundus*, breuiter, sed nemo plenius, nemo planius. Negari certè non potest, idem accidere metallis, quod eorum accidere potest elementis. Elementa autem invicem mutantur, ergo & metalla mutari possunt. Metalla enim convenientia in materia, quæ est argentum vivum, ostendunt se differre solum in maiore, vel minore decoctione: ex quo fit, ut sulphure non vrente agente ad generationem, ita ut forma auri detur materiæ argenti vivi, ipsum argentum vivum statim transmutetur, virtute talis formæ in splendidissimum, & perfectissimum aurum. Interea verò non dicimus, quòd Alchymia ipsa producit aurum, sed medicinam quandam producit, quæ argentum vivum subito coagulat, & perficit in verum solificum, quia in projectione sua tribuit argento vivo omnes proprietates, passiones, & operationes, quas habet perfectissimum.

perfectissimum aurum. Iubent ergò philosophi, ut convertamus elementa, & inveniemus, quod quærimus. Quærimus autem lapidem; convertite elementa, & lapidem convertentem alia corpora invenietis. Sed quo modo convertuntur elementa? respondeo;faciendo humidum,siccum; frigidum,calidum; & fugiens,fixum. Circulatione autem ignis, & aquæ, contrariorum fit amicitia; & post dubiam & difficilem pugnam, fricando manus inter se conveniunt, quandò conterendo coquendo, solvendo, coagulando, sublimando, calcimando, dealbando, & tingendo vnum fiunt, sicut regimen eorum vnum est, vna decoctio, vna coniunctio, atq; vna mundatio, absq; manibus, donèc vnus fiat color, et res vna. In nullis autem contrariorum complexionum qualitatibus acquiescit natura sed semper est in motu, donec in auro, in quo est ultimus appetitus formæ, et materiæ in æquali mixtione, frigiditatis, caliditatis, humiditatis, et siccitatis, possit acquiescere. Sed in alijs metallis non acquiescit natura, sed agit, & patitur secundum magis, & minus, & ob eam causam imperfecta, & incompleta in ipsius auri naturam citissimè mutantur periti artificis ope, cum ad æqualitatem temperamenti vnà cum auro perducuntur ad æqualitatem elementorum in æquali commixtione, qua elementum terræ claudit elementum aquæ, & elementum aquæ elementum æ-

ris, & elementum aeris, elementum ignis. Sunt enim secundum prædominantia elementa quatuor complexiones, & in illis quatuor colores: primò in dissolutione est ingredo terrea, in complexione melancholica; tùm postea in reductione, albedo aquea in complexione phlegmatica; in fixatione Citrinatio aerea, in complexione sanguinea; in Citrinatione autem concluditur rubedo ignea, in complexione cholericæ. Vel vice versa, à superiore elemento ignis gradatim ad inferiora possumus descendere. Rubedo enim solis non est aliud nisi intensa Citrinitas, & Citrinitas ex albo, & rubeo, non est aliud nisi absoluta albedo, & albedo non est aliud nisi mundificata nigredo. Atq; in hac catena aurea fortiter retinentur lapidis nostri colores proprii ab intrinseca mixtione, operatione, & digestionem elementalibus. Pro adiutorio autem filiorum artis dico, quòd in ipsa prima præparatione, si quis rectè inceperit, & ritè progressus fuerit, habebit in lapide *Rebis* facto, ignem devorantem, & citò, imò subito destruentem centum sui generis. Et qui tale quid in præparatione invenerit, quale quid (quæso) expectet in perfectione, & in proiectione, cum tandem lapis perficitur? Nonne ex herba virescente, præsentire possumus, quanta sit messis futura? Nonne consuetudo, & temporis diuturnitas Miloni vires afferre potuere, non solum ad vitulum, sed etiam ad prouectum bovem sustinendum? Vos autem qui copiosam expectatis messem, velim

lim vt accipiatis duos lapides, quos ignis non destruat, lapidem scilicet *volatilem*, & lapidem *fixum*, & sitis securi (si sciatis eorum regimen) quod demum apparebit Citrinitas, quæ est albi & rubei coniunctio in purissimis.

CON.



1841
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1841.

1842
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1842.

1843
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1843.

1844
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1844.

1845
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1845.

1846
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1846.

1847
The following is a list of the
names of the persons who
were present at the
meeting of the
Board of Directors
of the
Company
held on the
10th day of
January 1847.



CONCLUSIO.

De exaltatione lapidis, transformantis imperfecta metallorum corpora in perfectionem, & referentis in resurrectionis die beatum, & gloriosum Sanctorum statum in cœlestibus.



Irurum videri non debet, quòd lapis noster transmutet reliqua metallorū corpora in purissimum, & perfectissimum aurū. Ille enim in exaltatione sua filius dicitur ignis, ab igne elementorum optimo, & purissimo generatus. Ignis autem

iste virtute sua vicissim generat ignem : qualis enim fuit pater, talis quoque est filius. Sic ab Adamo vno homine, homo, & ab hoc homine Adami filio, omnis homo. Si enim Adami filius patris vices non egisset, omnis humana natura in ipsissimo filio funditus periisset. Sed filius pater factus, generavit similes patri suo filios infinitos. Sic etiam filius Solis in generatione filiorum suorum pater factus, semper exprimit patrem suum, vultu, gestu, moribus. Est enim filius imago patris, sicut pater typus

T

est

est, et exemplar filij. Et quantò propiùs similitudo filij accedit ad patrem, tantò magis propriè filius postea generat, et sibi, et patri suo similem filium. Sed quorsum hæc? Nempè vt per Alchymiam intelligamus, etiam in divinis similitudinem aliam esse vestigij, aliam verò imaginis. Quemadmodum, enim per imperfectorum metallorum transmutationem, lapidis perfectionem investigamus, & ab effectu quasi per vestigia lapidem agnoscimus potentem, penetrativum, & tingentem; Sic per res creatas à Deo, vitam, victum, & vestitum quærentes, quasi per earum vestigia deum cognoscimus, deum quærimus, & ipsum deum rerum omnium summum creatorem esse, & patrem agnoscimus.

Iob. 38. 28.

Quis enim pater est pluviarum, vel quis generavit roris guttulas? In ipsis sanè tam animalibus, quàm vegetabilibus & mineralibus deum quærimus, & deum invenimus tanquam per vestigia. Est autem in homine, tanquam in creatura rationali, propterea consideratur in puris naturalibus similitudo propior et expressior quæ dicitur similitudo imaginis. Assimilatur enim deo, non solum vt primo enti, in quantum ens, et vt primæ vitæ, in quantum vivens, vt reliquæ assimilantur creaturæ, sed etiam deo, vt summæ sapientiæ, in quantum sapit, et intelligit. Dixit itaq; deus, faciamus hominem ad imaginem nostram. Atq; hæc omnia docet, et ostendit philosophorum lapis in summam præpotentis dei laudem, et gloriam. Primò enim lapis in exaltatione sua.

sua licet non faciat reliqua metalla, transmutat tamen, & perficit ea ad imaginem suam. Atq; hæc est similitudo imaginis, sicut homo creatus ad imaginem dei, habet aptitudinem naturalem ad intelligendum, & amandum deum. Secundò imperfectum metallum, lapidis virtute, ad transmutationem est aptū. Atq; hæc est similitudo bonitatis, sicut homo actu, vel habitu deum cognoscit & amat, licet adhuc imperfectè, per similitudinem gratiæ. Deniq; imperfectum metallum virtute lapidis perfectionem summam consequitur. Atq; hæc est similitudo gloriæ, sicut homo similitudinem dei adeptus, deum cognoscit, & amat perfectè. Prima similitudo, quoad metalla, est in omnibus metallis, & quoad homines in omnibus hominibus, scilicet, per similitudinem imaginis. Secunda in metallis puris & purgatis, & in hominibus iustis, & virtute præditis, per similitudinem gratiæ. Tertia in metallis perfectis, & in hominibus beatis per similitudinem gloriæ. O beatam in deo, et propter deum scientiam, quæ manifestè docet et indigitas ea quæ non aliter nisi per fidem comprehendi possunt! Nullum autem simile est idem. Neq; enim metallum imperfectum transmutatum in perfectum, lapis est, sed lapidis filius. Nec homo ad imaginē dei factus, deus est, sed dei filius. Vtraq; filiatio, tam ea in metallis, et per metalla, quàm ea in hominibus, et per hominem Christum, docet in materia lapidis deum esse creatorem, et patrem omnium rerum, et in ipso

lapide, metalla imperfecta in perfecta transfor-
 mante, Christum Iesum dominum nostrum esse
 suorum redemptorem, et in lapidis virtute spiritum
 sanctum esse benedictum, et benedicientem in rebus
 omnibus factorem. Quod autem ad similitudinem
 gloriæ attinet, de qua nunc præcipue fit sermo, ve-
 beatum in coelestibus, et gloriosum sanctorum sta-
 tum in resurrectionis die pro posse nostro quodam
 modo nunc, ut tunc, intellectu comprehendamus,
 In ipsis metallis considerata sunt tria, quæ nos ad
 veritatem, et huius mysterij maximi dilucidationem
 ducunt. Primum, In metallis considerandum, cui as-
 similatur. Assimilantur enim imperfecta perfectis-
 simo, sicut et nos assimilabimur Christo fratri pri-
 mogenito, et per eum deo patri. Nam pater adop-
 tat, regeneratque nos sibi in filios gratiæ mediate in
 Christo, per, et propter Christum filium suum uni-
 cum, et in eo, et per eum assimilabimur deo patri
 et sacrosanctæ trinitati. Prædestinauit enim nos
 imagini conformes fieri filij sui, ut sit ipse primo-
 genitus in multis fratribus. Itaque sanctus Paulus
 Adamum et Christum, tanquam duos oppositos
 typos proponit. Nam ut Adamo conformes fui-
 mus animâ in peccato, corpore in miseria: sic Chri-
 sto erimus, animâ, in interna pulchritudine sanctita-
 tis, corpore, in externo fulgore et gloria. Sicut e-
 nim gestavimus imaginem terreni, gestabimus eti-
 am imaginem coelestis. Hanc verò imaginem et
 externæ pulchritudinis, et interni fulgoris refert la-
 pis,

Rom. 8. 28.

pis, dans corpori, adhuc imperfecto perfectionem suam, abstergendo originalem maculam, & perficiendo in corpus pulchrum, & perfectum. Secundò perpendendum, in quibus nos, imaginem coelestis gestantes, assimilabimur Christo, & deo, scilicet in sanctitate, & foelicitate, tam in corpore per dotes corporis, quam in anima per dotes animæ. Animæ enim erunt imagines dei in sanctitate, iustitia, puritate, & sapientia; & corpora erunt imagines hominis Christi. Nam conformia e- *Phil. 3. 31.* runt corpora nostra glorioso Christi corpori. Expectamus enim salvatorem dominum nostrum Iesum Christum qui reformabit corpus humilitatis nostræ, configuratum corpori claritatis suæ, secundum operationem virtutis suæ, qua possit etiam subijcere sibi omnia. Quis tam à ratione alienus, & averfus à veritate, qui rejiciat lapidem nostrum à mortuis resurgentem, & à *Nihilo* ad *Omnia* tandem pervenientem, demonstrantem etiam nostrorum corporum, post eorum resurrectionem, primò impassibilitatem, in incorruptione per florescentiam. *I. Cor. 15. 42.* Seminatur in corruptione, surget in incorruptione. *Nihil* promouetur ad *Omnia*. Secundò claritatem, in gloria per transparentiam. Seminatur in ignobilitate, surget in gloria. *Nihil* transit in *Omnia*. Tertio agilitatem, in transparentia per penetrationem. Seminatur in infirmitate, surget in virtute. *Nihil* factum est *Omnia*. Quartò subtilitatem, in penetratione per spirituales tincturam. Seminatur

corpus animale, surget corpus spirituale. *Nihil* consequitur *Omnia*, Atq; hæc omnia in lapide, & per lapidem nostrum. Atq; hæc omnia in nobis ipsis virtute lapidis nostri angularis, & per Christum. Neq; enim in his est vana consideratio superbae affectationis Luciferi, dicentis, similis ero altissimo, vel falsæ promissionis, qua deluserit primos parentes, dicentis, eritis sicut dii, cognoscentes bonum & malum. Tertiò quærendum in speculo Alchymie de assimilatione nostra, nempe quo modo, & quousq; assimilabimur Christo. Ipsa enim docet Alchymia in philosophorum lapide perfectiones esse, & communicabiles, & incommunicabiles. Incommunicabiles sunt summæ in lapide perfectiones, simplicitatis, potentiae, sufficientiae, infinitatis, essentiae, æqualitatis, &c. Quas lapis non communicat ipsis metallis: Tunc enim omnia metalla faciliè lapides fierent. Communicabiles autem sunt, puritas, claritas, fixatio, bonitas, in quibus in ipsius auri forma, & essentia, exprimitur imago lapidis, sicut filius exprimit imaginem patris. Sed migremus hinc, et ex his perscrutemur, (quantum in nobis est) perfectiones alias in deo communicabiles, alias incommunicabiles. Incommunicabiles sunt simplicitas, infinitas, independentia quoad esse, immutabilitas, æternitas, & quæ ex his consequuntur, omnipræsentia, omniscientia, omnipotentia, omnisufficientia, &c. In his perfectionibus nemo alius refert Deum, nisi qui Deus de Deo, filius

lius Dei vnigenitus, imago patris essentialis, qui cum in forma Dei esset, non rapinam arbitratus est, esse se æqualem Deo, scilicet, æqualem infinitate, æternitate, immutabilitate, &c. Aliæ autem sunt divinæ perfectiones communicabiles creaturis pro modulo suo, vt, vita, gloria, immortalitas, potentia, puritas, bonitas, iustitia, sanitas, &c. In his Angeli, & beati homines possunt esse, & erunt vi-
væ, expressæq; imagines Dei. Atq; hac ratione filij Dei similes sunt Deo. Non autem similes similitudine æqualitatis, quam Diabolus in seipso malè affectavit, & primis parentibus falsò promisit: Sed similitudine longo intervallo à divina eminentia distante, similitudine tamen summæ, & supremæ proportionis, quæ potest esse inter Creatorem infinitum, & creaturam finitam. Nam vt speculum ad solem positum inardescit, ita beati spiritus contemplantur (quasi in speculo) gloriam Domini, in eandem imaginem transformantur à gloria in gloriã. 2. Cor. 3. 18.
Mysterium hoc est magnum, diuo Iohanne teste; Charissimi, nunc sumus filij Dei, & nondum apparuit, quod erimus: scimus, quia cum apparuerit, similes ei erimus, quoniam videbimus eum, sicut est. 1. Ioh. 3. 2.
Quasi dicat per propinquam, & immediatam contemplationem Dei, conformes, & similes erimus Deo: Et vt Petrus inquit, facti erimus participes 2. Pet. 1. 4.
divinæ naturæ. Non autem in Identitate essentia: hoc enim proprium est Christo, qui vera est imago Dei essentialis, splendor gloriæ, & figura substantiæ 1. Ioh. 1. 3.
ejus,

ejus, respectu ejusdem essentiae divinae, quam totam, & integram à patre per aeternam generationem sibi communicatam habet. Vnde etiam & perfecta imago Dei est, perfecte implens illud, cujus est imago. Homo autem dicitur ad imaginem potius, quam imago, ad imperfectionem imaginis designandam. Sit ergo nomen filij proprium Christo univocè, quia essentialis, & perfecta Dei est imago, nemini conveniens præter ipsum, ne Angelis quidem. Cui enim Angelorum aliquandò dixit? *Heb. i. 5.* Filius meus es tu, ego hodiè genui te. Sed ut qui unigenitus erat, fieret quoque primogenitus inter multos fratres, placuit Deo patri, ut etiam nos prædestinati, & vocati essemus secundum propositum ejus, qui omnia operatur. Quare dicit Ambrosius, *Eph. i. 5.* Christus natus est unus, sed noluit manere unus. Nos enim gratiâ Dei, per, & propter Christum divinae erimus participes naturæ: Non autem (ut prius dictum est) in identitate essentiae, sicut Christus, qui Deus est; sed similitudine divinarum qualitarum, & perfectionum, quatenus filij pro modulo suo, per adoptionem similes esse possint infinitæ, & divinae naturæ, in puritate, bonitate, sanctitate, iustitia, potentia, immortalitate, & gloria. Quæ omnia nobis convenire possunt, & perfectiones sunt in Deo, creaturæ communicabiles, per Christum Iesum Dominum nostrum, cui gloria, laus & honor nunc, & semper in sæcula sæculorum. Amen.

FINIS.

h (1)
Joannis Pontani, summi Phi-
losophi, epistola, in qua de Lapide
quem Philosophorum vocant
agitur.

Ego Iohannes Pontanus, multas perlustravi regiones,
ut certum quid de Lapide Philosophorum agnosce-
rem, & quasi totum Mundum ambiens, Deceptores fal-
sos inueni, & non Philosophos. semper tamen studens, &
multipliciter dubitans, veritatem inueni. Sed cum mate-
riam agnoscerem, ducenties erravi, antequam veram
materiam, operationem, & practicam inuenissem, Pri-
mo materiae operationes, putrefactiones nouem me-
nsibus cepi, & nihil inueni: etiam in balneo Mariae
per tempus aliquod posui, & similiter erravi. Enim-
vero in calcinationis igne tribus mensibus posui,
& male operatus sum: omnia distillationum & sub-
limationum genera prout dicunt seu dicere vi-
dentur Philosophi, sicut Geber, Archelaus, & alij
fere omnes tractavi, & nihil inueni. Denique subiectum
totius artis Alchimiae omnibus modis qui exlogi-
tandi sunt, & qui fiunt per fimum, balneum, cine-
res, & alios ignes multiplicis generis, qui tamen
in Philosophorum Libris reperiuntur, perficere ten-
taui, sed nihil boni repperi. Quapropter annis tribus
continuis in Philosophorum libris studui; in solo prae-
sertim Hermete cuius uerba breuiora totum Com-
prehendunt Lapidem; licet obscure loquatur de su-
periore & inferiore, de caelo & terra. nostrum igitur
instrumentum quod materiam deducit in esse in-
prim-

Geber.
Arche-
laus.

Hermes.

primo, secundo, et tertio opere, non est ignis balnei, ne-
 que fimi, neque cinerum, nec aliorum ignium quos Philo-
 sophi in libris suis posuerunt. Quis igitur ignis ille est
 qui totum perficit opus a principio usque ad finem?
 certe Philosophi eum celauerunt. Sed ego pietate mo-
 tus eum vobis declarare, una cum complemento totius
 operis volo. Lapis ergo Philosophorum unus est, sed
 multipliciter nominatur, & antequam agnoscas erit
 tibi difficile. Est enim Aqueus, Aereus, Igneus,
Terreus, Phlegmaticus, Colericus, & Melancholicus;
est Sulphureus, & est similiter Argentum viuum, et
habet multas superfluitates, quae per Deum viuum con-
uertuntur in veram essentiam, mediante igne nostro:
& qui aliquid a subiecto seperat, putans id necessa-
rium esse, is profecto in philosophia nihil quia su-
perfluum, immundum, turpe, faeculentum, et tota
denique substantia subiecti, perficitur in corpus spiri-
tuale fixum, mediante igne nostro. Et hoc sapi-
entes nunquam reuelarunt: propterea pauci ad ar-
tem perueniunt, putantes aliquid tale superfluum,
& immundum. Nunc oportet elicere proprietates
nostri ignis, & an conueniat nostrae materiae se-
cundum eum quem dixi modum, scilicet ut transmu-
tetur; cum ignis ille non comburat materiam nihil de
materia separet, non segreget partes puras ab impuris
(ut dicunt omnes Philosophi) sed totum subiectum
in puritatem conuertit: non sublimat sicut Geber
suas sublimationes facit, similiter & Arnoldus, et
alii de sublimationibus & distillationibus loquentes in
breui tempore perfici. Mineralis est, aequalis est, conti-
nuus est, non vaporat nisi nimium excitetur, de
 Sulph=

(3)

sulphure participat, aliunde sumitur quam a mate-
ria, omnia diruit, soluit & congelat similiter et conge-
lat & calcinat, et est artificialis ad inueniendum, est
compendium sine sumptu aliquo, saltem paruo: & ille
ignis est cum mediocri ignitione quia cum remisso ig-
ne totum opus perficitur, simulq; omnes debitas
sublimatione^{is} facit. Qui Gebrum legerent & Geber.
omnes alios Philosophos, si centum millibus annorū
viuerent, non comprehenderent, quia per solam & profundam
cogitationem ignis ille reperitur, tunc vero potest
in libris comprehendi, & non prius. Error igitur istius
artis est non reperire ignem qui totam materiam conue-
rtit in verum Lapidem Philosophorum. Studeas igitur
ibi, quia si ego hunc primo inuenissem, ego non
errassem ducentes in practica super materiam: propterea
non minor si tot et tanti ad opus non peruenierunt, er-
rant, errauerunt, errabunt, eo quod proprium agens
non posuerunt Philosophi, (excepto uno qui Artephius | Artephius
nominatur.) sed pro se loquitur: & nisi Artephium legi-
sem & loqui sensissem, nunquam ad complementum
operis peruenissem. Practica vero haec est. Suma-
et diligentior quam fieri potest teratur contritio-
ne physica, & ad ignem dimittatur, ignisque propor-
tio sciatur, scilicet ut tantummodo excitet materi-
am, & in breui tempore ignis ille absque alia manuum ap-
positione de certo totum opus complebit, Quia putre-
faciet, corrumpet, generabit, & perficiet. et tres faciet
apparere colores principales, Nigrum, Album, et
Rubeum. Et mediante igne nostro multiplicabitur
medicina, si cum cruda coniungatur materia nō
solum in quantitate, sed etiam in virtute. Totis
igit

igitur viribus tuum ignem inquirere scias, & per-
uenies; quia totum facit opus, & est clavis omnium
Philosophorum quam nunquam reuelauerunt. Sed si
bene et profunde super prædicta de proprietatibus
ignis cogitaueris, scies, & non aliter. Fietate ego
motus hæc scripsi, sed ut satisfaciam, ignis non tra-
smutatur cum materia, quia non ~~est~~ est de
materia, ut supra dixi. Hæc igitur dicere volui,
prudentesque admonere, ne pecunias suas inu-
tiliter consumant, sed sciant quid inquirere debe-
ant: eo modo ad artis veritatem peruenient et
non aliter. Vale. M

Hæc duodecem sequentes ^{ptinent} ad perfectam
compositionem lapidis Philosophorum
et vocantur duodecem ianua
Georgij Ruplei.

1. Calcinatio. 2. Dissolutio. 3. Seperatio.
4. Coniunctio. 5. Putrefactio. 6. Congelatio.
7. Cibatio. 8. Sublimatio. 9. Fermentatio.
10. Exaltatio. 11. Multiplicatio. 12. Proiectio.

The Redd man, And his white wife
are ioyn'd together throngh the Spirite of Life.

Cælum Philosophorum, in quo Maiesteriū perfectū ē.
Henrico Kunrathlip's Auctore.

